

Ibihe Birindwi By'itorero

Igice Cya Gatanu

Igisekuru Cy'itorero Ry'I Perugamo

Ibyahishuwe 2.12-17 :

"Wandikire Marayika w'itorero ry'i Perugamo uti: "Ufite inkota ityaye ifite ubugi impande zombi aravugaaya magambo ati: 'Nzi aho uba ko ari ho intebey'ubwami bwa Satani iri, nyamara ugakomeza izina ryange ntiwhakane kunyizera, ndetse no mu minsi ya Antipa umugabo wakiranukiraga kumpamya, wiciwe iwanyu aho Satani aba. Ariko rero mfite bike nkugaya, kuko iwanyu ufite abakomeza inyigisho za Balamu, wigishije Balaki gushyira igisitaza imbere y'Abisirayeli kugira ngo barye intonorano kandi basambane. Na we ni ko umeze, ufite abakomeza inyigisho z'Abanikolayiti nka bo. Nuko wihane kuko nutihana nzaza aho uri vuba, ndwanye abo mbatikure inkota yo mu kanwa kange. Ufite ugutwi niyumve ibyo Umwuka abwira amatorero: unesha nzamuha kuri manu yahishwe, muhe n'ibuye ryera ryanditsweho izina rishya ritazwi n'umuntu wese keretse urihabwa."

PERUGAMO

Perugamo (ni izina rya kera) yari iherereye muri Misiya, akarere kaneteshwaga n'imigezi ibiri hamwe n'uruzi rwatumaga gakora ku Nyanja. Bawugaragazaga nk'umurwa urusha indi gukomera muri Aziya. Ubumenyi bwari buhafite umwanya wa mbere: wari ufite inkoranyabitabo ya kabiri ku isi nyuma y'iya Alegizandiriya. Nyamara, icyaha na cyo cyari kihafite umwanya ukomeye: umurwa wari wariyeguriye imihango y'urukozasoni yo kuramya ikigirwamana kitwa Asikerepiyosi, bakiramyaga mu ishusho y'inzoka nzima bari batunze kandi bayigaburiraga mu ngoro. Muri uwo murwa mwiza wari ufite ubusitani bw'uduti twuhirwaga amazi, wari ufite ingendo zawo z'abahatembereraga n'ahantu hawo hasurwaga, habaga itsinda rito ry'abizera bamaramaje batemeraga gushukwa n'utwo tuntu dusigirije tw'ubwiza, kandi bangaga urunuka iyo mihangyo kuramya Satani yari yuzuye umurwa.

IGISEKURU

Igisekuru cya Perugamo cyamaze hafi imyaka magana atatu, guhera muri 312 kugeza 606 nyuma ya Yesu Kristo.

INTUMWA

Dukoresheje ibyo dushingiraho twahawe n'Imana mu gutoranya intumwa ya buri gisekuru, ni ukuvuga guhitamo ufite umurimo urushijeho kwegera uw'intumwa ya mbere, ari yo Pawulo, duhamya tudashidikanya ko intumwa ya Perugamo ari Martin. Martin yavukiye muri Hongiriya mu mwaka wa 315. Rwose, yasohoje inshingano ye mu Bufaransa, ahitwa, i Tours no mu nkengero z'aho, yakoze inshingano y'ubwepisikopi. Yapfuye mu wa 399. Uwo wera ukomeye yari nyirarume w'undi mukristu mwiza bitangaje: Uwera Patrick wo muri Irlande.

Igihe yahindukiriraga Kristo, Martin yakoraga umwuga wa gisirikare. Igihe yari akiri umusirikare w'igihugu ke, igitangaza gikomeye cyane kibaho. Bavuga ko umuntu usabiriza wari arambaraye hasi, arwaye, mu gace k'umugi aho Martin yakoreraga. Imbeho y'igihe cy'ubukonje yendaga kumwica, kuko yari yambaye bidakwiriye. Nta muntu n'umwe wari witaye ku bukene bwe kugeza ubwo Martin yaje kumunyura iruhande. Abonye ibyago by'ubo muntu wo kubabarirwa, Martin, utagira imyambaro yo gukurana, yikuramo ikote rye maze akaricamo kabiri akoresheje inkota ye kugira ngo ashobore gufubika uwo muntu wari wabaye umukonjera nk'urubura. Amwitaho uko ashoboye kose, hanyuma akikomereza urugendo rwe. Iryo joro, Umwami Yesu amubonekera mu iyerekwa. Nguwo ahagaze aho, mu ishusho y'umuntu usabiriza, yigurebye igice k'ikote rya Martin. Aramuvugisha kandi aramubwira ati; "Ni nge uwo Martin, nyamara w'umwigishwa gusa ukiyoborwa, yambitse iri koti ryo kwifubika." Uhoreye icyo gihe, Martin aharanira gukorera Umwami n'umutima we wose. Imbereho ye ihinduka ibitangaza bisimburana kimwe ku kindi byagaragazaga imbaraga y'Imana.

Amaze kuva mu ngabo no guhinduka umuyobozi w'itorero, yarwanyije byimazeyo kuramya ibigirwamana. Yarimbura ibigirwamana byakozwe, yamenaguraga amashusho y'ibibumbano kandi akarimbura ibicaniro. Igihe, ku bw'ibikorwa bye, agira guhangana n'abapagani, yarabatsinze yegukana insinzi kimwe neza neza n'iya Eliya imbere y'abahanuzi ba Bayali. Atanga uburenganzira bwo guhambirwa ku giti mu ruhande cyari gihengamiyemo, ku buryo icyo giti kimugwira kikamuhindura ivu, igihe bari bagiye kugitema, keretse Imana itabaye kugira ngo igushe icyo giti mu rundi ruhande. Abo bantu b'inyaryenge, b'abapagani bamuhambira ku giti cyari giteye mu rubavu rw'umusozi ku gacuri. Ku bw'ibyo, bari bazi neze ko imbaraga zisanzwe za rukuruzi z'isi zajyaga kumugushaho icyo giti kikamuhindura ivu. Igihe igit cyatangiraga kugwa, Imana ikigushsa ikerekeje ruguru ku musozi, bihabanye n'amategeko yose

y'ibyaremwe. Abapagani barahunga, maze abenshi muri bo basangwa bagwiriwe n'icyo giti cyatemwe.

Abanyamateka bahamya ko nibura inshuro eshatu, yazuye abapfuye ku bwo kwizera izina rya Yesu. Igihe kimwe, yasengeye umwana w'uruhinja rwapfuye. Kimwe na Elisa, yubaraye kuri uwo mwana ruhinja maze arasenga. Uruhinja rurazuka maze rurongera ruba ruzima. Ikindi gihe, ahamagarirwa gutabara mwene Se umwe bari bagiye kunyonga, mu gihe cy'akarengane gakomeye. Igihe ahageze, uwo muntu wo kubabarirwa yari yamaze gupfa: bari bamumanitse mu giti. Umubiri we nta buzima wari ugifite, n'amaso ye yari yari yamuvuyemo. Ariko Martin aramumanura, arasenga, kandi icyo gihe, uwo muntu arazuka, binezeza cyane umuryango wongeye ukamubona.

Martin ntiyigeze na rimwe atinya umwanzi, uwo yabasha kuba ari we wese. Ku bw'ibyo, ahangara, we ubwe, n'umwami w'abami gica washinjwaga urupfu rw'abera bensi buzuye Umwuka. Kubera ko umwami w'abami atashakaga kumuha karibu, Martin ajya kureba umwe mu nshuti z'umwami w'abami, witwa Damase, Umwepisikopi w'umogome gica w'i Roma. Ariko Umwepisikopi, wari umukristu Ku izina gusa, ukomoka ku muzabibu w'ikinyoma, ntiyemera kuba umuhuza. Martin asubira mu ngoro ibwami, ariko noneho bari bakinze inzugi, kandi ntibashakaga kumureka ngo yinjire. Apfukama imbere y'Umwami kandi agasenga kugira ngo abashe kwinjira mu ngoro ibwami. Yumva ijwi ryamubwiraga ngo ahaguruke. Igihe abikoze, abona inzugi zirikinguye ubwazo. Yinjira mu rugo. Ariko uwo mwami w'umunyagasuzuguro ntiyashaka gukebuka ngo amurebe bavugane. Martin arongera arasenga. Muri ako kanya, umuriro waka bitunguranye uturutse mu ntebe y'ubwami, maze umwami w'abami ababaye ahita ayivamo yihuta. Nta gushidikanya, Umwami acisha bugufi abibone, kandi agashyira hejuru abicisha bugufi.

Ishyaka rye ryo gukorera Umwami ryari ryinshi ku buryo byarakazaga Satani cyane. Abanzi b'Ukuri bagurira abicanyi ngo bice Maritini. Binjira rwihihwa iwe, kandi, kubera ko bari biteguriye kumwica, arahaguruka ategera umuhogo we ijosi rye inkota. Igihe bamusimbukiraga, imbaraga y'Imana ihita ibajugunya giturumbuka ku rundi ruhande rw'icyumba. Bafatwa n'ubwoba muri icyo kirere gitangaje cyo kwera, batangira gukururuka hasi bakambakambisha amavi kugira ngo bage kumusaba imbabazi ku bwo kuba bari baciriye igico ubuzima bwe ngo bamwice.

Bikunze kubaho kenshi, iyo abantu bakoreshejwe n'Umwami ku buryo butangaje, icyo gihe usanga buzuye ubwibone. Ariko si ko bimera kuri Martin, wakomeje igithe cyose kuba umugaragu w'Imana wicisha bugufi. Umugoroba umwe, igithe yiteguraga kujya imbere ku ruhimbi, umuntu usabiriza yinjiye mu biro bye aje kumusaba imyambaro. Martin yohereza uwo musabirizi ku mudiyakoni we mukuru. Umuntu w'umwibone, uwo mudiyakoni ategeka uwo muntu usabiriza ngo nagende ave aho. Uyu we asubira kwa Martin. Martin arahaguruka, atanga umwambaro we mwiza awuha wa musabirizi maze asaba wa mudiyakoni kumuzanira uwundi mwambaro, utanganya ubwiza n'uwa mbere. Uwo mugoroba, igithe Martin yabwirizaga Ijambo, umukumbi w'Imana ubona azengurutswe n'umucyo w'ubwiza wererana.

Rwose nta gushidikanya, yari umuntu ukomeye, intumwa nyakuri y'icyo gisekuru. Ntiyigeze ashaka na rimwe ikindi kintu usibye kuba umuntu unezeza Imana, yabayeho imibereho yo kwiyeguriye Imana ko mu rwego rwo hejuru. Ntiyihaga na rimwe kubwiriza atabanje gusenga kandi ngo abe yageze mu kirere cy'umwuka kimwemerera kumenya no gutanga inama yose y'Imana ku bw'Umwuka Wera uvuye mu Ijur. Akensi, yabwiraga abantu gутегереza, mu gihe yasengeraga kubona igihamba cyuzuye.

Mu kumenya Martin n'ubukozi bwe bw'imbaraga, ushobora gутekereza ko gutotezwa kw'abera kwari kwaragabanutse. Habe na mba. Satani yakomezaga kubarimbura yifashishije abagizi ba nabi. Babatwikishaga umuriro w'ingiga z'inkwi. Bababambishaga imisumari ku ngiga z'ibiti, bubamye ku butaka, babashumurizaga amasega aryana, kugira ngo ayo masega atanyaguze umubiri wabo n'ibyo mu nda byabo, akabasiga aho ari abo gupfa, bishwe urw'agashinyaguro. Bafomozaga abagore batwite bagakura impinja mu nda z'ababyeyi kugira ngo bazijugunyire ingurube. Bacaga abagore amabere, bakabahatira gukomeza guhagarara, batakaza amaraso yabo yabaga yimisha uko umutima uteye, kugeza igithe batembagaye bakitura hasi, bumye bapfuye.

Kandi ibyo binto na none byari birushijeho gutera ubwoba cyane igithe watekereza ko bitari gusa igikorwa cy'abapagani, ahubwo akensi cyari igikorwa cy'abiyita Abakristu, batekerezaga ko bakoreye umurimo Imana mu kurimbura abo basirikari bo kwizerwa b'umusaraba bahagararaga bashikamye ku bw'Ijambo no kumvira Umwuka Wera.

Yohana 16.2:

"Bazabaca mu masinagogi, kandi igithe kigiye kuza, uzabica wese azibwira ko akoreye Imana umurimo."

Matayo 24.9:

"Ubwo ni bwo bazabagambanira ngo mubabazwe, ndetse bazabica, muzangwa n'amahanga yose abahora Izina ryange."

Ku bw'ibimenyetso n'imrimo ikomeye, ku bw'imbaraga y'Umwuka Wera, ku buryo bugaragara Martin

yahamijwe ko ari we wari ntumwa y'icyo gisekuru. Gusa atari uko yari afite ubukozi bukomeye, ahubwo we ubwe yari umwizerwa igithe cyose ku Ijambo ry'Imana. Yarwanyaga ikidini. Yarwanyaga icyaha ku rwego rwo hejuru. Yari intwari ihiga izindi y'ukuri, mu magambo no mu bikorwa, kandi akabaho imibereho yuzuye insinzi z'ubukristu.

Dore icyo umwanditsi wandika ku mibereho y'abantu yandikaga kuri we, ati: "Nta muntu n'umwe wigeze kumubona arakaye, yataye umutwe, ababaye, cyangwa arimo aseka. Yahoraga igithe cyose ari wa wundi, yagaragazaga muri we ikintu cyo kudapfa, ikintu cy'umunezero wo mu ijuru cyabaga kigaragaza mu maso he. Ntiyari yarigeze agira ikindi kintu na kimwe mu kanwa ke kitari Kristo, nta na kimwe yigeze agira mu mutima we usibye ukwera, amahoro n'impuhwe. Akensi yarizwaga n' ibyaha ndetse n'iby'abanzi be, bamugabagaho ibitero bakoresheje indimi z'inshira n'ubumara mu kanwa kabo, mu gihe yari umuntu wiceckeeye uvuga make cyangwa ntagire icyo avuga . Abensi baramwangaga kubera imbaraga yamukoreragamo bo ubwabo ntibari bayifite kandi ntibashoboraga kuyigana; kandi igitangaje, ni uko abamurwanyaga kurusha abandi bari abepisikopi."

INDAMUTSO

Ibyahishuwe 2.12b:

"Ufite inkota ityaye ifite ubugi impande zombi aravuga aya magambo ati." Ubutumwa bubwirizwa iki gisekuru cya gatatu k'itorero bugiye gutangazwa. Igice cya gatatu cy'ukwigaragaza gukomeye kwa "Kristo hagati mu itorero Rye" kigiye guhishurwa. Mu ijwi risa n'iry'impanda, Umwuka yerekana Ibitagereranywa, "Ufite inkota ityaye, ifite ubugi impande zose."

Mbega ikinyuranyo kiri hagati y'uko kwigaragaza n'ukwa Pilato, igithe yerekanaga Umwana w'intama w'Imana, yambaye igishura gitukura, yakubiswe kandi yambitswe ikamba ry'amahwa, ku buryo bwo kumushinyagurira, akavuga, ati: "Nguyu Umwami wanyu!" None, Umwami wazutse ahagaze hariya, Yambaye cyami kandi Yambitswe ikamba ry'icyubahiro, "Kristo, imbaraga y'Imana."

Muri aya magambo: "Ufite inkota ityaye, ifite ubugi impande zombi", ari mu kundi guhishurwa k'Ubumana. Muribuka ko mu gisekuru cya Efeso, Yari yerekanywe nk'Imana idahinduka. Mu gisekuru cya Simuruna, twamubonye nk'IMANA IMWE RUKUMBI Y'UKURI; nta yindi ibaho na mba usibye Yo. None, mu gisekuru cya Perugamo, nguku na none uguhishurwa k'ubumana Bwe, bugaragajwe ku bw'isano Ye afitanye n'inkota ityaye, ifite ubugi ipande zombi, ari yo Jambo ry'Imana.

Abaheburayo 4.12:

"Kuko Ijambo ry'Imana ari rizima, rifite imbaraga kandi rikagira ubugi buruta ubw'inkota zose, rigahinguranya ndetse kugeza ubwo rigabanya ubugingo n'umwuka, rikagabanya ingingo n'umusokoro kandi rikabangukira kugenzura ibyo umutima wibwira ukagambirira."

Abefeso 6.17:

"Mwakire n'inkota ari yo Jambo ry'Imana."

Ibyahishuwe 19.13 na 15a:

"Yambaye umwenda winitswe mu maraso kandi yitwa Jambo ry'Imana. Mu kanwa ke havamo inkota ityaye, ifite ubugi impande zombi."

Yohana 1.1-3:

"Mbere na mbere hariho Jambo; kandi Jambo yari Imana. Uwo yahoranye n'Imana mbere na mbere. Ibantu byose ni we wabiremye, ndetse mu byaremwe byose nta na kimwe kitaremwe na we."

Yohana 5.7-8:

"Hari Ibihamya bitatu mu Ijuru: Data, Ijambo n'Umwuka Wera, kandi ibyo bitatu ni UMWE."

Noneho turabona isano Ye afitanye n'Ijambo. WE NI IJAMBO. Nguwo uwo ari We. IJAMBO MU IZINA RYAYO.

Muri Yohana 1:1, ahavuga, hati: "Mbere na mbere hariho Jambo", inkomoko muzi isobonura "Jambo", ni "Logos" rishaka kuvuga "igitekerezo" icyo wibwiye ukakigaragaza". Iryo jambo risobanura icyu rimwe "igitekerezo" na "imvugo" Nyamara, "igitekerezo kigaragajwe" ni "ijambo" cyangwa "amagambo" Ni byiza, ni byiza bitangaje, si ko biri? Yohana avuga ko igitekerezo k'Imana cyagaragarijwe muri Yesu. Kandi Pawulo avuga neza neza nk'ibyo mu Baheburayo 1:1-3:

"Kera Imana yavuganiye na basogokuruza mu kanwa k'abahanuzi mu bihe byinshi no mu buryo bwinshi, naho muri iyi mins i'y'imperuka yavuganiye natwe mu kanwa k'Umwana wayo, uwo yashyiriyeho kuba umuragwa wa byose ari we Yaremesheje isi. Uwo kuko ari ukurabagirana k'ubwiza bwayo n'ishusho ya kamere yayo, kandi akaba aramiza byose Ijambo ry'imbaraga Ze, amaze kweza no gukuraho ibyaha byacu yicara iburyo bw'Imana ikomeye cyane mu ijuru."

Imana yavugiye mu bumuntu bwa Yesu Kristo. Yesu yari Ishusho y'ubumuntu bw'Imana. Na none, muri Yohana 1:14 haragira, hati:

"Jambo uwo yabaye umuntu abana natwe."

Kamere y'Imana ubwa yo yambaye umubiri kandi yatuye muri twe. Imana ikomeye-Umwuka, yo nta muntu n'umwe washoboraga kuyegera, nta n'umuntu n'umwe wari warayibonye cyangwa washoboraga kuyibona, yari ifite noneho ubuturo mu mubiri kandi ikabana n'abantu, igaragariza abantu umwuzuro w'Ubumana.

Yohana 1.18:

"Uhoreye kera kose nta muntu wigeze kubona Imana, ahubwo Umwana w'ikinege uri mu gituza cya Se, ni we wayimenyekanishije."

Imana, yo, ibihe bimwe na bimwe, yari yarerekanye ukubaho kwayo ku bw'Igicu cy'ubwiza cyangwa Inkingi y'Umuriro yateraga ubwoba imitima y'abantu,- iyo Mana, kamere yayo nyirizina yahishurwaga gusa n'amagambo yavugwaga n'abahanuzi, yari yahindutse noneho Emanweli (Imana iri kumwe natwe) wimenyekanishaga. Imvugo "kumenyesha" yakuwe ku ikomorajambo muzi ry'ijambo ry'ikigiriki "exegesis", risobanura: "gusobanura byuzuye kandi ukagaragaza umucyo w'ibintu." Ni cyo JAMBO muzima, Yesu, yakoze. Yatuzaniye Imana, kuko yari Imana. Yaduhishuriye Imana akoresheje umucyo wuzuye utunganye uruta iyindi ku buryo Yohana yashoboye kumuvugaho muri Yohana 1:1-3:

"Ibyahozezo uhoreye mu itangiriro, ibyo twumvise (Logos bishaka kuvuga "ijambo rigaragajwe"), ibyo twiboneye n'amaso yacu, ibyo twitegereje n'intoki zacu zikabikoraho, byerekeye Ijambo ry'Ubugingo - kandi ubwo Bugingo bwaragaragajwe, kandi twarabubonye, kandi turamuhanya, kandi turabamenyesha Ubugingo Buhoraho, bwahoranye na Data wa twese kandi twarabugaragarijwe, ibyo twabonye kandi tukabyumva ni byo tubabwira kugira ngo na mwe mufatanye natwe, kuko ubwacu dufatanyije na Data wa twese n'Umwana We Yesu Kristo."

Igihe Imana mu by'ukuri yihishuye, yigaragarije mu mubiri. "Uwambonye yabonye Data."

Nyamara, mu Baheburayo 1:1-3, twabonye ko Yesu yari Ishusho y'ubumuntu bw'Imana. Yari Imana, yigaragarizaga umuntu Yo ubwayo ari umuntu. Arikohari ikindi kintu cyo kwitabwaho muri iyi mirongo, twavuga ku murongo wa 1 n'uwa 2:

"Kera Imana yavuganiye na basogokuruza mu kanwa k'abahanuzi mu bihe byinshi no mu buryo bwinshi, naho muri iyi mins i'y'imperuka yavuganiye natwe mu kanwa k'Umwana wayo."

Nifuzaga ko mubona ko hari ugukosora, hano, mu gace k'urupapuro k'amashakiro n'ibisobanuro muri Bibiliya yanyu. Ijambo "ikoresheje" nta bwo ari insobanuro itunganye. Twakagombye kuvuga "MU", atari "ikoresheje". Inyandiko nyayo itunganye yakagombye kuba rero: "Kera, Imana yavuganiye na basogokuruza MU bahanuzi ikoresheje Ijambo."

1Samweli 3.21b:

"Kuko yajyaga yiyyeraka Samweli, i Shilo, ikoresheje ijambo ry'Uwiteka."

Ngiki igisobanura neza neza 1 Yohana 5:7:

"Umwuka n'Ijambo ni UMWE."

Yesu yahishuraga Data. Jambo yahishuraga Data. Yesu yari Ijambo rizima. Icyubahiro kibe ik'Imana, na n'ubu, Aracyari iryo Jambo rizima.

Igihe Yesu yari ari ku isi, Yaravuze ati:

"Ntiwizeye ko ndi muri Data, na Data akaba ari muri nge? Amagambo mbabwiye, sinyavuga ku bwange; kandi Data uguma muri nge, ni We ukora imirimo." Yohana 14:10.

Hano turabona ku buryo bugaragara ko ukwigaragaza kuzuye kw'Imana mu Mwana cyari igikorwa cy'Umwuka wari utuye muri we kandi akaba yarigaragarizaga mu Ijambo no mu bikorwa. Neza neza ni cyo

twigisha uhereye ku itangiriro. Igihe Umugenzi azahinduka umugenzi Jambo, azakora neza neza imirimio nk'iyo Yesu yakoraga. Jambo ni Imana. Umwuka ni Imana. Ni UMWE. Umwe ntashobora gukora undi adahari. Niba umuntu afite by'ukuri Umwuka w'Imana, azaba afite Ijambo ry'Imana. Ni uko byari bimeze ku bahanuzi. Babaga bafite Umwuka w'Imana yabaga atuye muri bo, kandi Ijambo ryazaga kuri bo. Ni uko byari bimeze kuri Yesu. Yari afite muri We Umwuka utagabanije, kandi Ijambo ryazaga kuri We. (Yesu yatangiye gukora no KWIGISHA." "Inyigisho yange ntituruka kuri Nge, ahubwo ituruka kuri Data wantumye." Ibyakozwe 1.1; Yohana 7.16.)

Mwibuke na none ko, Yohana Umubatiza icyarimwe yari umuhanuzi n'intumwa y'igihe ke. Yari yuzuye Umwuka Wera guhera akiri mu nda ya nyina. Igihe yabatizaga muri Yorodani, Ijambo ry'Imana (Yesu) ryaje aho ari. Ijambo igihe cyose riza ku buzuye Umwuka by'ukuri. Aho ni cyo kimenyetso cy'uko wuzuye Umwuka Wera. Yesu yavuze ko icyo cyajyaga kuba igihamya. Yaravuze ati:

"Nzasaba Data, kandi azaboherereza undi Mufasha, kugira ngo abane namwe iteka ryose, Umwuka w'ukuri, uwo ntibishoboka ko ab'isi bamuhabwa."

Nyamara, tuzi Ukuri icyo ari cyo."Ijambo ryawe ni Ukuri.

"Yohana 17 :17b. Kandi no muri Yohana 8 :43 haragira, hati:

"Ni iki gituma mudasobanukirwa imvugo yange? Ni ukubera ko mutabasha kumva Ijambo ryange."

Mbese mwabonye ko Yesu avuga ko ab'isi badashobora kwakira Umwuka Wera? Rwose, maze gusoma kuri uyu murongo ko na none badashobora kwakira Ijambo. Kubera iki? Kubera ko Ijambo n'Umwuka ari umwe, kandi ko iyo mufite Umwuka, nk'uko abahanuzi bari bamufite, Ijambo rizabazaho. Muzaryakira.

Muri Yohana 14:26:

"Ariko Umufasha ari we Mwuka Wera, uwo Data azohereza mu Izina ryange ni we UZABIGISHA byose, kandi azabibutsa ibyo nababwiye byose."

Hano na none, turabona ko Ijambo riza ku bw'Umwuka w'Imana.

Kandi na none muri Yohana 16.13:

"Uwo Mwuka w'ukuri naza (Ijambo), azabayobora mu kuri kose (Ijambo ryawe ni Ukuri); kuko atazavuga ku bwe (Ijambo); ahubwo azavuga (Ijambo)ibyo azumva byose (Ijambo ry'Imana), kandi azabamenyesha ibigye kubaho." (Umwuka ni we uzana Ijambo ry'ubuhanuzi.)

Nifuzaga ko mubona neza ko Yesu atavuze ko ikimenyetso kigaragaza ko mwabatijwe mu Mwuka Wera, ari ukuvuga mu ndimi, ukuzisobanura, uguhanura, cyangwa gutera urusaku musakuza no kubyina. Yavuze ko igihamya cyaba ari uko mwaba muri mu KURI; mwakagombye kuba muri mu Ijambo ry'Imana ry'igihe cyanyu. Gihamya ni uko mwakwakira iryo Jambo.

Mu 1 Abakorinto 14.37:

"Nihagira uwibwira ko ari umuhanuzi cyangwa ko afite Umwuka, amenye ko ibyo mbandikiye ari itegeko ry'Umwami wacu."

Rero, nimurebe: igihamya cy'uko wari utuwemo n'Umwuka, ni uko wabaga wemera kandi Ugakurikira icyo umuhanuzi w'Imana yabaga azanye ku bw' igisekuru ke, kubera ko yashyiraga Itorero muri gahunda. Pawulo byabaye ngombwa ko abwira abavugaga ko bafite ukundi guhishurirwa (ku murongo wa 36) ati:

"Mbese kuri mwe ni ho Ijambo ry'Imana ryaturutse? Cyangwa se ryageze kuri mwe mwenyine?"

Igihamya cy'uko umwizera ari umukristu wuzuye Umwuka, si uko avuga ukuri (Ijambo), ahubwo ni uko yakira ukuri (Ijambo), akaryizera kandi akaryumvira.

Mwabonye mu Byahishuwe 22:17 ko havuga, hati:

"Kandi Umwuka n'Umugenzi barahamagara bati: 'Ngwino.' Kandi uwumva navuge ati: 'Ngwino.'

Murabona, Umugenzi avuga Ijambo rimwe n'iry'Umwuka. Ni Umugenzi Jambo; ni kuri ubwo buryo agaragaza ko afite Umwuka. Muri buri gisekuru k'itorero, twumva ayo magambo agira, ati:

"Ufite ugutwi niyumve icyo Umwuka abwira amatorero."

Umwuka atanga Ijambo. Niba mufite Umwuka, muzumva Ijambo ry'igihe cyanyu, nk'uko abo bakristu

nyakuri bakiriye Ijambo ry'igihe cyabo.

Mwumvise icyo gitekerezo cya nyuma? Ndasubiramo: Buri gisekuru k'itorero gisozwa n'impuguro imwe igira, iti: "Ufite amatwi (umuntu ku gitit ke) niyumve icyo Umwuka abwira amatorero." Umwuka atanga Ijambo. Aba afite ukuri kwa buri gisekuru. Buri gisekuru gifite intore zacyo bwite, kandi iryo tsinda ry'intore igihe cyose "ryumvise Ijambo", kandi bararyakiriye; ni kuri ubwo buryo bagaragaza ko babaga bafite muri bo Imbuto.

Yohana 8.47 haragira, hati:

"Uw'Imana yumva amagambo y'Imana, mwebwe igituma mutumva ni uko mutari ab'Imana."

Banze Ijambo (Yesu), n'amagambo Ye y'igihe cyabo, ariko Imbuto nyakuri yakiriye Ijambo kuko bari ab'Imana.

"Abana bawe BOSE, bazigishwa n'Imana" (Umwuka Wera).

Yesaya 54.13.

Yesu yavuze nk'ibyo muri Yohana 6:45. Ni ukuba UMWE N'IJAMBO ni cyo kigaragaza ko muri umwana w'Imana cyangwa ko mutari we kandi ko mwuzuye Umwuka Wera. Nta kindi kibigaragaza.

Ariko indimi, kuzisobanura n'izindi mpano, byo ni ibiki? Ibyo ni ukwigaragaza gusa. Ngicyo icyo Ijambo ryigisha. Mubisome mu 1 Abakorinto 12:7:

"umuntu wese agahabwa ikimwerekanaho Umwuka kugira ngo bose bafashwe."

Hanyuma, Pawulo agatondagura urutonde rw'uko kwigaragaza.

None, ngiki ikibazo kiza cyane, mufite mwese, ndabizi, mwifuza kubaza. Kubera iki uko kwigaragaza kutaba igihamya cy'uko umuntu yabatijwe n'Umwuka Wera, kuko udashobora kugaragaza Umwuka Wera niba mu by'ukuri utujujwe Umwuka?" Nifuzaga rwose kuvuga ko ari iby'ukuri, kubera ko ntifuza gukomeretsa abantu cyangwa se ngo nkandagire inyigisho yabo, ariko, sinaba mbaye umugaragu nyakuri w'Imana, ndamutse ntabamenyesheje inama yose y'Imana. Ni iby'ukuri, si ko biri?

Reka turebe gato ikibazo cya Balamu. Yari umunyedini, yasengaga Imana. Yari asobanukiwe uburyo bwiza ubwo ari bwo, bwo gutamba ibitambo n'ubwo kwegea Imana, ariko ntiyari umuhanuzi ukomoka ku Mbuto Nyakuri, kubera ko yemeye igihembo k'igicumuro cyo kwimura Imana kandi, cy'urukoza soni, ku buryo yatumye ubwoko bw'Imana bukora ibyaha by'ubusambanyi n'ibyo kuramya ibigirwamana. Kandi nyamara, ni nde watinyuka guhakana ko Umwuka w'Imana wigaragaje anyuriye muri we, agaha abantu bose kimwe mu byitegererezo ngenderwaho byiza kurusha ibindi rwose cy'ukuri? Nyamara ntiyigeze na rimwe agira Umwuka Wera.

Na none, muketekeza iki ku byerekeye Kayafa, umutambyi mukuru? Bibiliya ivuga ko yahanuye urupfu Umwami yari agiye gupfa. Tuzi twese ko ari nta hantu na hamwe havugwa ko yari umuntu wuzuye Umwuka kandi uyoborwa n'Umwuka, nk'uko intwari Simiyoni yari imeze, cyangwa na none uwo mukiranutsi wuzuye ubugwaneza witwaga Ana. Kandi nyamara, yagize ukwigaragaza nyakuri k'Umwuka Wera. Ntidushobora guhakana ibyo. None ni hehe dushobora kubona ko ukwigaragaza ari igihamya? Ibyo ntibibaho. Niba mwujujwe Umwuka w'Imana by'ukuri, muzagira igihamya k'IJAMBO mu mibereho yanyu.

Ngiye kubereka uburyo mbyumva ku buryo bwimbitse n'uburyo nsobanukiwe uko kuri, nifashije uguhishurira nahawe n'Imana. Ariko nifuzaga kubanza kuvuga ibi. Abensi muri mwe bizera ko ndi umuhanuzi. Simvuze ko ndi we. Ni mwe mwabyivugiye. Ariko mwebwe nange, tuzi yuko amayerekwa Imana impa NTA N'INSHURO N'IMWE YIGEZE ABURA GUSOHORA. Niba hari umuntu wabasha kugaragaza ko iyerekwa ryaba ryarigeze kunanirwa gusohora, ndifusa kubimanya. Igihamya ko hari iyerekwa na rimwe ritasohoye, ndashaka kubimanya. None kubera ko mwankurikiye kugeza ubu, aya ni yo mateka yange.

Hashize imyaka myinshi, ubwa mbere igehe nahuye n'Abapantekoti, nakurikiranaga rumwe mu nkurikirane zabo z'amateraniro y'ibiruhuko by'imiryango, ahari hari ukwigaragaza ko kuvuga mu ndimi, n'uko gusobanura izo ndimi n'uk'ubuhanuzi. Abavugabutumwa babiri, urebye, bakoraga icyo kintu cyo kuzivuga kurusha bene Data bandi bose. Nashimaga cyane ayo materaniro, kandi nari nshishikajwe mu by'ukuri n'uko kwigaragaza kunyuranye, kuko kwagiraga icyo kunkoraho gikomoka ku kintu runaka cy'ukuri k'umwimerere. Kubera ko nifuzaga mbikuye ku mutima kwiga kurushaho bishoboka ibyerekeye izo mpano, nafashe ikemezo cyo kuuya kubivuganaho n'abo bagabo bombi.

Nifashishije impano y'Imana iba muri nge, nagerageje kumenya umwuka w'umuntu wa mbere, kugira ngo menye mu by'ukuri niba ari uw'Imana cyangwa ko atari uwayo. Nyuma y'ikiganiro kigufi nagiranye n'uwo mwene Data wuje guca bugufi n'ubugwaneza, namenye ko yari Umukristu nyawe, w'inyangamugayo. Yari we nyakuri. Umusore wundi we ntiyari ameze nk'uwa mbere habe na mba. Yari

umwirasi n'umwibone, kandi, navuganaga na we, iyerekwa ryanyuraga imbere y'amaso yange rinyereka ko yari yarashakanye n'umugore w'ibara ryera rijya kuba umuhondo, ariko akaba yarabanaga n'uw'inzobe yera, kandi akaba yari amufiteho abana babiri. Niba haba harigeze kubaho indyarya, uwo, yari imwe muri zo.

Ndahamya ko nari nakubiswe n'inkuba. Ni buryo ki ntajyaga kumera ntyo? Aho hari hari abantu babiri; umwe muri bo yari umwizera nyakuri, naho undi akaba umutizera wishushanya. KANDI NYAMARA, BOMBI BAGARAGAZAGA IMPANO Z'UMWUKA. Urwo rwijiji rwari rwanteye ikibazo. Mva mu materaniro ngiye gushaka igisubizo K'Imana. Njya, ahantu h'ibanga, ngenyine, kandi aho, nari mfite Bibiliya yange, nsenga Imana nyitegerezeho igisubizo. Ntazi neza neza igice icyo ari cyo nasoma mu byanditswe, mbumbuye Bibiliya byo gutomboza, maze ngwa ku gice cyo muri Matayo. Nsoma umwanya muto, hanyuma mfasha hasi Bibiliya. Hashize umwanya muto, umuyaga winjirana imbaraga bitunguranye mu cyumba maze uhindura impapuro za Bibiliya mu Abaheburayo, igice cya 6. Nsoma icyo gice, maze ntangazwa by'umwihariko n'ijo mirongo idasanzwe.

Abaheburayo 6.4-9:

"Kuko bidashoboka ko abamaze kuvirwa n'umucyo, bagasogongera impano iva mu ijuru, bakagabana ku Mwuka Wera, bakanasogongera Ijambo ryiza ry'Imana, n'imbaraga z'igihe kizaza maze bakagwa bakavamo, ntibishoboka kongera kubahindura bashya ngo bihane, kuko baba bongeye kwibambira Umwana w'Imana, bakamukoza isoni ku mugaragaro. Kuko dore iyo ubutaka bwanyoye imvura yabuguyeho kenshi, bukameramo imyaka igirira akamaro abo buhingirwa, buhabwa umugisha n'Imana. Ariko niba bumeramo amahwa n'ibitovu, buba buhinyutse bugeze hafi yo kuvumwa kandi amaherezo yabwo ni ugutwikwa. Ariko bakundwa nubwo tuvuze dutyo, twiringiye tudashidikanya ko ibyanyu birusha ibyo kuba byiza n'uko bizazana agakiza."

Mbumba Bibiliya, nyifasha hasi, mbitekerezaho umwanya muto maze ndongera ndasenga. Sinari nagahabwa igisubizo. Nongera kubumbura Bibiliya byo gutomboza, ariko sinasoma. Muri ako kanya, umuyaga wongera kwinjirana imbaraga mu cyumba, maze impapuro zirongera ziribumbura indi nshuro zihagararira mu Abaheburayo 6, maze ziguma aho, igihe umuyaga wari umaze gutuza. Nsoma ayo magambo nyasubiramo inshuro nyinshi, maze icyo gihe, Umwuka w'Imana yinjira mu cyumba, maze ngira iyerekwa. Nabonaga Mu iyerekwa, nabonaga umugabo wambaye imyenda yera de, wagendaga mu murima ukimara guhingwa abiba ingano. Wari umunsi wavagaho izuba ryinshi, kandi ibiba ryari ryabaye mu gitondo. Ariko igihe gikuze nimugoroba, nyuma yo kugenda k'uwo mubibyi wari wambaye imyeru, umugabo wambaye ibyirabura yinyabya mu murima rwihihwa abiba indi mbuto mu yo uwo mugabo wari wambaye imyeru yari yabibye. Iminsi irahita -izuba n'imvura bishesha umugisha ubutaka, maze umunsi umwe, ingano irahinguka. Mbega ukuntu yari nziza. Ariko bukeye bw'aho, urukungu rurahinguka.

Ingano n'urukungu byeraga biri hamwe. Byasangiraga ibiryo bimwe biturutse mu butaka bumwe. Byanywaga izuba rimwe n'imvura imwe.

Hanyuma, umunsi umwe, ijuru rihinduka umuringa, maze imyaka yose itangira kuraba no kuma. Numva ingano yubuye umutwe kandi itakambira Imana isaba imvura. Urukungu na rwo, rwazamuraga ijwi hejuru rusaba imvura. Hanyuma, ijuru ririjima maze imvura iragwa. Na none, ingano, noneho imaze guhembuka ifite imbaraga zose, izamura ijwi hejuru maze irarangurura, mu guhimbaza iramya igira iti: "Icyubahiro kibe icy'Umwami!" nuko, mu gutungurwa kwange gukomeye, numva na none urukungu rwahembutse rukabaho, rwubuye umutwe rugira ruti: "Haleluya!"

Icyo gihe nsobanukirwa iyerekwa n'ibyari byabaye mu by'ukuri muri ayo materaniro. Umugani w'Umubibyi n'uw'Imbuto, Abaheburayo, igice cya 6, no kwigaragaza kudashidikanyaho kw'impano z'Umwuka mu iteraniro ry'uruvange- byose byahindukaga ibintu bisobanutse neza ku buryo butangaje. Umubibyi wari wambaye imyeru, yari Umwami. Umubibyi wambaye ibyirabura, yari Satani. Umurima, wari isi. Imbuto, zari abantu; intore n'abaciriweho iteka. Bamwe n'abandi basangiraga ifunguro rimwe, izuba rimwe n'amazi amwe. Bamwe kimwe n'abandi barasengaga. Bamwe kimwe n'abandi batabarwaga n'Imana, kuko ivusha izuba ryayo ikanagusha imvura yayo ku beza kimwe no ku babi. Kandi, nubwo bose bari bafite umugisha umwe utangaje, nubwo bose bari bafite ukwigaragaza kumwe gutangaje, IRYO TANDUKANIRO RIKOMEYE RYAGUMAGA KUBAHO: BAKOMOKAGA KU MBUTO INYURANYE.

Na none byari igisubizo kuri Matayo 7.21-23:

"Abambwira bat: 'Mwami, Mwami!', bose ntibazinjira mu Bwami bw'Ijuru, ahubwo gusa ni ukora icyo Data uri mu Ijuru Ashaka. Bensi bazambwira kuri uwo munsi bat: 'Mwami, Mwami, ntitwahanuye mu Izina ryawe, ntitwirukanye abadayimoni mu Izina ryawe, ntitwakoze ibitangaza byinshi mu Izina ryawe? Icyo gihe Nzababwira neruye nti: 'Sinigeze na rimwe kubamenya, nimumve imbere, mwa nkozi z'ibibi mwe.'"

Yesu ntahakana ko baba barakoze imirimo ikomeye iyo Umwuka Wera wenyinge abasha gukora

anyuriye mu bantu. Ariko yavuze ko atigeze na rimwe abamenya. Nta bwo bari abasubiye inyuma, Ni abari baragenewe gucirwaho iteka, ababi, batabywae ubwa kabiri. Bari urubyaro rwa Satani.

Kandi ni ibyo. NTAWUBASHA kuvuga ko ukwigaragaza ari igihamya cy'uko umuntu yabyawe n'Umwuka, yuzuye Umwuka. Oya, mugenzi wange. Nemera ko ukwigaragaza nyakuri ari igihamya cy'uko Umwuka akora imirimo ikomeye, ariko si igihamya ko uwo muntu yuzuye Umwuka, kabone nubwo uwo muntu yaba afite uko kwigaragaza kwinshi.

Igihamya cy'uko wakiriye Umwuka Wera uyu munsi ni kumwe neza neza n'icyo mu gihe cy'Umwami wacu. Ni ukwakira Ijambo ry'ukuri ry'igihe urimo. Yesu ntiyigeze na rimwe atinda ku mumaro w'imirimo nk'uko yabikoze ku mu maro w'Ijambo. Yari azi ko niba abantu bakiriye IJAMBO, imirimo yajyaga gukurikiraho. Ni ko Bibiliya ivuga.

Nyamara, Yesu yari azi ko hari hagiye kubaho kureka Ijambo biteye ubwoba mu gisekuru cya Perugamo, cyari kigiye kubaho gusa imyaka magana abiri nyuma y'iyerekwa ry'i Patimo. Yari azi ko uko kureka Ijambo byajyaga kugenda bikabageza mu gisekuru cy'umwijima. Yari azi ko mu ntangiriro, umuntu yari yaritandukanje n'Imana bihereye ku kureka Ijambo. Iyo muretse Ijambo, muba mwaretse Imana. Yiyereka rero Itorero rya Perugamo, kandi, mu bigaragara, ku matorero yose y'ibisekuru byose aravuga ati: "Ndi Jambo". Niba mushaka kugira ubumana hagati muri mwe, rero muhe ikaze Ijambo kandi muryakire. Nti mwemerere na rimwe uwo ari we wese cyangwa icky ari cyo cyose ngo kibe cyakwitambika hagati yanyu n'iryo Jambo. Icyo mbahaye hano (Ijambo) ni Ibyahishuwe na Nge uwange. NDI JAMBO. Mubyibuke!"

Ndibaza niba dushishikajwe bihagije no kuhaba kw'Ijambo hagati yacu. Igitekerezo kinjemo kiragira kiti: "Ni buryo ki twasenga?" Dusenga mu Izina rya Yesu, si ko biri? Buri sengesho rikorwa mu Izina Rye, bitabaye ibyo nta gisubizo kiboneka.

Kandi nyamara, tubwirwa muri 1Yohana 5:14-15 ibi bikurikira, ati:

"Kandi iki ni cyo kidutera gutinyuka imbere ye: ni uko atwumva iyo dusabye ikintu nk'uko ashaka, kandi ubwo tuzi ko yumva icky dusabye cyose, tumenza yuko duhawe ibyo tumusabye."

None dusaba tugira tuti: "Ubushake bw'Imana ni ubuhe?" hari uburyo BUMWE RUKUMBI bwo kumenya ubushake bwayo. Ni ukwifashisha IJAMBO RY'IMANA. Amaganya 3:37 hagira hati:

"Ni nde wahanura bikabaho, kandi Umwami atari we ubitegetse?"

Ngibyo. Niba ibyo bitari mu Ijambo, ntimushobora kubihabwa. Ni ukuvuga ko, tudashobora gusaba ikintu runaka kitari mu Ijambo, kandi ntidushobora gutanga ikifuzo cyangwa gusaba ikintu runaka atari mu Izina Rye. Aho ni ho turi na none. YESU (Izina) ni IJAMBO (ubushake). Ntidushobora kugira icky dusaba atari mu Izina rye. Ni ho dusubiye. Yesu (Izina) ni Ijambo (ubushake). Ntidushobora gutandukanya Imana n'Ijambo. NI UMWE.

Ku bw'ibyo, iri Jambo yadusigiye mu nyandiko ni igice Cye, iyo muryakiriye kubwo kwizera mu bugingo bwuzuye Umwuka. Yavuze ko Ijambo Rye ryari ubugingo. Yohana 6:63b. Ariko ni cyo ari Cyo neza neza.

Yohana 14:6: hakagira hati:

"Ni ge Nzira, Ukuri n'Ubugingo."

Abaroma 8:9b: haragira hati:

"Ariko umuntu utagira Umwuka wa Kristo aba atari uwe."

Ngibyo: ni Umwuka, kandi ni Ubugingo. Ni cyo Ijambo ari cyo neza neza; ni cyo Yesu ari cyo neza neza. Ni Jambo. Ku bw'ibyo, igihe umuntu abyawe n'Umwuka, yujujwe Umwuka, yemerana ukwizera Ijambo mu mutima we kandi akagenda arihamya mu kanwa ke, ibyo bigatuma tuvuga ko ari Ubumana buvuga. Imisozi yose igomba kuva ahayo. Satani ntashobora guhangara umuntu nk'ubo.

Iyaba gusa itorero, aho, muri icky gisekuru cya gatatu, ryari ryarahagaze ku guhishurirwa Ijambo rizima hagati muri bo, imbaraga y'Imana ntiyajyaga kugabanuka nk'uko yabigenje muri icky gisekuru cy'umwijima. Kandi uyu munsi igihe Itorero rizagaruka ku Ijambo rifite ukwizera, dushobora kuvugana ubushizi bw'amanga ko ubwiza bw'Imana n'imirimo itangaje y'Imana bizongera bikagaragara hagati muri ryo.

Umugoroba umwe igihe nashakaga Umwami, Umwuka Wera arambwira ngo mfate ikaramu maze nandike. Igihe nari nyifashe ngo nandike, Umwuka We ampa ubutumwa bugenewe Itorero. Ngiye kubaha... Bufitanye isano n'Ijambo n'Umugen.

"Dore icky ngerageza kubabwira. Itegeko ryo kororoka rishaka ko buri bwoko bwororoka bukurikije

ubwoko bwabwo, mu Itangiriro 1:11 Imana iravuga Iti: "Ubutaka bumere ibimera, ibyatsi byere imbuto, ibiti byera imbuto ziribwa byere imbuto bikurikije ubwoko bwabyo kandi zigire muri zo imbuto zazo ku isi. Kandi biba bityo."

Ubwoko bw'ubuzima bwahoze buri mu mbuto bugaragara mu kimera kugira ngo buhererekanywe nyuma y'aho bugere mu rubuto. Iryo tegeko rimeze rityo rikoreshwa ku Itorero uyu munsi. Ubwoko bw' Imbuto yabyaye Itorero buzagaragara, kandi buzaba busa n'imbuto ya mbere y'umwimere, kubera ko ari imbuto imwe. Muri iyi minsi ya nyuma Itorero nyakuri-Mugen (imbuto ya Kristo) rizaza ku Ibuye ry'umusozo, kandi rizaba itorero ry'ikirenga ritangaje, ubwoko bw'ikirenga budasanzwe, uko rizagenda rirushaho kumwegera. Abagize umugen Bazaba basa na we ku buryo Bazaba bagaragaza neza neza ishusho Ye, kandi ibyo, ni ukugira ngo babe umwe na WE. Bazaba ari umwe. Bazaba ndetse ari ukwigaragaza kw'Ijambo ry'Imana nzima. Amadini ntashobora kugaragaza ibyo (nta bwo akomoka ku mbuto nziza). Azabyara inyigisho zabo bizera n'amahame yabo, bivanze n'Ijambo. Urwo ruvange rusiza ruhindutse ikintu k'ikimanyi.

Umwana wa mbere (Adamu) yari ijambo-mbuto ryavuzwe ry'Imana. Yahawe Umufasha kugira ngo yororoke. Ni muri uwo mugambi umugen yayihawe. Kugira ngo yororoke, kugira ngo abyare undi Mwana w'Imana. Nyamara yaraguye. Yagushijwe no kwivanga n'iyindi mbuto. Yamuyoboye mu rupfu.

6

Umwana wa kabiri (Yesu) na We yari Ijambo-mbuto ryavuzwe ry'Imana, kandi, kimwe n'Adamu, yahawe umufasha, nk'uko Adamu yamuhawe. Ariko mbere yuko abasha kumushaka, na we yaraguye. Kimwe n'umugore w'Adamu, yarageragejwe kugira ngo Irebe niba yarajyaga kuzizera Ijambo ry'Imana maze akabaho, cyangwa niba yarajyaga kuzashidikanya ku Ijambo maze agapfa. Yarashidikanyije. Yateye Ijambo umugongo. Arapfa.

Mu itsinda rito rikomoka ku mbuto nyakuri y'Ijambo, ni muri ryo Imana izakurira Kristo Umugeni ukundwa. Uwo Mugeni ni umwari w'isugi wabyawe n'Ijambo ryayo. Ni umwari w'isugi, kuko atazi inyigisho n'imwe cyangwa ihame na rimwe byahimbwe n'abantu. Ni ku bw'ingingo zigize uwo Mugeni kandi binyuriye muri bo hazasohoreramo ibyo Imana yasezeranje yuko bigomba kuzagaragarira muri uwo mwari w'isugi.

Ijambo ry'isezerano ryaje ku Mwari Mariya. Ariko iryo Jambo ry'isezerano, ryari uko We ubwe yari agiye kugaragazwa. Imana yaragaragajwe. Icyo gihe, Imana ubwayo yarakoze, kandi yashohoreje mu Mwari Ijambo ryayo bwite ry'isezerano. Ni Marayika wari wamuzaniye ubutumwa. Ariko ubutumwa bwa Marayika bwari Ijambo ry'Imana. Yesaya 9.5 Icyo gihe, yasohoje ibyari byaramwanditsweho byose, kubera ko yemeye Ijambo yari yahawe.

Abagize umugen w'isugi bazayikunda, kandi bazagira ububasha bwayo bwose, kuko ni Yo mutwe wabo, kandi imbaraga zose ni izayo. Baramwumvira nk'uko ingingo z'umubiri wacu zumvira umutwe wacu.

Mwitegerez ubumwe bwo guhuza buri hagati ya Data n'Umwana. Nta kintu na kimwe Yesu yakoraga atabanje kubyerekwa na Se.

Yohana 5.19 Ubwo bumwe bwo guhuza noneho bugomba kuba buri hagati y'Umukwe n'Umugeni we. Umukwe amwereka Ijambo rye ry'Ubugingo. Umugeni akaryakira. Ntarishidikanyaho na rimwe. Ni yo mpamvu nta kintu na kimwe gishobora kugira icyo kimutwara, ndetse n'urupfu. Ku bw'ibyo, niba imbuto itewe mu butaka, amazi ni yo yongera akayimeza ifite ubuzima. Dore ibanga ryabyo: Ijambo riri mu Mugeni (nk'uko ryari riri muri Mariya). Umugeni afite ugutekereza kwa Kristo, kuko azi icyo Ashaka ko yakoresha iryo Jambo Rye. Akora mu Izina Rye icyo Ijambo ritegetse, kuko aba afite "UKU NI KO UMWAMI AVUZE". Icyo gihe, Ijambo rihabwa ubugingo n'Umwuka, maze rigakora. Nk'uko imbuto yabibwe, ikuhirirwa, igeri rwose mu gihe cy'umwero wayo, igasohoza icyatumye iterwa.

Abagize umugen bakora gusa ubushake bwayo. Nta muntu n'umwe Wabasha kugira icyo abakoresha kindi. Baba bafite 'Uku ni ko Umwami avuze', cyangwa se na none bakituriza. Baba bazi ko ari ngombwa ko Imana iba ari yo ikora imirimo, igasohoza Ijambo ryayo bwite. Kubera ko Itarangije umurimo wayo wose uko wakabaye mu gihe cy'ubukozi bwayo ku isi, ubu Ikorera mu mugeni maze Igakora inyuriye muri we.

Arabizi, igeri nticyari cyagera kuri Yo ngo Ikore ibantu Igomba gukora ubu. Ariko ubu, Igiye gukora Inyuriye mu mugeni umurimo Yari Yarazigamiye iki gihe Yari izi neza

Reka duhagarare mu mwanya wa Yosuwa na Kalebu. Igihugu cyacu k'isezerano gitangiye kugaragara turengeje amaso tukareba kure, nk'uko byari bimeze kuri bo. Nyamara, Yosuwa bisobanura : "Yehova-Umukiza" kandi ahagarariye umuyobozi w'igihe cya nyuma uzatumwa ku bw'itorero, nk'uko Pawulo yaje nk'umuyobozi wa mbere ku itangiriro. Kalebu ahagarariye abakomeje kuba abiringirwa kuri Yosuwa. Mwibuke, igeri Imana yari yatumye Isirayeli ivuka nk'umwari w'isugi, yahawe Ijambo ryayo. Ariko bifuzaga ikindi kintu. Ni nako itorero ry'uyu munsi wa nyuma ryabigenje. Mwitegerez uburyo Imana itashyigikiye Isirayeli ngo ikomeze imbere, cyangwa ngo Ibareke binjire mu gihugu cyasezeranjwe mbere y'igihe yari

yarateganije. Nyamara, bishoboka ko abantu batitirije Yosuwa, umuyobozi bamuhata, bamubwira, bati : "Ighugu ni icyacu. Tukigemo, tukigarurire. Yosuwa, ibyawe byarakurangiranye, ugomba kuba warataye inshingano yawe wahamagariwe; ntugifite imbaraga nk'izo wahoranye. Mbere, Imana yarakuvugishaga, wabaga uzi ubushake bwayo, kandi wanakoranaga ibakwe. Hari ikintu kitagenda kuri wowe." Ariko Yosuwa yari umuhanuzi watumwe n'Imana, kandi yari azi amasezerano y'Imana. Ni yo mpamvu yari ategereje ayo masezerano. Yari ategereje ikemezo keruye kandi nyacyo kivuye ku Mana, kandi, igehe cyo gukomeza urugendo kigeze Imana ishyira ubuyobozi bwose mu maboko ya Yosuwa kubera ko yari yarahagaze ku Ijambo. Imana yashoboraga kugirira ikizere Yosuwa, nyamara nta bandi yari igifitiye. Ibyo bizongera bibebo kuri uyu munsi wa nyuma. Ikibazo kiracyari kimwe.

Mufate urugero duhabwa na Mose. Uwo muhanuzi ukomeye, wasizwe n'Imana, yagize ukuvuka kwhiariye: yavutse mu gihe cyagenwe kugira ngo abature urubyaro rw'Aburahamu arukure mu bucakara muri Egiputa. Ntiyagumye muri Egiputa, ngo age impaka ku Byanditswe n'Abanyegiputa, cyangwa ngo agirane ibibazo n'abayobozi b'idini yabo. Yagiye mu butayu, kugeza igehe abantu bari biteguye kumwakira. Imana yohereje Mose mu butayu. Gutegereza ntaho kwari guhuriye na Mose, ahubwo kwaterwaga n'abantu batari biteguye kumwakira. Mose yatekerezaga ko bari bagiye gusobanukirwa, nyamara ntibasobanukiwe.

Hanyuma habaho Eliya, uwo Ijambo ry'Uwiteka ryajeho. Igihe yari amaze kubwiriza ukuri, kandi igehe iryo tsinda ry'icyo gihe- integuza yaturutse mu itsinda rya Yezebeli w'umunyamerika kazi- yanze kwakira Ijambo, Imana yarahamagaye ngo ave ku rubuga kandi Yahanishije icyo gisekuru ibyago bikomeye, kubera ko yari yanze kwakira umuhanuzi n'ubutumwa Imana yari yatanze. Imana yamwohereje mu butayu, nuko yanga kuvayo, ndetse n'igihe umwami yari abisabye. Abagerageje kubimwumvisha ngo abikore barapfuye. Ariko Imana yavuganye n'umuhanuzi wayo umwiringirwa ikoreshje iyerekwa. Yavuye mu bwihihisho bwe, kandi yagaruriye Ijambo Isirayeli.

Hanyuma haje Yohana-Umubatiza, integuza ikiranuka ya Kristo, umuhanuzi ukomeye w'igihe ke. Nta bwo yagiye mu ishuri rya se, cyangwa ngo age mu ishuri ry'Abafarisayo—nta dini na rimwe yigeze ajyamo, ahubwo yagiye mu butayu aho Imana yamuhamagarira kujuja. Yagumyeyo kugeza igehe Imana yamukuriyeyo imuhaye ubutumwa yamamazaga avuga ati : "Mesiya ari bugufi!"

Turebe noneho umuburo Ibyanditswe biduha. Si mu gihe cya Mose, Imana yahamije, ko Kora yahagurutse kandi yarwanyije uwo muhanuzi ukomeye? Yigometse kuri Mose, avuga ko na we, yari yahawe n'Imana ibyari bikenewe kugira ngo ashobore kuyobora ubwo bwoko, kandi ko n'abandi bari bafite uruhare ku guhishurirwa guturutse ku Mana, kimwe na Mose. Yahakanaga ubutware bwa Mose. Nuko, abantu b'icyo gihe bamaze kumva Ijambo ry'ukuri, kandi mu gihe bari bazi neza ko umuhanuzi w'ukuri aba yahamirijwe n'Imana, ndavuga ko abo bantu, bakurikiye Kora mu bwigomeke bwe. Kora ntiyari umuhanuzi uhuye n'Ibyanditswe, ariko benshi muri bo bagiye mu ruhande rwe, n'abatware babo bajya hamwe na bo. Mbega uko ibyo bisa n'ababwirizabutumwa b'iki gihe, bafite imishinga yabo rwose igereranywa n'igishushanyo k'ikimasa gikozwe mu izahabu cya Kora; bigaragaza neza imbere y'abantu, kimwe na Kora, nk'uko icyo gihe, yigize mwiza. Bafite amaraso mu ruhanga, amavuta mu biganza n'utubumbe tw'umuriro imbere ku ruhimbi. Baha abagore uburenganzira bwo kubwiriza, bemerera abagore bagakata imisatsi, bakambara amapantaro n'amakabutura, maze bagaca iruhande Ijambo ry'Imana ku bw'inyungu z'inyigisho zabo bwite n'amahame yabo. Ibyo byerekana imbuto ibarimo iyo ari yo.

Ariko si ko bose bagomeye Mose, kandi si ko bose bateye umugongo Ijambo ry'Imana. Oya. Intore zugumanye na we. Ibantu nk'ibyo birimo kubaho uyu munsi. Benshi ni abatera umugongo Ijambo, ariko bake bakomeza kuryizirikaho. Nyamara mwibuke umugani w'urukungu n'imbuto nziza. Urukungu rugomba guhambirwa kugira ngo rutwikwe. Aya matorero ari mu buhenebere arimo guhambirwa, ararushaho kugenda asa, yiteguye umuriro w'urubanza rw'Imana. Ariko imbuto nziza zizateranirizwa hamwe kugira ngo zishyikirizwe Shebuja.

Noneho, nifuzaga ko mwatega amatwi rwose mwitonze kugira ngo murebe ibi: Imana yasezeranje ko mu gihe k'imperuka, Malaki 4 yajyaga gusohora. Ni ngombwa ko biba bityo, kuko ari Ijambo ry'Imana riheshwa ubugingo n'Umwuka, ryavuzwe n'umuhanuzi Malaki. Yesu yabigarutseho. Bigomba kuzabaho rwose mbere yo Kuza kwa Kabiri kwa Kristo. Igihe Yesu azaza, ibyanditswe byose bigomba kuzaba bisohoye. Ubuntu ku banyamahanga buzaba bugeze ku gisekuru cya bwo cya nyuma k'Itorero igehe iyi ntumwa yo muri Malaki izaza. Izaba ari umwiringirwa bidasubirwaho ku Ijambo. Izafata Bibiliya yose uko yakabaye, uhereye mu Itangiriro ukugeza mu Byahishuwe. Izahera ku rubyaro rw'inzoka, kandi izakomeza igeze ku ntumwa y'igihe k'imvura y'itumba. Ariko izangwa n'amadini.

Ni uko bizamera nta kabuza, nk'uko byari bimeze mu gihe cya Ahabu, kuko amateka agenda yisubiramo. Amateka ya Isirayeli yo ku ngoma ya Ahabu arimo kongera kubaho hano ndetse muri Amerika, aho umuhanuzi wo muri Malaki 4 agaragarira. Kimwe n'uko Isirayeli yavuye muri Egiputa kugira ngo igire umudendezo wo gusenga Imana, ikirukana bakavukire, igashyiraho igihugu gifite abatware bakomeye nka Dawidi n'abandi, hanyuma ikimika Ahabu ku ngoma, afiteYezabeli inyuma ye kugira ngo ayobore, ni nako twabikoze muri Amerika.

Basogokuruza bimukiye muri iki gihugu kugira ngo bashobore gukora umuhango wabo wo gusenga Imana, kandi ngo babebo mu mudendezo. Birukanye bakavukire kugira ngo bigarurire igihugu. Abagabo bakomeye nka Washington na Lincoln, bashyizwe ku buyobozi, ariko nyuma y'igihe gito, abo bagabo b'icyubahiro basimbujwe ingirwabagabo, ku buryo twisanze dufite Ahabu ku mwanya w'umuyobozu w'igihugu, ufile Yezabeli inyuma ye kugira ngo ayobore. Ni mu gihe nk'icyo intumwa yavuzwe na Malaki igomba kuza.

Igihe, mu mvura y'itumba, hazabaho ukwigaragaza kw'imbaraga, nk'uko ku musozi wa Kalumeli. Nimwitegerezwe rwose ibi, noneho, kugira ngo mubirebere mu Ijambo. Yohana yari Integuza yo muri Malaki 3. Yabibiye imvura y'umuhindo, kandi yanzwe n'amadini yo mu gihe ke. Yesu yaraje, kandi yagize ukwigaragaza kw'imbaraga ku musozi wo Guhindurwa. Integuza ya kabiri ya Kristo izabibira imvura y'itumba. Yesu azaba ari ukwigaragaza kw'imbaraga imbere y'amadini n'inyigisho zahimbwe n'umuntu, kuko azaza gushyigikira Ijambo Rye no kujuvana umugenii We mu izamurwa. Kwigaragaza kwa mbere kw'imbaraga ni uko ku musozi wa Kalumeli; ukwa kabiri kwabaye uko ku musozi wo Guhindurwa; kandi ukwa gatatu kuzaba ari uko ku musozi wa Siyonii.

Imiyitwarire idasanzwe ya Mose, iya Eliya n'iya Yohana, bitururaga, bakava mu bantu, yabasigiye urujijo rwinshi. Abo bandi ntibasobanukirwaga ko ibyo ari ko byabaga bimeze kubera ko ubutumwa bwabo bwabaga bwanzwe. Nyamara imbuто yabaga yabibwe, itera ryarangiye. Urubanza rugiye gukurikiraho. Babaga basohoje inshingano y'umurimo wabo nk'ikimenyetso kuri abo bantu. Rwose ni urubanza rwagombaga gukurikiraho.

Nizera, nkurikije Ibyahishuwe 13.16, ko Umugenii agomba kuzarekeraho kubwiriza, kuko inyamaswa izategeka gushyirwaho ikimenyetso ku kiganza cyangwa mu ruhanga kugira ngo itange uburenganzira bwo kubwiriza. Amadini azemera ikimenyetso, cyangwa se azahatirwa guhagarika kubwiriza. Hanyuma Umwana w'Intama azaza gushaka umugenii we kandi azaciraho iteka maraya ukomeye.

Nyamara, mwibuke ko Mose yavutse kugira ngo asohoze umurimo runaka, ariko ntiyashoboraga gusohoza uwo murimo igithe cyose atari yagahabwa impano zajyaga kumushoboza gushyira mu bikorwa iyo nshingano. Yagombye kujya mu butayu, kandi ategererezayo: Imana yari yaratoranje igithe. Byari ngombwa ko Farawo runaka yima ingoma, kandi byari ngombwa ko ubwoko butaka kugira ngo bubone umutsima w'ubugingo, mbere yuko Imana ibasha kugarura Mose. Na none ni ko biri mu gihe cyacu.

Ariko n'iki tubona, muri iki gihe cyacu? Hari imbagi z'abantu bagaragaza ibimenyetso, ku buryo dufite igisekuru cy'abantu bashakisha ibimenyetso, baziho gake cyangwa batazi na busa ku byerekeye Ijambo cyangwa ku byerekeye mikorere nyakuri y'Umwuka w'Imana. Iyo babonye amaraso, amavuta, n'umuriro, barishima; batitaye ku cyo Ijambo rivuga. Bazashyigikira ikimenyetso icyo ari cyo cyose, ndetse n'ibimenyetso bihabanye n'Ibyanditswe. Ariko Imana yabitubwiye hakiri kare ituburira. Muri Matayo 24, yavuze ko mu minsi ya nyuma, imyuka ibiri izaba isa cyane ku buryo intore ari zo zonyine zajyaga kuzayitandukanya, kuko ari zo zonyine zitajyaga kuyobywa.

Ni buryo ki watandukanya iyo myuka? Yishyire gusa ku gipimo k'Ijambo. Niba batavuga iri Jambo, bazaba ari ab'umubi. Nk'uko umubi yayobeje abo bagore ba mbere babiri, azagerageza kuyobia umugenii wo muri iyi minsi ya nyuma, agerageza kumusunikira kwivanga agata umwimerere, ku bw'inyigisho zahimbwe n'abantu cyangwa se gusa agatera umugongo Ijambo akikurikirira ikimenyetso akaba ari cyo ahindura ikigendererwa ke. Ariko Imana ntiyigeze na rimwe ishyira imbere ibimenyetso ngo ibirutishe Ijambo. Ahubwo ibimenyetso bikurikira Ijambo, nk'uko byari bimeze igithe Eliya wabwiye umugore kubanza kumuvugira agatsima, akurikije Ijambo ry'Umwami. Igihe yakoze icyo Ijambo ryari ryavuze, icyo gihe ikimenyetso gikwiye cyarabonetse. Mubanze mbere na mbere muze ku Ijambo, maze hanyuma murebe igitangaza. Ijambo-mbuto rihabwa imbaraga n'Umwuka.

Ni buryo ki intumwa yoherejwe n'Imana yajyaga kubasha kwizera igice k'Ijambo, maze ikarihakana gice? Umuhanuzi nyakuri w'Imana kuri uyu munsi wa nyuma azamamaza Ijambo ryose uko ryakabaye. Amadini azamwanga. Amagambo ye azaba na none akakaye kimwe n'aya Yohana Umubatiza, wabitaga inshira. Ariko abamenye kera bazumva kandi bazaba biteguye kuzamurwa. Urubyaro nyarwo rw'Aburahamu, rufite kwizera nk'ukw'Aburahamu, ruzizirika ku Ijambo hamwe na We, kuko bose hamwe bamenyewe kera.

Intumwa yo mu minsi ya nyuma izaboneka mu gihe cyagenwe n'Imana. Nk'uko tubizi twese, ubu turi mu gihe k'imperuka, kuko Isirayeli iri muri gakondo yayo. Izaza noneho mu gihe icyo ari cyo cyose dushingiye kuri Malaki. Igihe tuzayibona izaba yariyeguriye Ijambo. Izerekana (izagaragazwa mu Ijambo; Ibyahishuwe 10.7), kandi Imana izahamiriza umurimo wayo. Izabwiriza ukuri nk'uko Eliya yabikoraga kandi izaba yiteguye ukugaragazwa kw'imbaraga yo ku musozi wa Siyonii.

Bensi ntibazayisobanukirwa, kubera ko babigishije Ibyanditswe ku bundi buryo, bakabifata nk'ukuri. Igihe izahangana n'izo nyigisho, ntibazizera. Hazabaho ndetse n'abakozi b'Imana b'ukuri bazananirwa kumva intumwa, bitewe n'ibyo abanyabinyoma basimbuje ukuri kw'Imana.

Ariko uwo Muhanuzi azaza, kandi nk'uko Integuza yo kuza kwa mbere yarangururaga igira iti: "Dore Umwana w'intama ukuraho ibyaha by'abari mu isi", na we azarangurura nta shiti ati: "Nguyu Umwana w'intama w'Imana uje mu cyubahiro ke" Azabikora, kuko, nk'uko Yohana yari intumwa y'ukuri ku batoranijwe ni nako uyu azaba intumwa ya nyuma ku Mugeni watoranijwe ndetse wabyawe n'Ijambo.

ISHIMWE RYA KRISTO ASHIMIRA ITORERO

Ibyahishuwe2.13:

"Nzi imirimo yawe, kandi nzi aho uba, nzi ko ari aho intebe ya Satani iri. Wakomeje izina ryange, kandi ntiwigizeze wihekana kwizera kwange, ndetse no mu minsi ya Antipa, umugabo wo guhamya, wiciwe iwanyu, aho Satani yagize ubuturo bwe."

"Nzi imirimo yawe." Aya ni yo magambo yagiye agaruka kuri buri wese mu ntumwa ndwi ku bijyanye n'ubwoko bw'Imana bwa buri gisekuru. Kubera ko abwirwa iyo mizabibu ibiri (uw'ukuri n'uw'ikinyoma), bazazana ibyishimo n'umunezero mu mutima babikuye kuri rimwe muri ayo matsinda, ariko bakagombye guterwa uwropa n'imitima y'abandi. Ku bw'ibyo, nubwo twakijijwe ku bw'ubuntu, kandi atari ku bw'imirimo, agakiza k'ukuri kazagaragaza imirimo, ni ukuvuga ibikorwa binezeza Imana.

Yohana 3:7:

"Bana bato, ntihakagire umuntu uboshyia ukundi. UKORA ibyo gukiranuka (ushyira mu bikorwa) ni we mukiranutsi, nk'uko na WE ubwe akiranuka."

Niba uyu murongo ufite icyo usobanuye, usobanuye ko icyo umuntu AKORA, ni cyo ABA ari cyo.

Yakobo 3:11:

"Mbese isoko yadudubiriza icyarimwe amazi meza n'amabi?"

Abaroma 6:2:

"Twebwe abapfuye ku cyaha, ni gute twakongera kuba mu cyaha?

Matayo 12: 33-35:

" Nimwite igiti kiza n'imbuto zacyo muzite nziza, cyangwa nimwite igiti kibi n'imbuto zacyo muzite mbi kuko igiti kimenyekanishwa n'imbuto zacyo. Mwa bana b'inshira mwe, mwabasha mute kuvuga amagambo meza muri babi? Ibyuzuye mu mutima ni byo akanwa kavuga. Umuntu mwiza atanga ibyiza abikuye mu butunzi bwe bwiza, n'umuntu mubi atanga ibibi abikuye mu butunzi bwe bubi."

Nyamara niba umuntu yarabyawe n'Ijambo (yaravutse ubwa kabiri, atarabyawe n'imbuto ibora, ahubwo yarabyawe n'imbuto itabora, ku bw'Ijambo rizima kandi rihoraho ry'Imana; 1 Petero1.23,) azera imbuto z'Ijambo.

Imbuto, ni ukuvuga imirimo y'imibereho ye izaba izaba ari ikintu gihuye neza neza n'ubwoko bw'ijo mbuto ikomoka ku bugingo buri muri we. Ni yo mpamu imirimo izaba ihuye neza neza n'ibyanditswe. Yoo, uko kuri kuzaba ari ikirego giteye uwropa kiregwa igisekuruza k'i Perugamo! Utagira icyo agereranywa na cyo ahagaze aho, afite mu ntoke ze inkota ityaye, ifite ubugi impande zombi, Ijambo ry'Imana. Kandi iryo jambo rizaducira urubanza ku munsi w'imperuka. Mu bigaragara, Ijambo ubu ririmbo guca imanza, kuko rirondora amarangamutima n'ibitekerezo byo mu mutima. Ritandukanya iby'umubiri n'iby'umwuka. Riduhindura inzandiko nzima, zisomwa kandi zikamenywa n'abantu bose, ku bw'icyubahiro k'Imana.

"Nzi Imirimo yowe." Niba umuntu atinya kutanezeza Imana, age asohoza Ijambo. Niba umuntu yibaza niba azumva ayo magambo: "rwose ni umugaragu mwiza ukiranuka", nasohoze Ijambo ry'Imana mu mibereho ye, kandi nta gushidikanya azumva ayo magambo y'ishimwe. Ni Ijambo ry'ukuri ryashengirwaho muri icyo gihe; ni ryo rishingirwaho na n'ubu. Nta kindi cyo gushingirwaho; nta kindi cyo kugenderwaho. Nk'uko isi izacirwa urubanza n'umuntu umwe, Yesu Kristo, ni na ko izacirwa urubanza Akoresheje Ijambo. Niba umuntu ashaka kumenya icyo yakora, nakore icyo Yakobo avuga: "Narebere mu ndorerwamo y'Ijambo ry'Imana."

"Nzi Imirimo Yawe." Mu gihe yari ahagaze aho, afite Ijambo, agenzura imibereho yabo, akoresheje umucyo w'umuteguro yari Yarabashyiriye, Agomba kuba yaranyuzwe cyane; ku bw'ibyo, kimwe n'abandi bari barapfuye mbere yabo, na bo bihanganiraga gutotezwa n'abakiranirwa, kandi bakomezaga kwihambirwa ku Mwami banezerewe. Nubwo rwose rimwe na rimwe byabaga bikomeye gukorera Umwami, uko biri kose baramukorera kandi bakamusengera mu mwuka no mu kuri. Ariko si ko byari bimeze ku muzabibu w'ikinyoma. Rwose, Kuri bo bari baranje ubugingo bushingiye ku Ijambo, kandi na none, ntibarekaga kujya kure y'ukuri. Ibikorwa byabo byahamyaga uburebure bw'icuraburindi bari baraguyemo.

WAKOMEJE IZINA RYANGE

"Twajya kuri nde? Ni wowe wenyine ufite amagambo y'ubugingo buhoraho"

Bari barahagaze neza icyo gihe; na none bari bagihagaze neza baracyashikamye, ariko atari ku bw'ubwoba bwo gutinya ibizababaho, nk'abantu babayeho imibereho idafite imbuto. Bari bashikamye rwose mu mbaraga Ye, bafite ibyiringiro bahabwaga n'Umwuka ku buryo bari umwe muri We. Bari bazi neza ko ibyaha byabo byari byarababariwe, kandi bitwaga: "Abakristo" ku bwo kubihamya. Bari bazi iryozina ryasumbaga andi mazina yose kandi bararikundaga. Bari barapfukamye imbere y'iryo zina. Ururimi rwabo rwari rwararihamirije. Icyo bakoraga cyose, bagikoraga mu izina ry'Umwami Yesu. Bari baravuze iryozina, kandi bari baragendeye kure ikibi; ku bwo kuba bari barafashe icyo gihagararo, bari biteguye noneho gupfa bazira iryozina, kuko bari bafite ibyiringiro by'umuzuko uhebuje.

Ambara izina rya Yesu,

Yoo! Wowe, mwana w'imibabaro,

Azaguha umunezero,

Ryitwaze aho ujyana hose,

Zina rikomeye bihebuje,, izina rinezesa!

Ibyiringiro by'isi, umunezero w'juru.

Mu kinyejana cya kabiri, amazina: "Data, Umwana n'Umwuka wera" kuri bensi yari yaramaze gufatwa nk'agaragaza "ubutatu", kandi igitekerezo cy'uko haba hariho imana eshatu cyari cyarahindutse inyigisho mu itorero ry'ikinyoma. Izina ntirvari rigiye gutinda gushyirwa ku ruhande, kandi ni nako bimeze muri iki gisekuru, - Amazina y'imirimo y'IMANA IMWE RUKUMBI IKOMEYE ni yo bari bagiye gusimbuza izina: Umwami Yesu Kristo. Mu gihe umubare munini cyane warekaga ukwizera nyakuri kandi batangiraga kugana ubutatu, bakabatiza bakoreshje amazina y'imirimo y'ubumana, Umukumbi Muto wo wakomezaga kubatiza mu Izina rya Yesu Kristo, bityo bakomeza kwizirika ku kuri.

Kubera ko abantu bensi batubahaga Imana, mu kuyihinduramo imana eshatu kandi bagasimbuza izina ryayo ryiza amazina y'imirimo, ubasha kwibaza niba ibimenyetso n'imirimo ikomeye biherekeza izina ry'icyubahiro hebuje ubwiza byari bigiye uko biri kose kwigaragaza muri abo bantu. Ni byo, ibyo bimenyetso byarigaragazaga ku buryo bukomeye kandi butangaje, ariko nta gushidikanya si mu muzabibu w'ikinyoma. Abantu nka Maritini bakoreshwa ku buryo bw'imbaraga, kandi Imana ikabahamiriza cyane, ikoreshje ibimenyetso n'imirimo ikomeye kimwe n'impano z'Umwuka Wera. Iryo zina ryabaga igihe cyose rifite imbaraga zo gukora, ryakoze rityo igihe cyose, kandi ni ko rizahora igihe cyose, igihe abera baryubashye bakoreshje Ijambo no kwizera.

NTIWIHAKANYE KWIZERA KWANGE

Mu Byakozwe 3:6, igihe babajije Petero uburyo igitangaza gikomeye cyari cyakozwe ku muntu wari ufite ubumuga ku irembo ryitwa Ryiza, dore uko yabisobanuye ati:

"Kandi, ku bwo kwizera Izina Rye (rya Yesu), Izina Rye (rya Yesu) Ryakijije uyu muntu (wabanaga n'ubumuga) nguyu muramureba kandi muramuzi; kandi ku bwo kwizera (kwa) kwaturutse kuri We (Yesu) yahaye uyu nguyu uku guhagarara akema kw'ingingo ze zose, imbere yanyu mwese."

[Insobanuro ya darby. -Uhindura.] Murareba, ni ibyo. Ni izina rya Yesu n'Ukwizera gutangwa na Yesu byakoze igitangaza. Petero ntiyavugaga ko kwari ukwizera kwe bwite kwa kimuntu, nta nubwo yavugaga ko ryari izina rye bwite. Yavuze ko izina rya Yesu, ryakoreshje mu kwizera kwatanzwe na Yesu ari byo byari byakoze uwo murimo w'ikuzo bihebuje. Ni uko kwizera Umwami yavugaga mu Byahishuwe 2: 13. Kwari ukwizera Kwe bwite. Nta bwo kwari ukwizera kwawe k'UKO UMWIZEYE, ahubwo kwari ukwizera KWE BWITE, yari yarahaye abizera.

Abaroma12:3;

Ndababwira umuntu wese muri mwe, mbwirijwe n'ubuntu nahawe (dushingiye ku murongo wa 1, uwo buri wese ni MWENE DATA)."

Abefeso 2.8:

"Mwakijije n'ubuntu ku bwo kwizera, (Ukwizera) ntibyavuye kuri mwe ahubwo ni impano y'Imana."

Na none muri Yakobo 2.1 haravuga hati:

"Bene Data (Mwitegereze, na we ubwe yabwiraga BENE DATA), kwizera kwanyu mwizera Umwami Yesu Kristo ntikube uko kurobanura abantu ku butoni." [Insobanuro ya Darby. - Usobanura]

Muri iki gisekuruza cya Perugamo aho abantu bafataga agakiza nk'ikintu gikomoka ku muntu, batera umugongo ukuri kuvuga ko: " agakiza gaturuka k'Uwiteka", baranze inyigisho yo gutoranywa kandi barakinguriye ku buryo bwagutse umuryango w'itorero ryabo n' uw'ubusabane bwabo bwa kivandimwe uwari we wese wabaga yifuza gusa kwemera inyigisho zabo (batitaye ku cyo Ijambo rivuga) muri icyo gisekuru cyagendaga kirushaho gusubira inyuma ku buryo bwihuta, hari hakiri umubare muto wari ugifite ingano y'uko kwizera k'Umwami wacuYesu Kristo, kandi ntibagarukiraga gusa ku gukoresha uko kwizera mu mirimo y'imbaraga, ahubwo barwanyaga na none n'abatinyukaga kuvuga ko bakijewe ku bw'igikorwa gusa cyo kuyoboka Itorero.

Bari bazi ko nta muntu n'umwe mu by'ukuri washoboraga kwizera kugeza ubwo ahawe ubugingo buhoraho n'ugukiranuka kw'Imana, adafite ingano y'urugero runaka y'ukwizera guturuka ku Mwami Yesu We ubwe. Ikibazo k'itorero uyu munsi- k'iyo mbaga y'abantu bamamaye, bemera ukubyarwa n'isugi, amaraso yamenetse, bemera ko ari ngombwa kujya mu rusengero no gusangira ifunguro ryera, kandi nyamara bataranavutse ubwa kabiri- iyo mbaga y'abizera bashingiye ku bitekerezo byabo, bemera ukubyara k'umwari w'isugi, amaraso yamenwe, bemera ko ari ngomwa kujya ku rusengero no kujya kumeza y'Umwami, kandi bataravutse na mba ubwa kabiri -ni ikibazo cyari cyaramaze kugira ingaruka kuri iki gisekuru cya gatatu. Ukwizera kwa kimuntu ntikwari guhagije icyo gihe, kandi na n'ubu ntighagije. Ni ngombwa rwose ko ukwizera k'Umwana w'Imana kumanukira mu mutima w'umuntu kugira ngo abashe kwakira umwami w'icyubahiro mu rusengero rutubatswe n'amaboko y'umwana w'umuntu.

Uko kwizera kwari ukwizera kuzima. "Mbeshwaho n'ukwizera guturuka ku Mwana w'Imana." Pawulo ntivyavuze ko abeshwaho n'ukwizera Umwana w'Imana. Kwari ukwizera guturuka ku Mwana w'Imana Kwari kwaramuhesheje ubugingo kandi ni ko kwari kumubeshejeho abayeho buri gihe mu kunesha kwa gikristu.

Oya, ntibari barahakanye ko agakiza cyari ikintu kidasanzwe uhereye ku itangiriro ukageza ku iherezo. Bahamyaga ko ukuri kuriho kw'Izina Rye n'uk'Ukwizera Kwe, kandi bari barahawe umugisha n'Umwami kandi bari barasanzwe ko ari abantu bakwiye kuri We.

ANTIPA, UMUGABO WO KUMPAMYA WO KWIZERWA

Nta yandi makuru dufite kuri uwo Mwene Data, dushingiye ku Ijambo, cyangwa ku mateka yaba avugwa n'abantu. Ariko andi makuru yose yaba rwose ari ayo abantu bakwiyongereraho.

Biraduhagije rwose kumenya ko yari ari mu muteguro mbere w'Umwani Imana, kandi ko yari azwi na We. Biraduhagije rwose kubona ukwiringirwa kwe ku Mwami kwanditswe mu Ijambo rizima. Yari umukristo. Yari afite izina rya Yesu nk'ubutunzi. Yari afite ukwizera k'Umwami Yesu Kristo, kandi yari umwe mu bari babeshejweho n'uko kwizera. Yari yarise ku magambo ya Yakobo wavuze, ati:

"Ntimukagire ukwizera k'Umwami wacu Yesu Kristo, murobanura abantu ku butoni."

Yuzuye Umwuka Wera no kwizera, nka Sitefano, ntiyemereraga umuntu uwari we wese ngo amuhatire ibyo ashaka, nta muntu n'umwe yatinyaga; kandi, igihe igihano cy'urupfu kigeze ku bajyaga kuba bambaye iryo Zina bose kandi bakagendera mu kwizera kwa Yesu Kristo, ahagarara ashikamye ari hamwe n'ababaga banze kwiyambura umwambaro wabo. Yego, yarapfuye, ariko kimwe na Abeli, yahamijwe n'Imana (izina rye ryanditse mu Ijambo), kandi, nubwo yapfuye, ijwi rye rikomeza kuvuga rinyuriye mu mpapuro z'Inyandiko zaturutse ku Mana.Uwahowe Imana wo kwizerwa yari amaze kwigerera aho aruhukira, ariko nyamara Satani ntiyari yegukanye insinzi, nk'uko atari yarayegukanye mu kwicisha Umwami w'Amahoro. Ku bw'ibyo, nk'uko Satani yanyazwe ubutware ku musaraba, ni na ko amaraso y'Antipa abihamagarira abandi amajana bazikorera umusaraba wabo kugira ngo bakurikire Umwami.

AHO INTEBE YA SATANI IBA

Impamvu ituma ibi byaranditswe mu gice k'libigli by'Umwuka, ni uko aba basirikari b'intwari b'umusaraba begukanaga insinzi batsindiye Satani mu ruhame mu cyumba cy'aho uyu afite ikicaro k'intebe y'ubwami bwe. Batsindaga urugamba ku bw'Izina n'Ukwizera kwa Yesu rwagati mu rugerero rw'abatware b'umwiji. Mbega ibigli bitangaje! Ukuntu abagabo b'intwari ba Dawidi, bari binjiye mu rugerero rw'umwanzi kugira ngo bavaneyo amazi Dawidi yashoboraga kwicisha inyota, ibyo bihangange mu kwizera byinjiye mu gikingi kiri mu gihome cy'umutamenwa cya Satani ku isi, kandi, ku bw'ikibwiriza cyabo n'impuguro yabo, bazaniye amazi y'agakiza abari batuye mu gicucu cy'urupfu.

Nyamara, niba ayo magambo avuga iby'intebe y'ubwami bwa Satani n'ibyerekeye igikingi cya Satani bikaba biri mu myato y'ibigli Imana ibwira intore zayo, ntabura kugaragaza kurwanya ikibi kigabije ubutware mu Itorero kikaribunyaga.

PERUGAMO: inteve y'ubwami n'aho Satani aba. Muri aya magambo benshi babonyemo gusa ishusho

iri aho isanzwe, ntibabona ko ari ikintu cy'amateka. Nyamara aya magambo ni ibantu by'ukuri bigaragazwa n'amateka. Perugamo rwose yari intebe y'ubwami n'ubuturo bwa Satani. Dore uko ibyo bintu byagezeyo:

Mu ntangiriro, i Perugamo nta bwo ari ho Satani yabaga (ku bijyanye n'ibantu bya kimuntu). Iteka ni Babuloni yari yarabaye, mu mvugo yeruye cyangwa izimije ikicaro gikuru ke. Ni mu murwa wa Babuloni umuhango wo kuramya Satani wari waratangiriye. Itangiriro 10.8-10:

"Kushi na we abyara Nimurodi; ni we utangira kuba umuntu ukomeye w'igihangange ku isi. Aba umuhigi w'intwari imbere y'Uwiteka. Igihugu yimyemo ubwa mbere ni Babeli, Ereki, Akadi n'i Karina, ho mu gihugu k'i Shinari.

Itangiriro 11.1-9.

Isi yose yari ifite ururimi rumwe n'amagambo amwe. Bagenda berekeye iburasirazuba, babona ikibaya kiri mu gihugu k'i Shinari, barahatura. Barabwirana bat: "Mureke tubumbe amatafari, tuyotse cyane." Kandi bakoreshaga amatafari mu kimbo cy'amabuye, bakayafatanisha ibumba mu kimbo k'ibyondo. Baravuga bat: "Mureke twiyubakire umudugudu n'inzu y'amatafari ndende, izagere ku ijuru, kugira ngo twibonere izina rimenyekana, twe gutatanira gukwira mu isi yose."

Uwiteka amanurwa no kureba umudugudu n'inzu ndende, abana b'abantu bubatse. Uwiteka aravuga ati: "Dore aba ni uwoko bumwe n'ururimi rumwe, ibyo ni byo babanje gukora none ntakizabananira gukora bagishatse. Reka tumanuke tubahindurire ururimi rwabo, rubemo nyinshi zinyuranye, be kumvikana." Uwiteka abatataniriza gukwira mu isi yose, barorera kubaka wa mudugudu. Ni cyo cyatumye witwa Babeli, kuko ari yo Uwiteka yahinduriye ururimi rw'abo mu isi bose, rukavamo nyinshi zinyuranye, kandi ari yo yabakuriyeyo, akabatataniriza gukwira mu isi yose.

Babel, ni ryo zina ry'inkomoko ya Babuloni. Risobanura : "urwijiji". Nubwo mu bigaragara, Kushi, mwene Hamu akaba ari we wawubatse bwa mbere, ni umuhungu we Nimurodi, umuhigi w'intwari, wawugize ubwami bukomeye kandi bwagutse cyane. Nk'uko umurongo wo mu Itangiriro 11 ubivuga, nk'uko amateka abivuga, Nimurodi yari ashishikajwe no gukora ibantu bitatu:

- a. Yashakaga kubaka ishyanga rikomeye, ari byo akora;
- b. Yashakaga ko idini rye bwite rikwira hose, ni byo akora;
- c. Yashakaga ko izina rye ryamamara rikamenyekana hose, ibyo na none abigeraho.

Ibyo yagezeho biba ibantu bikomeye cyane bitabasha kwibagirana, ku buryo ubwami bwa Babuloni babuhimbye izina rya: "umutwe wa zahabu" muri za Leta zose zo mu isi. Kuba Ibyanditswe bimusaniha neza neza na Satani muri Yesaya, igice cya 14, no mu Byahishuwe, igice cya 17 na 18, hagaragaza ko idini ya Nimurodi yafashe umwanya ukomeye. Kandi dushobora kugaragaza twifashije amateka ko ryigaruriye isi yose uko yakabaye kandi ko ari yo nkomoko y'imigenzereze yose yo gusenga ibigirwamana n'ishingiro ry'ikitegererezo cy'ubwiru bwa Satani, nubwo imana zifite amazina atandukanye mu bice bitandukanye by'isi, bishingiye ku ndimi abantu bakoresha. Agenda atavuga ko yihaye izina rikomeye rye ubwe n'ay'abambari be: rero, mu gihe cyose iki giseguruza turimo kizaba kikiraho (kugeza igehe Yesu azihishurira bene Se), azaramywa kandi ahabwe icyubahiro gikomeye, nubwo asengwa mu rindi zina nk'iryu Nimurodi, kandi agasengerwa mu rusengero rutandukanye n'urwo bamusengeragamo kera bigitangira.

Kubera ko Bibiliya itagaragaza ibyabayeho byose mu mateka y'andi mahanga, tuzagomba kwiga inyandiko za kera ziri aho zo mu isi kugira ngo turebe uburyo Perugamo yahindutse ikicaro gikuru k'idini ya Satani yakomotse i Babuloni. Ku bw'ibyo, inyandiko z'ingiramaro kurusha izindi zizaboneka ziturutse ku byanditswe ku bihe Egiputa yari iyoboye iterambere ry'isi n'iby'Ubugiriki. Impamvu ni uko siyansi n'imibare byari byarahererekajwe n'Abakarudaya bigera muri Egiputa, mbere yuko Egiputa na yo ibihererekanya bikagera mu Bugiriki.

Nyamara, kubera ko abayobozi b'idini ari bo babaga ari bo bafite gusa ubumenyi bwo kwigisha ayo masiyansi, kandi ayo masiyansi akaba yarabaga afite uruhare mu iyobokamana, aho turabona rero irembo idini yakomotse i Babulono yanyuzemo kugira ngo izamuke mu mbaraga muri ibyo bihugu bibiri. Kandi na none ni iby'ukuri ko iteka ryose igihe ishyanga ryaneshaga irindi, iyobokamana ry'iryanesheje ryashoje rihindutse ry'iryaneshejwe. Tuzi ko Abagiriki bakoreshaga ibimenyetso bimwe by'ubuhanga bwo kugenzura inyenyeri bakamenya ibizabaho (zodiaque) kimwe n'Abanyababiloni; n'inyandiko zakomotse muri Egiputa za kera zigaragaza ko Abanyegiputa bahererekajje ubumenyi bwabo babukomoye ku banyamahanga basengaga imana nyinshi bakabuha Abagiriki. Ku bw'ibyo, ubwiru bw'i Babuloni bwarakwirikwiriye bukava mu ishyanga bukaja mu rindi, ku buryo ubusanga i Roma, mu Bushinwa, mu Buhinde, kandi ku buryo, ndetse no muri Amerika y'Amajyaruguru n'iy'Amagepfo, ibantu by'ishingiro by'ibanze bakora ari bimwe.

Amateka ya kera hamwe na Bibiliya bihamya ko iryu dini ryakomotse i Babuloni rwose ritari idini rya kimezamiryango ry'umwimerere, ry'amoko ya mbere yari atuye isi. Ni ryo ryabayeye iryu mbere mu kujya kure y'ukwizera k'umwimerere; ariko nta bwo ari idini y'umwimerere nyirizina. Abanyamateka nka Wilkinson na Mallett bazanye ibihamya ndakuka, bashingiye ku nyandiko za kera, zihamya ko kera amoko yose yari atuye isi yizeraga IMANA IMWE RUKUMBI, isumba byose, ihoraho, itagaragara, yaremye ibintu byose ibiremesheje Ijambo riturutse mu kanwa kayo, kandi ikaba ifite kamere yuzuye urukundo, ukugira neza no gukiranku. Ariko, kubera ko Satani iteka yonona icyo ashoboye cyose konona, tubona ko yonona ibitekerezo n'umutima by'abantu kugira ngo atume banga ukuri. Ku bw'uko igihe cyose yashatse gusengwa nkaho ari we Mana, - kandi atari umugaragu n'ikiremwa cyaremwe n'Imana, yihaye gusengwa kwagombaga kwerekezwa ku Mana, kugira ngo akwiyerekezeho we ubwe maze ku bw'ibyo, abe ari we ushyirwa hejuru. Nta gushidikanya, intego ye rwose yayigezeho, ari yo yari iyo gukwirakwiza idini ye ku isi yose. Ibi byahamijwe n'Imana mu rwandiko rwandikiwe Abaroma aho igira iti: "Nubwo bamenye Imana ntibayihaye icyubahiro nk'Imana, ku bw'ibyo barayobye mu bitekerezo byabo, kandi, kubera umwijima wo mu mitima yabo bemeye idini yononekaye ku buryo basenga ibyaremwe, kandi atari Umuremyi."

Nimwibuke, Satani yari ikiremwa k'Imana (umwana w'Umuseke). Turabona na none ko niba ukuri kwari kwarakwirakwije mu bantu mbere ku itangiriro, niba bose bari biziritse kuri uko kuri kumwe rukumbi, nyuma yaho bitinze umunsi ukagera aho itsinda rinini ritera umugongo Imana kugira ngo bakwirakwize uburyo bwo gusenga Satani mu isi yose. Amateka agaragaza neza yeruye ko abo mu muryango wa Shemu, bari bahagaze neza bashyigikiye ukuri gushikamye, bari bahanganye bikomeye n'abakomoka kuri Hamu, bari barateye umugongo ukuri maze bahindukirira ikinyoma cy'umubi. Igihe cyatubana gito kugira ngo tuvuge birambuye kuri icyo kibazo, bibaye ngombwa ko tukivugaho kugira ngo dutume mubona kubona ko hariho amadini abiri, abiri yonyine gusa, kandi ko iy'umubi yakwiriye hose ku isi.

I Baburoni ni ho imyizerere ishingiye ku kwizera Imana imwe yahindutse bibyara kwizera imana nyinshi. Muri uwo murwa ni ho ikinyoma cya Satani n'ubwiru bwa Satani byahagurukiye kurwanya ukuri kw'Imana n'ubwiru bw'Imana. Satani mu by'ukuri yahindutse imana y'iyo si, kandi yihinduye uwo gusengwa n'abo yari yayobeje, atuma bizera ko ari we wari mu by'ukuri Umwami.

Idini yizera imana nyinshi yakomotse ku mwanzu yatangiranye inyigisho y'ubutatu. Muri icyo gihe cyo mu bihe bya kera cyane ni bwo igitekerezo cya "Imana mu baperisona batatu" cyavutse. Ikintu gitangaje, abahaha mu by'iyobokamana bo muri iki gihe batabibonye; nyamara, mu bigaragara, na bo bayobelwe na Satani nk'uko byari bimeze ku bakurambere babo: bizera igihe cyose abaperisona batatu mu Bumana. Nibatwereke igice kimwe k'Ibyanditswe aho baba bafite ubuhamya ubwo ari bwo bwose bw'ijo nyigisho.

Ntibitangaje ko, mu gihe abakomoka kuri Hamu bakomezaga inzira yabo yo kuramya Satani, yatangijwe ishingiye ku gitekerezo k'imana eshatu, ariko nta kintu na kimwe kigaragara ku bakomoka kuri Shemu k'emyizerere nk'ijo, cyangwa umuhango w'imsengere waba ufitanye isano na yo? Ese ntibitangaje ko Abaheburayo baba barizeye ibi: "Umva, Isirayeli we! Uwiteka, Imana yawe, ni yo MANA YONYINE RUKUMBI", iyo haza kuba hari abaperisona batatu mu Bumana? Mu Itangiriro 18, Aburahamu, ukomoka kuri Shemu, yabonye gusa Imana IMWE RUKUMBI iri kumwe n'abamarayika babiri.

Nyamara, ni buryo ki bagaragazaga ubwo butatu? Babugaragazaga bakoresheje ishusho ya mpande eshatu ndinganire, nk'uko Roma ibugaragaza uyu munsi. Ikintu gitangaje, Abaheburayo ntibari bafite na rimwe igitekere nk'icyo. Ni nde ufite ukuri, icyo gihe? Ni Abaheburayo cyangwa ni Abanyababuloni? Muri Aziya, bagaragaza igitekerezo cyo kwizera imana nyinshi bemeza ko hariho imana eshatu muri imwe bakabyerekana bakoresheje ishusho y'ikibumbano ifite imitwe itatu iteye ku gihimba kimwe. Babigaragaza nk'ubushobozi bw'ubuhanga butatu. Mu Buhinde, abantu bagize umutima wo kuyigaragaza nk'imana mu mashusho atatu. Nyamara, ubwo rwose ni bwo buhanga mu kumenya buriho uyu munsi. Mu Buyapani uhasanga igishushanyo cya Buda kinini gifite imitwe itatu, gisa n'icyavuzwe haruguru.

Ariko igishushanyo kibihishura kurusha ibindi ni ik'igitekerezo cy'ubutatu bw'Imana bigaragazwa n'amashusho atatu akurikira: 1. Umutwe w'umusaza, ushushanya Imana Data; 2. Uruziga, uwiru muri rwo butanga igisobanuro cya "urubyaro," urubyaro bishatse gusonura Umwana w'umuhungu; 3. Amababa n'umurizo by'inyoni (inuma). Aho yari inyigisho ya Data, Umwana n'Umwuka Wera, abaperisona batatu mu Bumana, ubutatu nyakuri. Ubasha kubona ibintu nk'ibyo i Roma.

Ndacyabaza na none ikibazo: Ntibyaba ari ibintu bitangaje ko Satani n'abamuramya baba bari bafite uguhishurirwa gukomeye kuruta ukwari gufitwe na sogokuruza mu kwizera (Aburahamu) n'abamukomokaho? Ntibyaba ari ibintu bitangaje ko abaramya Satani baba baramenyi Imana mu burebure bwayo kurusha abana b'Imana? Nyamara ni ibyo abahaha mu by'iyobokamana bo muri iki gihe bagerageza kutubwira ku byerekeye ubutatu. Uhoreye ubu, mugumane ibi mu bitekerezo: ni ibintu by'ukuri byabayeho tumaze gushyira ahagaragara: kandi ngiki ikintu cy'ukuri kiriho: Satani ni se w'ikinyoma, kandi ige azanye umucyo, uko biri kose aba ari ikinyoma. Ni umwicanyi. Kandi inyigisho ye y'ubutatu yarimbuye abantu benshi batabarika, kandi izakomeza kurimbura kugeza ige Yesu azagarukira.

Amateka atwereka ko icyo gitekerezo cya Data, icy'Umwana n'icy'Umwuka Wera nticyatinze guhindurwa. Satani yatwaraga abantu, buhoro buhoro, kure cyane y'ukuri. Igitekerezo cy'Ubumana cyari cyarakomeje gutera imbere kugira ngo gihinduke: 1. Data uhoraho iteka ryose. 2. Umwuka w'Imana wahindutse umubiri mu mubyeyi w'umumama w'UMUNTU. (Ese ibyo birabaha gitekereza?) 3. Umwana ufile Ubumana, imbuto yakomotse kuri uko kwambara umubiri (urubyaro rw'umugore).

Ariko umubi nta bwo anyuzwe, nta bwo arageza aho bamusenga, we, asengwa gusa ku buryo buteruye. Akomeje rero kwigiza abantu kure y'ukuri. Yifashishije ubwiru bwe, ahishurira abantu ko, kubera ko Imana Ikomeye, itaboneka, Data, ngo ntiyita ku bibazo by'abantu ahubwo irakomeza ikicecekera ntigire icyo ikora ku bibareba, ushabora rwose kuyiramya wicecekeye. Mu bigaragara ni ukuyisuzugura ku buryo bwose bushoboka, bitari ibyo ni ukuyisuzugura burundi. Iyi nyigisho, na yo, yazengurutse isi, kandi uyu munsi ushabora kubona ko Buhinde ingoro zeguriwe umuremyi ukomeye, Imana yicecekeye, mu bigaragara bisa n'aho ari nkeya.

Kubera ko bitari ngombwa kuramya data-umuremyi, ni uko mu bisanzwe ukramya kwahindukiye kukerekezwa ku "Umubyeyi n'Umwana", bahindutse abantu byo kuramya. Muri Egiputa, ubumwe nk'ubwo bw'umubyeyi-umwana babwitaga Isis (Izisi) na Osiris (Oziris). Mu Buhinde, bari Isi na Iswara. (Murebe uburyo ayo mazina ubwayo ajya gusa.) Muri Aziya bari Cybele (Sibebe) na Deoius (Dewoyiyusi). Roma n'Ubugerekibameza ibibe byose uwo muhango wo kuramya. Ubushinwa na bwo ni uko. Mutekereze na none ugutungurwa kw'abamisyoneri bamwe b'abanyagaturika y'i Roma, bageze mu Bushinwa, bakabona Madona ahagatiye Umwana azengurutswe n'imirasire y'umucyo yaturukaga ku mutwe w'umwana. Icyo gishushanyo k'ishusho y'umugore rwose cyajyaga gushobora kuguranwa icyo wasangaga i Vatikani, usibye utuntu tumwe tw'umwihariko ku isura twari turi mu maso.

Twebwe biradusaba noneho gutahura umwana na nyina ba mbere b'umwimerere abo ari bo. Ikigirwamana kazi-cy'umumama cy'umwimerere k'i Babuloni, cyari Semiramis, ari cyo bitaga Rhea Iburasirazuba. Cyari gihagatiye umwana w'umuhungu. Nubwo gusa uwo aba ari umwana w'uruhinja, bavugaga ko uwo akomeye, ari umunyembaraga, afite uburanga by'umwihariko bukurura abagore. Muri Ezekiyeli 8.14, yitwa Tamuzi. Abanditsi ba kera bamwitaga Bacchus. Ku Banyakabuloni yari Ninus. Ari ibyo bisonura yuko bamugaragazaga nk'umwana w'uruhinja bahagatiye mu maboko, na none bakamugaragaza nk'umuntu ukomeye w'umunyembaraga, ni cyo gituma baramwitaga : "Umwana w'umuhungu - w'Umugabo." Rimwe mu mazina ye bamwita y'icyubahiro ryari : "Umugabo w'Umubyeyi." Mu Buhinde, aho bazwi ku mazina ya Iswara na Isi, we (umugabo) agaragazwa nk'umwana w'uruhinja uhagatiwe n'umugore we bwite.

Dushobora guhamya tudashidikanya ko Ninus ari we Nimurodi wo muri Bibiliya tugereranya amateka n'inkuru yo mu Itangiriro. Pompee yaravugaga ati: "Ninus, umwami wa Asiriya, yahinduye uburyo bwe bwo kubaho bwa kera buciriritse ku bw'ikifuzo ke cyo kwigarurira ibihugu. YABAYE UWA MBERE MU GUSHOZA INTAMBARA ARWANYA ABATURANYI BE. Atsinda ibihugu byose akabyigarurira uhoreye Asiriya ukageza muri Libiya, kuko abo bantu batari bazi iby'intambara."

Diodore aravuga ati: "Ninus ni we wa mbere mu bami b'Abasiriya wavuzwe mu mateka. Wari ufile umwuka w'umurwanyi, yigishanya igitsure abasore benshi iby'intambara. Yigarurira Babuloniya mu gihe ndetse n'umugi wa Babuloni utari wakabaho." Turabona rero ko Ninus atangira kugwiza imbaraga muri Babuloniya, ku buryo yubatse Babeli kandi agatsinda Asiriya akayigarurira, agahinduka umwami wayo, yahise abera umwami, kugira ngo akomeze yigarurire bitamugoye n'izindi ntara nini zari zifite abaturage batari bazi kurwana intambara biberaga aho, ku buryo buciye bugufi, nk'uko Pompee abivuga. Nyamara, mu Itangiriro 10 havugwa ku by'ubwami bwa Nimurodi hagira hati: "Igihugu yimyemo ubwa mbere ni Babeli, Ereki, Akadi na Kalune, mu gihugu k' i Shinari. Ava muri icyo gihugu ajya muri Ashuri, yubaka Ninive, Kala, n'iyindi..."

Ariko abahindura indimi baribeshye bahindura "Ashuri" nk'izina. Mu by'ukuri ni inshinga ishaka kuvuga "kwiyubaka ugakomera" mu Gikarudaya. Rero ni Nimurodi, nyuma yo kwiyubaka agakomera (yari yarashyizeho ubwami bwe atangiza igisirikare cya mbere ku isi, yari yaratoje yifashishije imyitozo y'intambara no gushyira imbaraga mu buhigi), aragenda akarenga Shinari akagera kure akoresheje imbaraga za gisirikare. Kugira ngo yigarurire amahanga kandi yubake imigi nka Ninive, yitirirwaga izina rye, kuko na n'ubu uyu munsi igice kinini k'ibisigazwa by'ubo mugi kitwa Nimurodi!

Nk'uko twatahuye Ninusi uwo yari we, biradusaba na none gutahura uwari se uwo ari we. Dushingiye ku mateka, yari Beli, uwashinze Babuloni. (Aha barasaba kumva ko ari we watangaje iyo nkubiri yose; ariko ni umuhungu we, Ninusi, wayishyizeho, akaba ari we uba umwami wayo wa mbere, n'ibindi n'ibindi...) Ariko, dukurikije Ibyanditswe, se wa Nimurodi yari Kushi: "Kushi abyara na we Nimurodi." Kandi atari ibyo gusa, tunabona ko Hamu yabyaye Kushi. Nyamara, mu muco w'Abanyegiputa, Beli bamwitaga Herume, kandi Herume bisobanura: "UMUHUNGU WA HAMU." Dushingiye ku mateka, Herume yari umuhanuzi ukomeye mu myizerere yo kuramya ibigirwamana. Yari umuvugizi w'ibigirwamana. Banamwitaga na none Mercure (Merikire). (Musome Ibyakozwe 14:11-12).

Hyginus avuga ibyerekeye icyo kigirwamana, ko bakiaga amazina menshi: Beli, Herume, Merikire, n'ayandi... "Igihe k'imyaka myinshi abantu babayeho ku ngoma y'ubutegetsi bwa Yehova atari Jupiter (Yupiteri) w'Abaromani, ahubwo yari Yehova w'Abaheburayo, mbere y'amateka y'Abaroma, nta migi iriho, nta n'amategeko ariho, kandi bavugaga ururimi rumwe. Ariko Merikire (Beli, Kushi), kuba yari yasobanuye imvugo z'abantu (ariho izina Herume ku bwo kugaragaza umuntu usobanura indimi), bitandukanya amahanga. Guhera icyo gihe, akajagari karatangira. "Tubona duhereye aho ko uwo Beli, cyangwa Kushi, se wa Nimurodi, yari umutware w'ubwoko agasunikira abantu kujya kure y'Imana nyakuri kandi agashishikaza abantu—yiha kuba "umuvugizi w'ibigirwamana"— kugira ngo bemere indi migirire y'iyobokamana. Abashishikariza kubaka umunara ari wo umuhungu we aba ku buryo nyirizina umwubatsi wawo. Ni uko kubashishikariza ibyo byazanye ukutumvikana n'amacakubiri mu bantu; ku bw'ibyo icyarimwe yari: "umuvugizi akaba n'umuntu wakoze ikosa ryazanye kutumvikana mu bantu."

138 Rero ni Kushi wabaye se wa gahunda yo kuramya imana nyinshi, kandi igihe abantu bahinduwe ibigirwamana n'abantu, birumvikana rwose ni we, wahindutse se w'ibigirwamana. Nyamara, Kushi yitwaga Beli. Kandi Beli, mu bitekerezo bivuga ku byerekeye mihango y'Abaroma, yari Janus (Yanusi). Bamugaragaza afite mu maso habiri kandi afite impiri ari yo yakoreshaga yirukana abantu kandi "yarabatataanyaga". Ovide yandika ko Janus (Yanusi) yavugaga kuri we ubwe, ati: "Abakuru banyise Kavuyo." Tubona ku bw'ibyo ko Kushi wo muri Bibiliya, ari we wa mbere wigometse ku myizerere yo gusenga Imana imwe yitwaga Beli, Belusi, Herume, Yanusi, n'andi, ibyo tubikura ku moko y'abantu bo mu bihe bya kera cyane. Yavugaga ko azanira abantu uguhishurirwa n'insobanuro zatanzwe n'ibigirwamana. Mu gukora ibyo, akongeza uburakari bw'Imana igatatanya amoko, muri ibyo haturukagamo amacakubiri no kutavuga rumwe.

Rero kugeza ubu twabonye aho imyezerere yo kuramya imana nyinshi ituruka, cyangwa umuhango wokuramya imana nyinshi. Ariko mwigeze mubona ko na none twabonye ko havuzwe ibyerekeye umuntu witwa Kushi, bise izina ry'icyubahiro rya "se w'ibigirwamana?" Mwabonye ingingo ya kera yavuzweho ku byerekeye ibitekerezo bivuga ibyerekeye imihango ya kera: ibigirwamana byigaragaza nk'abantu? Aho ni ho hakomoka umuhango wo kuramya w'abakurambere.

Dusuzume rero amateka kugira ngo tumenyi iby'ubo muhango wo kuramya w'abakurambere. Rwose byagaragaye ko Kushi yatangije umuhango wo kuramya imana eshatu: data, umwana, n'umwuka. Imana eshatu zose zanganyaga ubushobozzi. Ariko yari azi ko imbuto y'umugore yari igiye kuzaza, byasabaga rero kwinjiza muri ibyo umugore n'urubyaro rwe. Ibi biggerwaho igihe cy'urupfu rwa Nimurodi. Umugore we, Semiramisi amuhindura imana, akishyira na we mu mwanya wo kuba nyina w'ubo mwana w'umuhungu kandi na none akaba nyina w'ibigirwamana. (Nk'uko Itorero ry'i Roma ryahinduye Mariya ikigirwamana. Bavuga ko nta cyaha yari afite kandi ko yari Nyina w'Imana). Uwo (Semiramisi) yita Nimurodi: "Zeroashta", bisobanura "urubyaro rwasezeranijwe rw'umugore."

Ariko nta bwo byafashe igihe kirekire, umugore atangira guhabwa agaciro cyane kurusha uwo mwana w'umuhungu, nuko ntibatinda kumugaragaza nkaho ari we wajanjaguraga inzoka ayikandagije ikirenge ke. Bamwitaga: "umwamikazi w'ijuru," kandi bamwitaga uwakomotse ku Mana. Uburyo ibyo bisa n'ibirimo kubaho uyu munsi, kuri Mariya, nyina wa Yesu, washiyizwe hejuru kugeza ubwo bavuga ko atapfuye. Ku bw'ibyo noneho, kuva muri Nzeri 1964, Inama Nkuru ya Vatikani igerageza guha Mariya urwego adakwiye; ku bw'ibyo, bashaka kumwita: "Mariya umuhuza w'Imana n'abantu", "Mariya, Nyina w'abizera bose", cyangwa "Umubyeyi wa Kilizya." Niba harigeze kubaho idini rifite umuhango wo kuramya w'abakurambere ku buryo bw'i Babuloni, rwose ni idini y'i Roma.

Nta bwo hari hari gusa umuhango wo kuramya w'abakurambere wakomotse i Babuloni, ahubwo hari hari n'umuhango wo kuramya ibyaremwe. I Babulonini ho baramije ibigirwamana bifashishije izuba, ukwezi, n'ibindi... Ikintu k'ingenzi, mu byaremwe, cyari izuba, ryo rifite ububasha bwo gutanga umucyo n'ubushyuhe, kandi umuntu akaba aribona mu ijuru rimeze nk'umubumbe w'umuriro. Ku bw'ibyo imana yabo iruta izindi yari imana-zuba, bitaga Bayali.

Akensi, bagaragazaga izuba nk'uruziga rw'umuriro, ruhita ruboneka ruzengurutswe n'inzoka. Mbere kera inzoka yari yarahindutse ikimenyetso k'izuba; bituma batangira kuyiramy. Ku bw'ibyo ikifuzo Satani yari afite mu mutima cyari kigeze ku ntego yacyo nyamukuru. Bayiramyaga nk'Imana. Ikicaro cyayo cyari cyashyizweho. Imbata zayo zarayipfukamiraga. Barayiramyaga aho, i Perugamo, mu ishusho y'inzoka nzima. Igiti cyo Kumenya Ikiza n'Ikibi, noneho kigaragazwa mu ishusho y'inzoka nzima, ntiyari yayobeje Eva gusa, ahubwo na none n'igice kinini cyane k'inyoko-muntu.

Ariko se ni gute Perugamo yahindutse ikicaro k'intebe y'ubwami bwa Satani, niba iyo ntebe ye y'uhwami yari iri i Babuloni? Na none amateka araduha igisubizo. Igihe Babuloni yaguye mu maboko y'Abamedi n'Abaperesi bakayigarurira, Attale, umwami akaba n'umuyobozi w'idini, ahunga umugi akajya kwibera i Perugamo hamwe n'abayobozi b'idini be n'ubwiru bwe bw'ibigirwamana. Ashinga aho ubwami bwe hanze y'ubwami bw'Abaroma, kandi arahakomerera abifashijwemo no gusenga Satani.

Ngiyo rero incamake ivunaguye y'amateka y'idini ryakomotse i Babuloni, n'uburyo ryageze i Perugamo.

Nta gushidikanya ko hakiri ibibazo byinshi bitarabonerwa ibisubizo, kandi ko hakagombye kugira ibindi bibivugwaho kugira ngo turusheho kubibonaho umucyo. Ibyo ari byo byose, iyi ncamake nta bwo ari isomo ry'amateka, ahubwo ni imfashanyigisho mu kwiga Ijambo.

ICYO BAGAWA

Ibyahishuwe 2.14-15 :

Ariko rero mfite bike nkugaya, kuko iwanyu ufite abakomeza inyigisho za Balāmu, wigishije Balaki gushyira igisitaza imbere y'Abisirayeli kugira ngo barye intonōrano kandi basambane.

Nawe ni ko umeze, ufite abakomeza inyigisho z'Abanikolayiti nka bo.

Muri icyo gisekuruza cya Perugamo, Umwami arwanya inyigisho ebyiri yanga urunuka, ari zo: 1.Inyigisho ya Balamu ari yo, i Bayali-Pewori yinjije kuramya ibigirwamana muri Isirayeli n'ugusayisha kwangwa urunuka. 2. Inyigisho y'Abanikolayiti, yo mu Gisekuru cya Efeso yari iriho gusa igaragarira mu mirimo. Duhurije hamwe icyo bagawaga n'uko Ivuga ko Perugamo ari ikicaro k'intebi y'ubwami bwa Satani, ushabora gufata umwanzuro ushize amanga kandi ni iby'ukuri ko idini y'i Babuloni yivanze n'Ubukristu.

Nyamara, ibi nta bwo rwose ari ibintu byo gukekeranya kuri aho; ni ibintu by'amateka, ayo tuzagaragaza dusubiye mu mateka duhereye hafi mu mwaka wa 36 y'igihe cyacu, kandi tukayakomeza kugeza ku Nama nkuru ya Nicee muri 325. Igihe Abakristu (Abayahudi ku bwa kavukire) batatanyirizwaga kure cyane ya Yerusalem, bajya ahantu hose bakabwiriza Ubutumwa Bwiza, by'umwihariko mu masinagogi. Ku bw'ibyo, imyaka itatu nyuma y'aho, ni ukuvuga ahagana muri 36 nyuma ya Yesu Kristo, Ubutumwa Bwiza bwari bwaragejejwe i Roma na Yuniya na Andironiko, bari intumwa, nk'uko tubisoma mu Baroma 16:7. Umurimo uhakorwa ige k'imyaka myinshi uhatanga umusaruro, kugeza aho amahane y'urudaca hagati y'Abayuda atuma umwami w'abami Claude abirukana i Roma. Abayuda birukanwa mu mugi barahezwa, urutirigongo rw'iryo Torero rito rwari rwabaye nk'urwavunitse. Ndets'e birashoboka ko n'abakuru baryo babaga ari Abayuda, kandi icyo gihe bakaba bari bagiye. Umukumbi wari usigaye nta kireberera, kandi, kubera ko Ijambo ritari ryakandikwa kugira ngo ribabere umuyobozi, uwo mukumbi muto wari uri mu kaga gakomeye ko kuba wajya kure cyangwa ukazimira ku bw'abahanga mu bitekerezo n'abapagani b'icyo gihe. Kubera ko ibirura by'inkazi byari birekereje, kandi icyo gihe umwuka wa antikristo ukaba wari warabohowe, amateka atwereka ko iryo torero rito ryaguye rigasubira inyuma rikajya kure cyane y' ibyiringiro byose, maze rigatangira kwinjiza imihango ya gipagani riyyitirira ubukristu.

Igihe cy'uko kwirukanwa cyamaze imyaka cumi n'itatu, abatangije itorero, Juniya na Andironiko ntibagaruka kugeza mu mwaka wa 54 nyuma ya Yesu Kristo. Nimwiyumvishe ugukubitwa n'inkuba bagize, basanze Itorero ryiyambitse izina ry'ubukristu, ariko ari irya gipagani ku buryo buteye ubwoba. Mu rusengero hari harimo ibicaniro bashyiragaho imibavu kandi kuri byo, bahakoreraga imigenzo ya gipagani. Babonye ko badashobora kumvwa n'abakuru b'iryo Torero ngo babafashe, bashinga Itorero rishya, ari ryo Torero rya kabiri ry'i Roma, rigizwe n'abantu bake bari baragerageje gukomeza kuba abiringirwa, Ku bw'imbabazi Imana ikorera muri bo, ikoreshoje ibimenyetso n'imrimo ikomeye, ku buryo bageze aho bagashinga Itorero rya gatatu. Kandi, nubwo bareze Itorero rya mbere kuba ryarabaye iripagani kandi ATARI irya gikritu mu mihangyo gusenga kwaryo, ryanga kureka izina ryaryo ry'icyubahiro. Ku bw'ibyo rikomeza rityo kandi NA N'UBU RIRACYARI Itorero rya Mbere ry'i Roma—Itorero gatorika ry'i Roma.

Nyamara benshi muri twe, dufite igitekerezo kitari cyo cy'uko abiyita Abakristu bose, nta n'umwe usigaye bazaba ari yo ntego Satani yerekejeho intwaro ze kandi, ku bw'ibyo bakazatotewa na za Leta. Nyamara si ko bimeze. Itorero rya mbere ryari ryaratangiye gukomera no kwiyyongera mu mibare, ku buryo abami n'abantu benshi bo munzego zo hejuru za Leta, ku bw'impamvu za politiki bashyigikiraga iryoTorero. Ku bw'ibyo, ige abayobozi b'Itorero rya Mbere ry'i Roma babonye ko bashyigikiwe, barabyitwaza kugira ngo batume Leta irwanya abizera nyakuri kandi kugira ngo itegeke ko abo batotezwu niba bataje ngo bifatanye n'igice cyabo.

Uko ni ko yari ameze Anicet, umwepisikopi w'Itorero rya Mbere ry'i Roma, wabayeho mu kinyejana cya kabiri, kandi wari uraho mu gihe kimwe na Polycarpe. Igihe Polycarpe umukristu wo kubahwa yumvise ko Itorero rya Mbere rya gikristu ry'i Roma ryari ryararundumukiye mu mihangyo gipagani kandi ko ryari ryarononnye ukuri k'Ubutumwa bwiza, ajyayo kugira ngo abasabe rwose guhindura. Ababona bapfukama imbere y'ibishushanyo bifite amazina y'intumwa n'ay'abatagatifu. Ababona bacana amabuji manini banatwika imibavu ku gicaniro. Ababona bizihiwa pasika, mu izina rya: "Pasika" bashyira hejuru umugati umeze nk'uruziga waheshaga ikuzo imana-zuba, mbere yo gusuka hose ku gicaniro divayi nk'ikimenyetso k'ituro rihawé imana. Ariko uwo mukambwe wera, wari waragenze mayilo 1500 (ibirometero 2500. - Usobanura.) kugira ngo aze, ntiyabasha kubabuza kugwa mu icuraburindi ry'umwijima. Mu gihe yari yigendeye, Imana ivuga inyuriye muri we iti: "Efurayimu yifatanije n'ibigirwamana: mureke!" Hoseya 4.15. Polycarpe ntiyongeye kugaruka na rimwe.

Anicet asimburwa n'umwepisikopi w'umugome gica w'i Roma witwa Victor na none atangiza iminsi mikuru myinshi kurusha mbere n'imihango ya gipagani mu Itorero rya Mbere, kandi atangira na none kwisha intego yo gukora uko ashoboye kose kugira ngo yumvishe Amatorero nyakuri ya gikristu ngo ayoboke ibyo bitekerezo. Kubera ko bangaga gukora ibyo abasaba, yumvisha abayobozi ba Leta gutoteza abizera, babajana mu nkiko, babashyira mu nzu z'imbohe, ndetse umubare munini muri bo babacira urubanza rwo gupfa. Amateka aduha urugero rumwe rw'ibikorwa bye by'agahomamunwa: umwami Septime Severe yumviye inama agiriwe na Calliste (inshuti ya Victor) yo kwica abizera nyakuri ibihumbi birindwi i Tesaloniki, kubera ko bizihizag Pasika nk'uko inyigisho y'Umwami Yesu ivuga badakurikije umihango wo kuramyawa Ashitoreti .

Icyo gihe, umuzabibu w'ikinyoma wasukaga ubudatuza umujinya wawo ku Mana nzima wica abatoranyijwe, nk'uko umukurambere wabo Kayini yari yarabigenje, wari wishe Abeli.

Itorero ry'ukuri rikomeza kugergeza kugarura Itorero rya mbere ngo ryihane. Iryo rirabyanga. Ryiyongeraga mu mibare kandi rikarushaho kugira ijambo. Ryiyemeza ubukangurambaga buhoraho, rigamije gutesha agaciyo imbuto y'ukuri. Bavugaga ko ari bo bonyine bari bahagarariye Umwami Yesu Kristo b'ukuri, bashyira imbere ikintu cy'uko ari bo bari Itorero rya mbere ry'i Roma, ko ari bo bonyine bari Itorero rya Mbere. Mu by'ukuri bari Itorero rya Mbere, KANDI NA N'UBU BARACYARI RYO.

Maze, mu gihe k'icyo gisekuru cya gatatu k'itorero, tugira amatorero abiri atwaye izina rimwe, ariko hari hari itandukaniro rinini hagati yayo. Rimwe ryateye umugongo ukuri, ryifatanya n'ibigirwamana baba umwe, kandi nta bugingo buri muri ryo. Ryivanze n'indi mbuto, kandi ibyo ni ibimenyetso by'urupfu (si iby'ubuzima) bigaragaza imipfire yaryo. Rifite imbaraga ku bw'umubare munini w'abayoboke baryo. Rishyigikiwe n'isi. Irindi ni itsinda rito, riratotezwa. Ariko rigakurikira Ijambo, kandi ibimenyetso bikagendana na ryo. Abarwayi bagakira n'abapfuye bakazuka. Ririho rifite ubuzima rikomora ku Buggingo no ku Ijambo ry'Imana. Ntirkunda ubuzima bwaryo bwite, ahubwo rikomeza kwizirika ku Izina Rye no ku kwizerwa Kwe kugeza ku gupfa.

Ku bw'ibyo, itotezwa riteye ubwoba ryakozwe na Roma ku mugaragaro ryibasira abizera nyakuri kugeza aho Constantin ahagurikiye agatanga umudendezo wo gusenga kw'amadini. Biragaragara ko impamvu ebyiri zaba ari yo ntandaro y'itangwa ry'uwo mudendezoyo. Mbere na mbere, abami b'umutima mwiza benshi ntibari barigeze gutanga uburenganzira bwo gutoteza abera, ariko igihe bari batakiriho, bakurikiwe n'abandi bicaga Abakristu.

Rwose ntibyumvikanaga uburyo igitekerezo cy'ubutegetsi bwari buriho cyasoza kemeye ko byari ngomwa kureka abakristu bakibera mu mutuzo. Impamvu ya kabiri, kandi ikaba igaragara cyane kurusha iyo, ni uko Constantin yagendaga asatira urugamba rukomeye cyane rwo kwigarurira ubwami. Ijoro rimwe, ari mu nzozi, abona haje imbere ye umusaraba wera. Kuri we ibyo byari ikimenyetso gica amarenga ko yajyaga kuzatsinda urwo rugamba niba Abakristu basenze kugira ngo abone inzinzi. Abasezeranya umudendezo igehe yajyaga kwegukana insinzi. Aratsinda, maze umudendezo wo gusenga kw'amadini uratangwa hakoreshejwe itegeko teka ry'i Nantes muri 312 mu gihe cyacu.

Ariko uko kubohorwa ugutotezwa no kwicwa ntikwakorwaga na none mu mugambi wo kugira neza nk'uko kwari kuriho mbere. Ku bw'ibyo, Constantin yagaragaraga nk'umuntu urinze umutekano wabo. Muri uwo mwanya yari arimo nk'umuntu ubakingiye ikibaba, inyungu ye yasaga n'iruta iy'umuntu uraho urebera gusa, yari yafashe ikemezo cy'uko Itorero rikeneye ko arifasha mu bikorwa byaryo. Yari yabonye ko hari hariho ukutumvikana ku ngingo nyinshi, imwe muri zo yari inyigisho ya Arius, umwepisikopi wo muri Alegizandiriya, wigishaga abigishwa be ko mu by'ukuri Yesu atari Imana, ahubwo ko yari ikiremwa kiri munsi yayo kubera ko cyaremwe n'Imana. Itorero ry'Iburengerezuba ryo ryari rihamaze ku gitekerezo gihabanye cyane n'icyo, bizeraga ko Yesu yari ishusho ya kamere y'Imana. Kandi, nk'uko ryavugaga "agafatwa kimwe na Se." Imbere y'ibibazo nk'ibyo, n'imbere yo gutangiza imihango yo kuramya ya gipagani mu rusengero, umwami w'abami atumiza Inama Nkuru y'i Nicee muri 325, afite umugambi wo guhuriza hamwe amatsinda yose kugira ngo babashe kuvuga rumwe ku bibatandukanya, babone ingingo bumvikanyeho maze bunge ubumwe. Ese ntibigaragara ko, nubwo icyo kintu k'ihuriro cyatangiye ku ngoma ya Constantin, kitigeze gipfa, ahubwo kiracyariho n'uyu munsi mu Nama mpuzamatorero?" Ndetsese niba Constantin atarabashije kugera burundu kuri ubwo bumwe, impuzamatorero, yo, izabigeraho mu gihe cyacu.

Nyamara, uko kwivanga kwa Leta mu bikorwa by'itorero kunyuranye n'ukuri kuzima, kubera ko isi idasobanukiwe n'ukuri kuri mu Ijambo, cyangwa inzira z'itorero. Mutekereze rero: umwanzuro ubwawo w'Inama wavugaga ko Arius ari mu makosa, akurwaho n'umwami w'abami mu myaka ibiri yakurikiyeho, maze iyo nyigisho y'ikinyoma ikagirwa itegeko ku bantu mu gihe k'imyaka myinshi.

Nyamara, Umwami yari azi uhoreye mbere ko Itorero na Leta byari bigiye kuba ubumwe. Izina Perugamo ubwaryo risobanura: "ababaye umwe burundu." Kandi Itorero na Leta byari byarabaye umwe burundu; politiki n'idini byari byarabaye umwe. Abana babyawe n'ubwo bumwe ntibigeze babura na rimwe kuba ibibyarwa biteye ubwoba bikomoka ku mbuto ivanze isi itigeze kugira. Nta kuri kwigeze kuba muri

bo, ahubwo inzira zose mbi za Kayini (ikibyarwa cya mbere gikomotse ku yindi mbuto) ni mo ziri .

Ni muri icyo gisekuru Leta n'itorero babaye umwe kandi si ibyo gusa, ahubwo n'idini y'imyizerere yakomotse i Babuloni yifatanya ku mugaragaro n'itorero rya Mbere. Kuva ubwo Satani yari afite inzira zo kugera ku Izina rya Kristo kandi, mu muhango wo kuramya, yicaraga ku ntebe y'ubwami nkaho ari Imana. Ku bw'impashanyo zatangwaga n'ubwami, Amatorero ahabwa inyubako nziza z'ibitangaza zirimbishiwe ibicaniro birimbishiwe amabuye ya marijani yera n'amashusho y'abatagatifu bapfuye. Ndetse ni muri icyo gisekuru inyamaswa ivugwa mu Byahishuwe 13:3, yari yarakomerekejwe uruguma rwica (Ubwami bwa Roma ya gipagani), bwongeye kugarura ubuzima bukabaho bukagira n'imbaraga nka "Ubwami bwa Roma Ntagatifu." Roma, nk'ishyanga, yari yaragize ibihombo bikomeye cyane ndetse yari igiye gukurwaho; ariko ibyo ntibyari bigifite agaciyo noneho, kuko, ikoresheje ubwami bwayo bwa kidini, ntiyajyaga kureka kwigarurura isi, ikayobora ihereye imbere muri yo itaretse no kugaragara hanze yayo.

Ngiye kuberekwa ukuri nyirizina kw'ibyo bintu nifashishije Ibyanditswe, kuko ntashaka ko hagira umuntu wabasha gutekereza ko naba nizaniye uguhishurirwa kwange bwite, uguhishurirwa kwaba kutari mu Byanditswe.

Daniyeli 2:31-45:

"Nuko nyagasani, wabonye igishushanyo kinini kandi icyo gishushanyo cyari kinini cyane, kirabagirana cyane. Cyari kiguhagaze imbere, kandi ishusho yacyo ikaba yari iteye ubwoba.

Nuko icyo gishushanyo umutwe wacyo wari izahabu nziza, kandi igituza cyacyo n'amaboko yacyo byari ifeza, inda n'ibibero byacyo byari imiringa, amaguru yacyo yari ibyuma, n'ibirenge byacyo byari igice k'ibyuma n'ik'ibumba.

Urabyitegereza ugeza aho ibuye ryaziye ritarimbuwe n'intoki, ryikubita ku birenge by'icyo gishushanyo k'ibyuma n'ibumba, rirabimenagura. Nuko icyuma n'ibumba n'umuringa, n'ifeza n'izahabu bihera ko bimenagurikira rimwe,bihinduka nk'umurama w'aho bahurira mu ki, bitumurwa n'umuyaga ntibayagira ishyikizo, maze iryo buye ryakubise igishushanyo rihinduka umusozi munini, rirangiza isi yose."

"Nuko izo ni zo nzozi, kandi turasobanura impamvu zazo aha imbere y'umwami.

Nuko wowe nyagasani, uri umwami w'abami. Imana yo mu ijuru yaguhaye ubwami n'ubushobozi n'imbaraga n'icyubahiro.

Yaguhaye n'inyamaswa zo mu gasozi n'ibisiga byo mu kirere by'aho abantu baba hose, ibishyira mu kuboko kwawe ngo ubitegeke byose. Nuko nyagasani, wa mutwe w'izahabu ni wowe.

Kandi uzakurikirwa n'ubundi bwami budahwanije n'ubwawe gukomera, kandi hazaba ubundi bwami bwa gatatu bw'imiringa butegeke isi yose.

Ariko ubwami bwa kane buzakomera nk'icyuma, kuko ibyuma ari byo bimenagura ibintu byose bikabijanjagura, kandi nk'uko ibyuma bimenagura ibantu byose, ni ko ubwo bwami buzamenagura bukajanjangura butyo.

Kandi nk'uko wabonye ibirenge n'amano ari igice k'ibumba ry'umubumbyi n'igice k'ibyuma, ni ko ubwo bwami buzigabanyamo, ariko muri bwo hazaba gukomera nk'ibyuma nk'uko wabonye ibyuma bivanzwemo ibumba.

Kandi nk'uko amano yari igice k'ibyuma n'igice k'ibumba, ni ko ubwo bwami buzamera:

Igice cyabwo kimwe kizaba gikomeye, ikindi kidakomeye. Kandi nk'uko wabonye ibyuma bivanzwemo ibumba, ni ko bazivanga n'urubyaro rw'abantu, ariko ntibazafatana nk'uko ibyuma bitavanga n'ibumba.

Nuko ku ngoma z'Abo bami, Imana yo mu ijuru izimika ubundi bwami butazarimbuka iteka ryose, kandi ubutware bwabwo ntibuzazungurwa n'irindi shyanga, ahubwo buzamenagura ubwo bwami bwose bukabutsembaho kandi buzahoraho iteka ryose.

Uko wabonye ibuye ryavuye ku musozi ritarimbuwe n'intoki, rikamenagura ibyuma n'imiringa n'ibumba n'ifeza n'izahabu, ni uko Imana ikomeye yahishuriye umwami ibizaba mu bihe bizaza. Kandi izo nzozi ni iz'ukuri, no gusobanurwa kwazo ntighinjurwa."

Hano turabona ibyavuzwe ku byerekeye ibizaba mu bihe bizaza, ikintu ku kindi, mbere yo gusohora kwabyo: Byarahauwe ko bizabaho uhoreye mu gihe cya Daniyeli kugeza igihe Yesu azazira kwima ingoma nk'Umwana wa Dawidi. Icyo gihe kitwa: "Igihe cy'abanyamahanga." Kigabanyijemo ibihe bine by'amateka bihwanye n'ubwami bwagiye bukomera kurusha ubundi muri buri kimwe muri ibyo bice: igihe

cy'ubwami bwa Babuloni, icy'Abamedi- n'Abaperesi, cy'Abagiriki n'icy'Abaroma.

Ubwami bwari bukomeye kurusha ubundi kandi bwari bufite ijambo ritavuguruzwa bwari ubwa Babuloni, bugaragazwa n'umutwe w'izahabu. Ku mwanya wa kabiri, ku byerekeye icyubahiro n'ikuzo, hazaga ubw'Abamedi n'Abaperesi, bwari bufite icyubahiro n'ikuzo biri munsi y'icya mbere, nk'uko amateka abyerekana, kandi bwagaragazwaga n'igituza n'amaboko bikozwe mu ifeza. Hanyuma, hagakurikiraho igihe cy'Abagiriki, umwami wabwo yari umugaba w'ingabo akaba umurwanyi kabuhariwe isi itigeze na rimwe igira; ku bw'ibyo, bwagereranywaga rwose mu ishusho y'inda n'ibibero bikoze mu muringa. Bwari bufite icyubahiro n'ikuzo biri munsi y'ubwo bubiri bwa mbere. Hanyuma hakaza ubwami bwa nyuma, Ubwami bw'Abaroma, bushushanywa n'amaguru n'ibirenge. Ariko, mu gihe ubwami bwabanjirije ubwo mbere bwashushanywaga hakoreshejwe amabuye y'agaciro atavangiye (zahabu itavangiye, ifeza itavangiye n'umuringa utavangiye), ubu bwami bwa nyuma bwari bufite gusa amaguru akozwe mu cyuma kitavangiye, kuko ibirenge byari bikozwe n'imvange y'icyuma n'ibumba, mu gihe icyuma n'itaka bidashobora guhura ngo bihinduke ikintu kimwe maze ngo bigire ubudahangarwa no gukomera. Kandi nta bwo ari ibyo gusa: igitangaje kurushaho, ni uko ubwami bwa nyuma (Ubwami bw'Abaroma) bwari bugiye kumara igihe kirekire - bukozwe n'iyo "mvange" iteye amatsiko—kugeza Yesu agarutse.

Ubwo bwami bw'Abaroma bw'icyuma (icyuma gisobanura gukomera n'imbaraga zikomeye zo kurimbura umwanzi) bwari bugiye kuzaba bugizwen'ibice bibiri by'ingenzi, ni ko byagenze, kuko ubwami bwigabanya uko bwakabaymo kabiri: Ubwami bw'iburasirazuba, n'Ubwami bw'iburengerezuba. Bwombi bwari bukomeye cyane kandi bwamenaguraga ikintu cyose imbere yabwo.

Ariko, Kubera ko icyubahiro no gukomera by'ubwami bwose bisoza bizimye, ubwo bwami bukomeza inzira, na bwo, bugana ku gusenyuka kwabwo. Ku bw'ibyo Roma iragwa. Roma y'ubwami ya gipagani ntiyari ikiri ikozwe muringa. Yari irimo guhirima. Yari yarakomeretse uruguma rwica. Icyo gihe, Roma ntiyari igishoboye gutegeka ngo iganze. Byose byari byararangiye. Aho, ni cyo isi yatekerezaga. Ariko rwose yaribeshyaga, kuko uwo mutwe (Roma), nubwo wari wakomeretse, ntiwari wakomeretse byo gupfa (Ibyahishuwe 13.3, dushingiye ku nsobanuro y'icyongereza ya Wuest: "umwe mu mitwe yayo wasaga n'uwalomerekejwe uruguma rwica, umuhogo wakaswemo kabiri, ariko urwo ruguma rwica rurakira. Ku bw'ibyo, isi yose yuzura gutangara, ijya inyuma y'iyo Nyamaswa.")

abantu baha agaciro Roma. Baha agaciro ighugu cy'Ubataliyani. Kandi muri ibyo, ntibabona ko Roma, ifite imipaka yayo nta kuka, aho papa afite agahugu ke bwite ayobora, mu by'ukuri ni ighugu mu kindi gihugu, gifite abagihagarariye mu bindi bihugu kandi na cyo cyakira abahagarariye ibihugu. ROMA Y'UBUPAPA, Y'UBUKRISTU BW'IKINYOMA (ndetse bayita umurwa uhoro—mbega gutuka Imana!), UBU IYOBORA KU BW'IDINI RIKOMEYE KURUSHA IGIHE CYA ROMA Y'UBWAMI YA GIBAPAGANI YAYOBORAGA GUSA KU BW' IMBARAGA Z'ICYUMA KITAVANGIYE.

Roma yahawe akuka k'ubuzima bwo kubaho igihe Constantin yahuje Itorero na Leta bikaba umwe, kandi yashyigikiye ubwo bumwe akoresheje imbaraga. Umwuka wakoreshaga Roma ya gipagani ni na wo ukoresha ubu Roma y'ubukristu bw'ikinyoma. Murabona ko ari uko bimeze, kuko ubu muzi ko ubwami bwa kane butigeze na rimwe bureka kubaho; bwahinduye gusa ishusho y'inyuma.

Igihe Inama nkuru y'i Nicee yari yahaye Itorero imbaraga za politiki ya Roma, Itorero rya Mbere rya gikristo ryasaga niryiteguye kwakira ikintu icyo ari cyo cyose. Izina ry'ubukristu, ari ryo, mbere, ryatumaga utotezwa, ryari ryarahindutse noneho izina ry'abatotezaga abera. Ni muri icyo gisekuru Augustin w'i Hippone (354-430) ashyiraho ihame rivuga ko Itorero ryakagombye, kandi RIGOMBA byanzé bikunze, niba bibaye ngomwa, gukoresha imbaraga kugira ngo rigarure abana baryo mu rugo iwabo, kandi ko Ijambo ry'Imana ritanga uburenganzira bwo kwica abafite izindi nyigisho z'ubuyobe n'abaryigometseho. Mu mpaka zamuhanganishaga n'abizeraga inyigisho za Donati, arandika... "Mu by'ukuri, byakabaymo byiza kuyobora abantu ku kuramya Imana ukoresheje inyigisho kuruta kubibahatira ku mbaraga ku bwo gutinya igihano cyangwa kubabazwa." Ntibikwiriye kubifataho umwanzuro ko, kubera ko iya mbere muri izo nzira zombi uko ari ebyiri ikomokamo abantu beza kurushaho, ushobora kudaha agaciro abatayikurikiza. Ku bw'ibyo, abensi ni ababonye inyungu (nk'uko ibyabayeho bibitwereka kandi bibitugaragariza buri munsi) yo kuba barabanje gusunikwa n'ubwoba cyangwa n'imbabaro, kugira ngo nyuma babashe gukururwa n'inyigisho, kugira ngo bashyire mu bikorwa ku bw'ibikorwa byabo ibyo bamaze kumva mu magambo..., Niba abayobowe mu nzira itunganye ku bw'urukundo ari beza kurusha abandi, abakosowe bakagarurwa ku bw'ubwoba nta gushidikanya ni bo benshi kurushaho. Kuko, ni nde wabasha kudukunda kurusha Kristo, watanze ubugingo Bwe ku bw'intama?

Kandi nyamara, nyuma yo guhamagara Petero n'izindi ntumwa akoresheje amagambo Ye yonyine, igihe aje aho agahamagara Pawulo, gusa atari ukumwitambika imbere akoresheje ijwi Rye, ahubwo Anamukubita hasi Akoresheje imbaraga Ye; kandi, kugira ngo ahatire uwarindagiraga yiyanuza mu mwijima wo kurwanya ukwizera kugira ngo yifuze umucyo wo mu mutima, Atangira kumutera ubuhumyi bwo kutabonesha amaso y'umubiri. Kubera iki Itorero ryo rero ritakoresha imbaraga kugira ngo rihatire abana baryo bazimiye kugaruka? Umwami ubwe yaravuze ati: "Genda mu mayira yose no mu mihora y'inzipiro, abo ubona ubahatre kwinjira,' niba rero imbaraga Itorero ryahawwe hashingiwe ku itegeko

ry'Imana mu gihe gikwiye, ku bw'imiterere ya kidini n'ukwizera kw'abami, niba iyo mbaraga ari igikoresho gikoreshwa ku bari ma mayira no mu mihora y'inzitiro—ni ukuvuga mu buyobe n'amacakubiri yo kwicamo ibice-bahatirwa kwinjira, abo ngabo rero bihanganira gushyirwaho imbaraga z'agahato.

Inyota yo kumena amaraso yarushagaho gufata intera. Umuzabibu w'ikinyoma muri Espagne wasunikiraga umwami Maxime mu kugira uruhare mu bitero byagabwaga ku bizera nyakuri bari bafite Ijambo, ibimenyetso n'imirimo ikomeye. Uko ni ko abizera bitirirwaga Purisikira bamwe bajyanywe i Treves n'umwepisikopi Ithaque (mu mwaka wa 385). Abarega ubupfumu n'imyitwarire ihabanye n'umuco, kandi abensi muri bo baricwa. Martin w'i Toursna Ambroise w'i Milan bahagurukira kurwanya uko kurenganywa, kandi basaba bingga kuguagarika ariko biba iby'ubusa. Ako karengane karakomeza, abo bepisikopi bombi banga gukomeza kugirana ubumwe bw'ubusabane n'umwepisikopi Hydate n'abandi bameze nka we. Igitangaje ni uko, Inama nkuru y'itorero y'I Treves yemeje gukomeza ubwicanyi.

Kuva icyo gihe, kandi by'umwihariko mu gihe k'igisekuru cy'umwijima, tuzabona abana b'abanyamubiri batoteza kandi bakarimbura abana babyawe n'Umwuka, nubwo bose biyita bene umugabo umwe. Nk'uko byari bimeze kuri Ishimayeli na Isaka. Umwijima w'ubuhenebere wo kononekara mu buryo bw'umwuka uzagenda ucra utwikire, kandi umucyo nyakuri w'Imana uzagenda ugabanuka kugeza aho uzaba utakiriho burundu-ku byerekeye umubare- hazasigara gusa agacyo gake cyane. Nyamara, iryo sezerano ry'Imana rizahora igihe cyose ari iry'ukuri: "Umucyo uvira mu mwijima, kandi umwijima ntubasha kubiwuba."

Nyamara, sindatangira ingingo y'amateka nari nasezeranyije kuvugaho: uruvange rw'idini rya Nimurodi n'idini rya gikristu. Muribuka ko Attale yari yahunze akava i Babiloni akajya i Perugamo kandi yari yashinze ubwami bwe kure y'aho ubwami bwa Roma bwageraga. Uko ibihe byahitaga, ubwo bwami burakomera, bubifashijwemo n'imana y'iyi si. Abami bensi - bari n'abakuru bahagarariye idini basimbura ku ngoma Attale, kugeza ku ngoma y'umwami Attale wa III, ari we, ku bw'impamvu Imana yonyine yigenga izi, wegurira ubwami bwe Roma, Jules Cesar icyo gihe afata ubwo bwami abugira umutungo we mu buryo bw'umwuka n'ighugu ubwacyo, kuko ahinduka umuyobozi w'ikirenga w'idini akaba umutwe w'idini ryakomotse i Babuloni "pontifex maximus", ibyo byamugiraga umwami-akaba n'umukuru w'idini. Iryo zina ry'icyubahiro rikagenda rihabwa abami bagiye bakurikiraho kugeza ku ngoma y'umwami Maxime III, Akaba ari we ubyanga. Dushingiye ku bivugwa n' umunyamateka Etienne, icyo gihe ni bwo papa yongera agafata ubutware bw'ikirenga ari bwo umwami yari yanze, kandi ku bw' ibyo uyu munsi haracyariho umuyobozi w'ikirenga w'idini mu isi akaba ari we mutwe wa ryo, kandi ni we "pontifex maximus" nyirizina. Afite amakamba atatu kandi atuye i Roma. Kandi mu Byahishuwe 17, Imana ntiyongera kuvuga na rimwe Perugamo yuko ari intebi ya Satani, kandi ntinavuga na rimwe ko aho ariho Satani atuye. Oya, icyumba k'intebi y'ubwami ntikikiri i Perugamo, ahubwo muri Babuloni y'UBWIRU. Nta bwo iri i Babuloni, ahubwo iri muri Babuloni y'UBWIRU. Iri mu murwa wubatse ku misozi irindwi. Umutware w'uwo murwa ni antikristo, kandi yishyize mu mwanya wa Kristo, ari We muhuza wenyine rukumbi kandi akaba umwe wenyine rukumbi ubasha kubabarira ibyaha. Yego, umuyobozi w'ikirenga w'idini ku isi akaba n'umutwe waryo "pontifex maximus" ari muri twe uyu munsi.

INYIGISHO Y'ABANIKOLAYITI

Ibyahishuwe 2.15:

"Nawe niko umeze, ufite abakomeza inyigisho z'Abanikolayiti nka bo, ari byo nanga"

Muribuka ko nasobanuye, mu gisekuru cya Efeso ko Ijambo Nikolayiti, riva ku magambo abiri y'ikigiriki: Nikao risobanura: "kwigarurira", naho Lao, rigasobanura: "abizera". Ubunikolayiti bishaka kuvuga: "ukwigarurira abizera" Nyamara, kubera iki se ari ikintu giteye ubwoba cyane? Biteye ubwoba kubera ko Imana itigeze na rimwe ishyira Itorero ryayo mu biganza by'abayobozi batowe bafite ibitekerezo bya Politiki. Imana yashinze Itorero ryayo abantu yishyiriye, buzuye Umwuka, bagendera mu Ijambo bayobora abantu babagaburira Ijambo. Imana ntiyigeze ishyira abantu mu nzego zitandukanye ku buryo imbagi y'abantu iyoborwa n'ubuyobozi bukuru bw'itorero bwera. Ni iby'ukuri ko abayobora bagomba kuba ari abera, ariko ibyo bigomba kuba na none ari ko bimeze ku iteraniro ryose. Ikindi kandi, nta hantu na hamwe Ijambo rigaragaza ko abakuru b'itorero, abakozi b'Imana bayobora umuhango wo gusenga, cyangwa abandi, ko bakora umurimo wo guhuza Imana n'abantu, nta nubwo rinerekana ko batandukana muri gahunda yo gusenga Umwami. Imana ishaka ko bose bayikunda kandi bakayikorera bari hamwe. Ubunikolayiti bukuraho ayo mategeko butandukanya abakozi b'Imana bayobora gahunda yo gusenga n'abantu, kandi bagaha umwanya wo kuba abatware mu kimbo cyo kuba abagaragu.

Mu by'ukuri iyi nyigisho yari yatangiye mu gisekuru cya mbere nk'imirimo. Biragaragara ko ikibazo cyaturutse ku magambo abiri: "abakuru" (abayobozi b'itorero) "n'abarinzi b'umukumbi" (Abepisikopi). Nubwo ibyanditswe byerekana ko muri buri torero habamo abakuru bensi, bamwe batangira (barimo uwitwa Ignace) kwigisha ko umurimo w'umwepisikopi ari ukugira ubutware, ni ukuvuga kugira ubutware buri hejuru y'abizera, ni ukuvuga ubutware no kugira itegeko ku bakuru.

Nyamara, mu by'ukuri ijambo "Umukuru" risobanura icyo umuntu ari cyo mu gihe ijambo

"umwepisikopi" risobanura umurimo w'uwo muntu. Umukuru, ni umuntu. Umwepiskopi, ni umurimo w'uwo muntu. "Umukuru" igahe cyose ryagaragaje kandi igahe cyose rizagaragaza ikigero cy'ubukure umuntu afite mu Mwami. Uwo muntu aba ari umukuru, bidatewe nuko yatowe, yashyizweho, n'ibindi, ahubwo kubera ko ari umuntu UMAZE IGIHE KIREKIRE KURUSHA ABANDI. Aba afite ubunrararibonye kurusha abandi, wigishijwe neza, nta bwo ari umwizera ukiri mushya; ashirwaho ku bw'ikizere afitiwe kubera ubunrararibonye bwe n'ubunrararibonye afite mu bukristo bushingiye ku gihe amaze.

Ariko si ko biri, aba Bepisikopi ntibigeze bashingira ku nzandiko za Pawulo ahubwo bashingiye ku nkuru Pawulo avuga yerekeye igahe yari yatumiye abakuru bo muri Efeso i Miletu mu Byakozwe n'intumwa 20. Ku murongo wa 17, iyo nkuru ivuga ko yari yohereje abantu gushaka "abakuru," hanyuma, ku murongo wa 28 bitwa "abarinzi b'umukumbi" (Abepisikopi). Kandi abo bepisikopi (nta gushidikanya bari bafite ibitekerezo biganisha kuri Politiki kandi bafite inyota y'ubutegetsi) bahamyaga bashize amangako Pawulo yari yashatse kuvuga ko abarinzi b'umukumbi babaga bari hejuru y'umukuru wo mu itorero ry'akarere. Ububasha bwe yabaga afite bwabaga bugarukira ku itorero rye bwite gusa. Kuri bo noneho umwepisikopi yari umuntu ububasha bwe bwagendaga bukagera ku bayobozi benshi bashinzwe iby'Umwuka bo mu itorero ry'akarere. Icyo gitekerezo nta shingiro cyari gifite haba muri Bibiliya, haba no mu mateka, kandi nyamara umuntu w'umukiranutsi nka Polycarpe wasangaga abogamiye kuri icyo kintu k'idini.

Bityo, icyari cyaratangiye nk'imirimo mu gisekuru cya mbere cyahindutse inyigisho yeruye, kandi yakomeje kuba yo kugeza n'uyu munsi. Abepisikopi baba bifusa kugira ububasha bwo kugenzura abantu no kubahindura icyo bashaka, babashyira aho bashaka ku bw'umurimo w'ubukozi bwabo. Ibyo ni uguhakana ubuyobozi bw'Umwuka Wera wavuze ati: "Mundobanurile Pawulo na Barinaba kugira ngo bankorere umurimo nabahamagariye gukora." Ni ibantu birwanya Ijambo ndetse ni antikristo.

Matayo 20.25-28:

"Yesu arabahamagara arababwira ati: "Muzi yuko abami b'abanyamahanga babatwaza igitugu, n'abakomeye babo bahawe kubategeka."

Ariko muri mwe si ko biri, ahubwo ushaka kuba mukuru muri mwe age aba umugaragu wanyu, kandi ushaka kuba uw'imbere muri mwe, age aba imbata yanyu, nk'uko Umwana w'umuntu ataje gukorerwa, ahubwo yaje gukorera abandi no gutangira ubugingo bwe kuba inshungu ya benshi."

Matayo 23:8-9:

"Ariko mwebweho ntimuzitwe Rabi, kuko umwigisha wanyu ari umwe, namwe mwese muri abavandimwe.

Kandi ntimukagire umuntu wo mu isi mwita Data, kuko So ari umwe, ari uwo mu ijuru."

Kugira ngo na none ngaragaze ibi neza, ngiye gusobanura ubunikolayiti ku buryo bukurikira.

Muribuka ko mu Byahishuwe 13:3 haravuga hati:

"Nuko mbona umwe mu mitwe yayo usa n'ukomeretse uruguma rwica, ariko urwo ruguma rwayishe rurakira, abari mu isi bose bakurikira iyo nyamaswa bayitangarira."

Ubu tuzi ko umutwe wari wakomerekejwe uruguma bwari ubwami bwa Roma ya gipagani, iyo mbaraga ikomeye mu bya politiki y'isi. Uwo mutwe wongeye kweguka urakomera nka "Ubwami bwa Gaturika y'i Roma mu buryo bw'umwuka." Noneho nimwitegerez ibi rwose mwitonze. Mu bikorwa bya Roma y'ubupagani mu bya politiki, ni iki cyari ishingiro ryo gukomera kwayo no kuganza? "Yacagamo abantu ibice kugira ngo igere ku nsinzi yayo. Iyo ni yo yari imbuto yabibwaga na Roma: gucamo abantu ibice kugira ngo yegukane insinzi. Yajyaga gushwanyaguza kandi ikamenaguza amenyo yayo y'ibyuma. Abo yari yarashwanyaguje kandi ikabamenagura ntibongeraga kubyuka, nk'uko bigenda kuri Carthage yari yarashenye kandi ikayitsembaho burundi. Iyo mbuto ya kamere y'icyuma yagumye muri yo igihe yongeye ikubura umutwe igakomera nk'itorero ry'ikinyoma, kandi umurongo w'amahame wayo igenderaho wakomeje kuba amwe -gucamo abantu ibice kugira ngo igere ku nsinzi. Ubwo ni bwo bunikolayiti kandi Imana ibwanga urunuka.

Nyamara, ni ikintu cy'amateka kizwi neza ko igihe iri kosa ryinjiye mu Itorero, abantu batangije kurwanira kugera ku mwanya w'ubwepisikopi, ari byo biba intandaro yo guha uwo mwanya w'umwepisikopi, abantu bize cyane kurusha abandi, ababaga bafite ubutunzi bw'ibantu kurusha abandi, kandi babaga ari abantu bafite intumbero y'igitekerezo cya politiki. Ubumenyi bwa gihanga n'imishinga bya kimuntu byatangiye gufata umwanya w'ubwenge buturuka ku Mana, kandi Umwuka Wera si We wari ukiyobora. Icyo kiba mu by'ukuri ikintu kibi ku buryo buteye ubwoba, kuko Abepisikopi batangira gushyigikira ko bitari bigikewe ko habaho umukristu w'inyangamugayo kugira ngo yigishe Ijambo cyangwa ngo akore inshingano y'umirimo mu itorero, kuko icyari gifite agaciro ni ibikoresho bakoreshaga n'uko umuhango wayoborwaga. Ibi biha urwaho abantu babi (abariganya bayobia) uburyo bwo gucamo ibice

umukumbi.

Nyuma yo gushyiraho iyo nyigisho y'abantu, yo kuzamura abepisikopi bakabashyira mu mu mwanya batahawe n'Ibyanditswe, igice cyakurikiyeo cyabaye icyo gutanga imyanya y'ibyahiro bakurikije inzego ibyo bihinduka inzego z'idini. Ku bw'ibyo bidatinze habaho abarikipisikopi bari hejuru y'abepisikopi, abakardinari bari hejuru y'abarikipisikopi, kandi, guhera igihe cya Bonifasi III, hejuru y'abandi bose hari hari umupapa, umukuru w'itorere w'ikirenga akaba n'umutwe wa ryo (pontife).

Iyo nyigisho y'Abanikolayiti hamwe n'uko kwihuza k'ubukristu n'imyizerere yaturutse i Babuloni, bituma ibyo Ezechieli yari yabonye muri Ezechieli 8:10 bisohora, ahavuga hati:

"Nuko ndinjira, maze ndebye mbona amoko yose y'ibyikurura hasi n'inymaswa zishishana, n'ibigirwamana byose by'inzu ya Isirayeli, bishushanyijwe ku rusika impande zose"

Ibyahishuwe 18.2:

"Arangurura ijwi rirenga ati: « Iraguye iraguye Babuloni ikomeye! Ihindutse icumbi ry'abadayimoni, aharindirwa imyuka mibi yose n'ibisiga byose bihumanye kandi byangwa. Kuko amahanga yose yanyoye inzoga ari zo riba ry'ubusambanyi bw'uwo mudugudu, kandi abami bo mu isi basambanaga na wo. »

Nyamara, iyo nyigisho y'Abanikolayiti, ubwo butware bw'inzego z'ubukuru bwari bwarashiyizwe mu itorero ntibwari bwarakiriwe neza n'umubare mwinshi w'abantu, kuko abo bashoboraga gusoma inzandiko nke z'Ibyanditwe, cyangwa ibyanditswe bike ku Ijambo ryanditswe n'umuntu wera. Ni iki rero itorero rikora? Rishyira hanze y'itorero abigisha b'in Yangamugayo rikabaca, rikanatwika imizingo y'ibitabo. Bakavuga bati: "Ni ngombwa ko uba ufile ubumenyi budasanze kugira ngo ubashe gusoma no gusobanukirwa Ijambo. Petero ubwe ntiyavugaga ko ibintu byinshi Pawulo yari yaranditse byari bigoye kubisobanukirwa?" Kubera ko bari barakuye Ijambo muri rubanda, bidateye kabiri ibi bituma bumva gusa icyo umukuru w'idini yabaga afite kuvuga, no gukora icyo yabaga akubwiye gukora. Ibyo babyitaga Imana n'ijambo ryayo ryera. Bigarurira ibitekerezo n'ubugingo by'abantu kandi babahindura imbata z'ubuyobozi bw'igitugu bw'abakuru b'idini.

None, niba mushaka igihama ko Kiliziya gatorika itegeka kugira imibereho runaka n'ibitekerezo by'abantu, nimwumve itegeko teka rya Theodose wa X.

Itegeko teka rya mbere rya Theodose

Iryo tegeko teka ryatangajwe ku mugaragaro nyuma y'umubatizo we abatijwe n'Itorero rya mbere ry'i Roma. "Twebwe abami batatu turashaka ko abo tuyobora bayoboka ku buryo bushikamye imyizerere yigishijwe Abaroma na Mutagatifu Petero, ku buryo bwo kwizerwa yakomejwe ku bw'umuhango kandi ubu ikaba yizerwa n'umukuru w'itorero w'ikirenga akaba n'umutwe wavyo Damasi w'i Roma, n'umwepisikopi Petero w'Alegizandiriya, umugabo ufile ukwera nk'ukw'intumwa hashingiwe ku rufatiro rwashyizweho n'intumwa n'inyigisho y'ubutumwa bwiza. Twizere rero ubumana bwa Data, bw'Umwana n'ubw'Umwuka Wera, banganya icyubahiro mu butatu butagatifu; turategeka ko abayoboke b'uku kwizera bitwa abakristo Gatorika. Duhaye akato abayoboke bose badasobanutse b'andi madini afite izina ry'urukozasoni ry'ubuyobe, kandi tubujije uguteranira hamwe kwabo ngo biyite izina ry'Amatorero. Ikindi kandi ugucirwa imanza ko gukirauka kw'Imana, bagomba kwitegura ibihano biremereye ubutegetsi bwacu, buyobowe n'ubwenge buva mu Ijuru, buzabahanisha bushishoje..."

Amategeko cumi n'atanu mpana byaha yatangajwe mu myaka myinshi n'uwo mwami yambura uburenganzira bwose, bw'ivugabutumwa ry'amadini yabo, bakabakura mu mirimo yose ya Leta kandi bakabakangisha kubaca amande, gufatira ibyabo, baracibwa ndetse rimwe na rimwe bakicwa.

Muzi ibyaribyo? Ni byo bidutugirije uyu munsi.

Itorero gaturika ry'i Roma rivuga ko ari ryo nyina w'andi matorero. Rivuga ko ari ryo torero ryabanje, ari ryo rya mbere. Rwose ni ko biri neza neza. Ryari itorero rya mbere, ari ryo ry'umwimerere, ryasubiye inyuma kandi ryasaye mu cyaha. Ni ryo ryabaye irya mbere mu guhinduka idini. Usanga muri ryo imirimo, na none ukahasanga inyigisho y'abanikolayiti. Nta muntu n'umwe wahakana ko ari ryo nyina w'ayandi. Ni nyina ubyara ayandi, kandi yabyaye abakobwa. Nyamara, umukobwa yakomotse kuri nyina. Umugore wambaye umwenda w'umuhengeri w'umuhemba yicaye ku misozi irindwi y'i Roma. Ni maraya kandi yabyaye abakobwa. Abo bakobwa ni amatorero ya giporotesitanti yasohotse muri ryo, hanyuma agasubira mu ishyirahamwe ry'idini no mu bunikolayiti. Uwo nyina ubyara amatorero ari yo bakobwa yitwa maraya, ni ukuvuga umugore uca inyuma isezerano yagize ryo gushakana. Rashyingiwe Imana, nyuma y'aho ryarateshutse kugira ngo rikorane ubusambanyi na Satani, kandi muri ubwo busambanyi bwe, yabyaye abakobwa bameze nka we. Uko kwihuza kwa nyina n'abakobwa kurwanya Ijambo, kurwanya umwuka, kandi ku bw'ibyo bihinduka antikristo, Ni byo, ni ANTIKRISTO.

Mbere yuko dukomeza tukagera kure cyane, ndashaka kongegearaoho ko abo bepisikopi ba mbere bumvaga ko bari hejuru y'Ijambo. Babwiraga abantu ko bafite ubushobozibwo kubabarira ibyaha byabo igihe batuye ibyo byaha bakihana. Ibyo ntibyigeze na rimwe biba ukuri. Batangiye kubatiza abana b'impinja mu kinyejana cya kabiri. Mu bigaragara, umubatizo bakoraga wari uwo kubyarwa ubwa kabiri. Nta kintu na kimwe gitangaje cy'uko abantu baba bari mu rwijiji uyu munsi. Niba bari bari mu rwijiji icyo gihe, bikiri hafi y'umunsi wa Pantekote, uyu munsi bageze habi mu buhenebere butagifite ibyiringiro, mu gihe hafi imyaka 2000 ibatandukani n'ukuri kwa mbere k'umwimerere.

Yoo!Torero ry'Imana, hariho ibyiringiro bimwe gusa: Ni uko wagaruka ku Ijambo kandi ugakomeza ukaryizirikaho!

INYIGISHO YA BALAMU

Ibyahishuwe 2: 14,

"Ariko rero mfite bike nkugaya, ni uko iwanyu ufite abakomeza inyigisho za Balamu, wigishije Balaki gushyira igisitaza imbere y'Abisirayeli kugira ngo barye intonorano kandi basambane."

Ntibishoboka kugira gahunda y'imikorere isa, iyo nyigisho yindi na yo itinjiye. Murabona, iyo ukuyemo Ijambo ry'Imana, n'ugukora k'Umwuka Wera nk'uburyo bwo gusenga (ni ngombwa ko abansenga bansengera mu mwuka no mu kuri) bizasaba rero guha abantu ubundi buryo bwo gusenga busimbura ubwo, kandi ikivuze igisimbura kiba kivuze imigenzereze ya Balamu.

Kugira ngo dusobanukirwe inyigisho ya Balamu icyo ari cyo mu itorero ry'Isezerano Rishya, byatubera byiza dusubiye inyuma tukareba icyo yari cyo mu Itorero ryo mu isezerano rya Kera, tukabikoresha mu gisekuru cya gatatu, hanyuma no mu gisekuru cyacu.

Iyo nkuru ivugwa mu Kubara guhera mu gice cya 22 kugeza ku gice cya 25.Nyamara, tuzi ko Isirayeli yari ubwoko bwatoranjwe n'Imana. Bari abapantekote mu gihe cyabo. Bari barahungiye munsi y'amaraso, bose bari barabatirijwe mu nyanja Itukura kandi bari barasohotse mu mazi baririmba bari mu Mwuka banabyina mu mbaraga y'Umwuka, igihe Miriyamu umuhanuzikazi yacurangaga ishako. Rwose, nyuma yo gukora urugendo igihe gito, bamaze igihe bagenda, abo bana b'Isirayeli bageze i Mowabu. Muribuka Mowabu uwo yari we. Yari umuhungu wa Loti, yabyaranye n'umwe mu bakobwa be, kandi Loti ubwe Aburahamu yari amubereye se wabo, Isirayeli na Mowabu bari abavandimwe. Ndashaka ko ibyo mubisobanukirwa. Abamowabu bari bazi ukuri, Baba barukubayemo, cyangwa batarakubayemo.

Nuko Isiraheli igera ku mupaka w'igihugu cya Mowabu, kandi bohereza intumwa ku mwami kugira ngo bamubwire bat: "Turi abavandimwe. Nimutureke twinyurire mu gihugu cyanyu. Abantu bo muri twe cyangwa amatungo yacu, narisha cyangwa akanywa ikintu runaka, tuzabyishyura uko mubishaka. " Ariko umwami Baraki yari afite impungenge.Umutware w'ryo tsinda ry'abanikolayiti uko biri kose ntiyajyaga guha itorero, rifite ibimenyetso byaryo, imirimo ikomeye yaryo n'ukwigaragaza kunyuranye k'Umwuka Wera, mu maso yabo harabagiranishwaga n'ubwiza bw'Imana. Byari ukwishesha gukomeye: yashoboraga kuhatakariza bamwe mu b'itsinda rye. Nuko Baraki yanga kureka Isirayeli ngo inyureho. Mu bigaragara, ubwoba bamuteraga bwari bwinshi cyane, ku buryo yagiye kureba umuhanuzi w'umucanshuro witwaga Balamu, kugira ngo amubaze uko yamugira imbere y'Imana asabe Ishobora Byose kuvuma Isirayeli no kubahindura abanyantege nke.

Kandi Balamu, ku bw'inyota yo kugira uruhare mu bya politiki no guhinduka umuntu ukomeye, rwose yari yiteguye kubikora. Ariko kubera ko byamusabaga kwegera Imana no kugirana imishyikirano na Yo kugira ngo abone uko yavuma ubwo bwoko, kubera ko atashoboraga kubikora we ubwe, rero ajya gusaba Imana uburenganzira bwo kujujyayo. Rwose si abanikolayiti dufite uyu munsi? Bavuma abantu bose badashaka gukurikira inzira yabo.

Igihe Balamu yasabaga Imana uburenganzira bwo kujujyayo Imana irabumwima. Mbega agashyi yamukubise! Ariko Baraki arahatiriza, amusezeranya ibihembo n'ikuzo birushijeho gukomera. Nuko Balamu arongera atakambira Imana. None, igisubizo kimwe giturutse ku Mana, cyakagombye kuba cyaramuhagije. Ariko ibyo ntibyari bihagije kugira ngo bibuze kugenda Balamu. Igihe Imana ibonye ugutandukira kwe k'ubuyobe Iramubwira ngo nahaguruke maze agende. Balamu ahita yicara ku ndogobe ye aragenda. Yakagombye kuba yarasobanukiwe ko ibyo byari ubushake Imana gusa yemeye ko bubaho, kandi ko atajyaga kubasha kubavuma. Agomba gusubirayo inshuro makumyabiri kandi akagerageza inkubwe makumyabiri. Mbega ukuntu abantu b'uyu munsi basa na Balamu! Bizera Imana eshatu, babatizwa mu mazina atatu yimirimo y'Imana aho kubatizwa mu IZINA, kandi nyamara Imana yohereza Umwuka kuri bo nk'uko yawohereje kuri Balamu, kandi barikomereza, bibwira ko bari mu kuri neza neza, mu gihe mu by'ukuri ari abantu basizwe n'umwuka wa Balamu neza neza. Murabona, ni inyigisho ya Balamu. Uko biri kose, arakomeza akajyayo, akora gusa ibyo atekereje mu mutwe we. Kora ukurikije ubushake bwawe. Baravuga bat: "Rwose Imana yaduhaye umugisha, rero tugomba kuba dufite ukuri." Nzi ko Yabahaye umugisha. Ibyo simbihakana. Ariko ni inzira imwe y'idini nk'iya Balamu. Ni ukutita ku Ijambo ry'Imana. Ni

inyigisho y'ikinyoma.

Kandi Balamu akomeza kugenda ku ndogobe mu muhanda atarwiyambitse, kugeza aho marayika w'Imana amwitambika imbere akamuzibira inzira. Ariko uwo muhanuzi (umwepisikopi, umukaridinari, igisonga gikuru, umuyobozu mukuru wa komite, umushumba mukuru) yari impumyi cyane ku bintu by'umwuka, kubera igitekerezo k'icyubahiro, k'ikuzo n'icy'amafaraga ku buryo atabonye marayika wari uhagaze aho, abanguye inkota. Yari ahagaze aho kugira ngo ahagarike uwo muhanuzi utagira ubwenge. Iyo ndogobe iciye bugufi iramubona maze ishaka uburyo yaberereka, kugeza aho ishoje ikubise ikirenge cya Balamu ku mukingo w'ibuye. Indogobe irahagarara yanga gukomeza ngo igende. Ntiyari kubishobora.

Nuko Balamu aramanuka maze atangira kuyikubita. Icyo gihe indogobe itangira kuvugana na Balamu. Imana iha iyo ndogobe kuvuga mu ndimi. Iyo ndogobe nta bwo yari ikivange k'ikimanyi. Yari imbuto y'umwimerere. Ibwira umuhanuzi w'impumyi iti: "Sindi indogobe yawe, sinaguhetse ku buryo buzira umugayo?" Balamu arasubiza ati: "Yego, yego uri indogobe yange kandi wampetse ku buryo buzira umugayo kugeza ubu, ariko ubu, byakubera byiza wangeye ukagenda, niba atari ibyo ndakwica...yoo! Ni iki kibaho? Ndimo kuvugana n'indogobe? Mbega ukuntu ari ibantu bitumvikana; byambereye nkaho numvise indogobe ivugana nange, kandi nayisubizaga."

Igihe cyose Imana yavuze mu ndimi. Yaravuze mu birori by'umunsi mukuru bya Belushazari, na none Yavuze kuri Pantekote. Irabikora na none n'uyu munsi iracyabikora. Ni umuburo w'urubanza ruri bugufi.

Hanyuma marayika yiyyereka Balamu. Abwira Balamu ko iyo ndogobe itahaba, icyo gihe yajyaga kuba yapfuye ku bwo kuba yagerageje Imana. Ariko igihe Balamu asezeranye kugaruka, ahabwa itegeko ryo gukomeza, n'iryo kuvuga gusa icyo Imana yajyaga kumuha kuvuga.

Nuko Balamu aramanuka maze yubaka ibicaniro birindwi byo gutambiraho inyamaswa zejejwe ho igitambo. Yica imfizi y'intama, ishushanya kuza kwa Mesiya. Yari azi icyo yagombaga gukora kugira ngo yegere Imana. Ibyo yakoraga byari biri ku murongo bitunganye, ariko adafite imbaraga yo gusigwa yo kubikora; nk'uko bimeze uyu munsi. Ntimubasha kubibona, mwa Banikolayiti mwe?

Isirayeli yari iri aho, mu kibaya, itamba igitambo nk'icyo, ikora ibantu bisa n'ibyo, ariko uruhande rumwe rwari ruherekejwe n'ibimenyetso. Uruhande rumwe gusa ni rwo rwari rufite Imana hagati muri bo. Ishusho ya kidini nta hantu na hamwe izabageza. Ntishobora gusimbura ukwigaragaza k'Umwuka. Icyo ni cyo cyabaye i Nicee. Bemeje abantu inyigisho ya Balamu, itari inyigisho y'Imana. Kandi barasitaye; ni byo, baraguye. Bari abantu gusa bapfuye nta kindi.

Igitambo kimaze gutambwa, Balamu yari yiteguye guhanura. Ariko Imana yari yagobye ururimi rwe, kandi ntiyashoboye kubavuma. Yabahesheje umugisha.

Balaki yari yarakaye cyane, ariko nta cyo Balamu yashoboraga guhindura kuri ubwo buhanuzi: bwari bwavuzwe n'Umwuka Wera. Nuko Balaki asaba Balamu kumanuka akajya epfo cyane, mu kibaya, aho yajyaga kubonera ibidatunganye bya Isiraheli, kugira ngo agerageze kureba uko yabona impamvu runaka yo kubavuma. Uburyo bw'amayeri Balaki yakoreshaga ni bwo buryo bw'amayeri bakoresha uyu munsi. Amadini akomeye areba udutsinda duto ari hejuru yatwo aho atwitegeye, maze bobona akantu bakoze kadakwiriye, bagasakuza ngo kamenywe na bose. Niba abantu b'iki gihe bibera mu cyaha, nta muntu n'umwe ugira icyo abivugaho, ariko igitangaji, ni uko niba hagize intore imwe ikagira utubazo, ibinyamakuru byose byihutira gukwirakwiza iyo nkuru uhoreye ku mpera imwe y'igihugu ukageza ku yindi. Yego, Isirayeli yari ifite intege nke zayo, ibyo igawa by'umubiri. Bari bafite uruhande rwo gushimwa buhor, ariko, nubwo bari bafite ibidatunganye byabo, ku bw'umugambi w'Imana ukora ushingiye ku gutoranya kwayo, ku bw'ubuntu atari ku bw'imrimo, BARI BAFITE IGICU KU MANYWA N'INKINGI Y'UMURIRO NIJORO, BARI BAFITE IGITARE CYAKUBISWE, INZOKA Y'UMURINGA, IBIMENYESO N'IMIRIMO IKOMEYE. Bari barahamirijwe - atari ku bwabo bwite, ahubwo mu Mana.

Imana nta na kimwe yitagaho cy'abanikolayiti, n'impamyabumenyi zabo z'ikirenga muri Filizofiya, mu mategeko no mu buhangi mu by'iyobokamana, hamwe n'amadini yabo yose meza n'ibindi bintu byiza by'agatangaza umuntu yabasha kwirata; igitangaje yitaga kuri Isirayeli kuko bari bafite Ijambo rihamirijwe hagati muri bo. Nta gushidikanya, Isirayeli ntiyagaragaraga neza ku buryo bwatuma yitabwaho, mu gihe yari imaze kuva muri Egiputa mu gihe cyo guhunga by'ikubagahu, ariko uko biri kose bwari ubwoko bwahawe umugisha. Mu gihe k'emyaka 300 bari bamaze, icyo yari izi gusa kwari ukorora imikumbi yamatungo, guhinga imirima n'ubacakara, bafite ubwoba bwo kwicwa, bari mu iterabwoba ry'Abanyegiputa. Ariko icyo gihe, bari bafite umudendezo. Bwari ubwoko bwahawe umugisha, ku bw'ubushake bw'Imana yigengaho. Nta gushidikanya ko Mowabu yabwitegerezaga iri mu rwego rwo hejuru ibasuzuguye. Amahanga yose na yo n'uko yababonaga. Amadini aba ari mu rwego rwo hejuru igihe cyose akitegerezza abadafite amadini abasuzuguye; cyangwa bakazabahatira kuyinjiramo, cyangwa se bakazabarimbura igihe banze kuza ngo bayinjiremo.

Umuntu yashobora kumbaza ati: "Mwene Data Branham, ni iki gituma utekereza ko Mowabu yari ifite idini kandi ko Isirayeli itari irifite?" Ni hehe mwashakira icyo gitekerezo? Ngisanga hano rwose muri Bibiliya.

Byose biri aha, mu rugero rw'igishushanyo. Ikintu cyose cyanditswe mu ishusho y'inkuru mu Isezerano rya Kera cyanditswemo kugira ngo kidukebure, kugira ngo tubikuremo isomo.

Turabona hano mu Kubara 23.9:

*"Kuko nitegeye ubwo bwoko ndi hejuru y'ibitare, nkabwitegerezza ndi mu mpinga z'imisozi.
Dore ni uwoko BUTURA UKWABWO, kandi NTIBUZABARWA MU MAHANGA."*

Ni ibyo. Imana yitegerezza iri mu mpinga y'ibitare, nta bwo ari iyo epfo mu kibaya, kugira ngo irebe uruhande rwabo rudatunganye kugira ngo ibacire urubanza. Imana ibabona mu buryo yifuza kubabonamo: Iba iri hejuru ikarebera mu rukundo rwayo no mu mbabazi zayo. Baturaga UKWABO, kandi ntibari idini. Ntibari bafite umwami. Bari bafite umuhanuzi, kandi uwo muhanuzi yabaga afite Imana muri we, ku bw'Umwuka; kandi Ijambo ryazaga ku muhanuzi, maze rikagera kuri rubanda rikomotse kuri we. Nta bwo bari abanyamuryango ba O.N.U (Umuryango w'Abibumbye). Nta bwo bari abanyamuryango b'Inama Mpuza Matorero, Abatisita, Abaperisebuteriyyeni, abo muri « Assemblee de Dieu », cyangwa abo irindi tsinda irylo ari ryo ryose. Ntibari bakeneye kuba abayoboke. Bari barabaye umwe n'Imana. Ntibari bakeneye kugirwa inama n'iyo Nama: "Bari bafite : « Uku ni ko Umwami avuze" hagati muri bo. Haleluya!

Ariko Balamu, nubwo yari azi uburyo yagombaga kwegera Imana kandi niba yarashoboraga kuzana uguhishurirwa kuvuye ku Mwami yambaye imbaraga ku buryo budasanzwe, nubwo byari bimeze bityo, yari umwepisikopi mu itsinda ry'ikinyoma. Ku bw'ibyo, ni iki akora icyo gihe kugira ngo agire igikundiro kuri Balaki? Ategura umugambi wajyaga gutuma biba ngombwa ko Imana ihanisha Isirayeli urupfu. Nk'uko Satani yari azi ko yashoboraga gushukashuka Eva akamuyobya (Akamugusha mu cyaha cy'umubiri), rero ibyo bituma Imana ica urubanza rwo gupfa ari na rwo yari yaraciriye icyaha, ni nako Balamu yari azi, niba abashije gutuma Isirayeli icumura igakora icyaha, Imana yagombaga kubahanisha igihano cy'urupfu.

Nuko acura umugambi wo kubazana ngo bifatanye mu cyaha. Aboherereza ubutumire bwo kuza mu munsi mukuru wa Bayali - Pewori (muze dusengere hamwe). Kandi abantu b'Isirayeli kuko bari barigeze kubona nta gushidikanya iminsi mikuru y'Abanyegiputa, batekerezaga ko nta kibi gikomeye kibrimo kuuyayo nk'indorerezi, ndetse bagasangira n'abo bantu (ibyo ari byo byose nta kibi kiri mu gusabana nk'abavandimwe, si ko biri? Tugomba uko biri kose kubakunda, oya, bitabaye ibyo ni buryo ki tuzabasha kubabona nk'abo turonse? Ibirori by'ubucuti nta muntu n'imwe byigeze bigira icyo bitwara- urebye ni byo batekerezaga. Ariko igihe abo bagore b'i Mowabu, bambaye utwambaro tw'urukoza zoni ku buryo bureshya, batangiye kuzenguruka no kwiyambika ubusa babyina « rock and roll » na « twist » [Amoko y'imbyino z'urukozasoni zo mutubyiniro.-Usabanura,] irari ryarabyutse muri bo, kandi abo Bisirayeli bashowe mu busambanyi, kandi ibihumbi mirongo ine na bibiri muri bo barimbwe n'umujinya w'Imana.

Kandi nicyo Constantin n'abamukurikiye bakoze i Nicee ndetse na nyuma ya Nicee. Batumiye ubwoko bw'Imana mu nama. Kandi igihe iteraniro ryicajwe no kurya, na none ryahagurukijwe no gukina (kugira uruhare mu bantu by'imihango, mu birori n'iminsi mikuru ya gipagani bari bahaye izina ry'imigenzo ya gikristo), ryari yaguye mu mutego: ryari yakoze ubusambanyi. Nuko Imana irivamo.

Igihe cyose umuntu ateye umugongo Ijambo ry'Imana, kandi akayoboka itorero aho kwakira Umwuka Wera, uwo muntu arapfa. Akaba umuntu wapfuye! Icyo ni cyo muba muri cyo. Ntimuyoboke itorero. Ntimwinjire mu idini, aho bazabuzuzamo inyigisho zahimbwe n'abantu, imihango cyangwa ikindi cyose cyabasha gufata umwanya w'Ijambo n'uw'Umwuka, bitabaye ibyo muba mupfuye. Biba birarangiye. Muba mupfuye. Mutandukanyijwe n'Imana iteka ryose.

Kandi kuva kera, ibyo ni byo byabayeho mu bisekuruza byose. Imana ibohora abantu. Basohoka ku bw'amaraso, bejeewe n'Ijambo, bakanya mu mazi y'umubatizo, maze bakuzuzwa Umwuka Wera. Ariko nyuma y'igihe gito, urukundo rwabo rwa mbere rugakonja, umuntu akabona ko bakagombye gukora idini kugira ngo bagire ikizere cyo gukomeza babungabunga ejo habo hazaza no kwiyubakira izina, ngabo na none barongera bagakora idini, uhereye ku gisekuruza cya kabiri ndetse na mbere y'aho. Ntibaba bagifite Umwuka w'Imana, ahubwo gusa ishusho y'umuhango. Barapfuye. Bivanze n'inyigisho yahimbwe n'umuntu n'ukwishushanya, kandi nta kuri kukiri muri bo.

Balamu yageze ku ntego yo gushora Isirayeli mu busambanyi. Mwari muzi ko ubusambanyi bw'umubiri ari umwuka umwe nk'uri mu itorero ryahindutse idini? Navuze ko umwuka w'ubusambanyi ari umwuka w'idini. Kandi abakora ubusambanyi bose umwanya wabo uzaba uwo mu nyanja yaka umuriro. Ngicyo icyo Imana itekereza ku idini. Ni byo mugenzi wange, maraya n'abakobwa be bazajya mu nyanja yaka umuriro.

Amadini nta bwo ari ay'Imana. Ntiyigeze na rimwe aba Ayayo kandi nta bwo azigera na rimwe aba Ayayo. Ni umwuka mubi, uca mo ibice ubwoko bw'Imana, ukoresheje gushyiraho inzego z'abakuru ku ruhande rumwe, n'abigishwa b'abalayiki basanzwe ku rundi. Rero ni umwuka mubi ucamo ibice ugatandukanya abantu bamwe n'abandi. Ngicyo icyo ishyirahamwe n'amadini bikora. Bitewe n'idini, yitandukanya n'Ijambo ry'Imana, kandi akishyira mu mibereho y'ubusambanyi bwo mu buryo bw'umwuka.

None, nimurebe uko Constantin yahaye abantu iminsi mikuru idasanzwe. Yari iminsi mikuru ya kera ya

gipagani ni yo bari barahaye amazina mashya bakuye mu Itorero cyangwa rimwe na rimwe bakaba barafashe imigenzo ya gikristo bakayitesha agaciro bakayisimbua imihango ya gipagani. Yafashe umuhango wo kuramya ikigirwamana zuba kandi yawuhinduyemo umuhango wo gusenga Umwana w'Imana. Aho kuwizihiza ku ya 21 Ukuboza, umunsi bizihirizagaho umunsi mukuru w'ikigirwamana zuba, barawusunitse bawushyira ku ya 25 Ukuboza, kandi bawise isabukuru y'ivuka ry'Umwana w'Imana. Ariko tuzi ko yavutse muri Mata, igithe ubuzima bugaragariraho, nta bwo ari mu Kuboza. Kandi bafashe umunsi mukuru w'ikigirwamana Ashiteroti, kandi bawise umunsi mukuru wa Pasika, igithe abakristu bakagombye kwizihiriza urupfu n'izuka by'Umwami. Mu by'ukuri, wari umunsi mukuru wa gipagani wahariwe Astarte.

Bashyize ibicaniro mu itorero. Bashyizemo ibishushanyo. Bahaye abantu icyo bise Inyigisho yo kwizerwa (ikimenyetso kigaragaza intumwa), nubwo utabasha kuyibona muri Bibiliya. Bigishije abantu umuhango w'abakurambere, bakora batyo muri Kiliziya gatorika y'i Roma, itorero ryizera ib'imyuka rikomeye kurusha ayandi. Ryari ubuturo bw'inyoni yose izira. Kandi n'abaporotesitanti na bo bari aho, hamwe n'amadini yabo, bakora bimwe.

Baryaga intonorano. None, nta bwo mvuze ko ibi bishaka kuvuga ko baryaga inyama zaterekerejwe ibigirwamana muri iyi mvugo uko yakabaye. Ku bw'ibyo, nubwo inama y'i Yerusalem yarwanyije ibyo bintu, Pawulo nta cyo yabivugagaho gikomeye, kuko yavugaga ko ibigirwamana nta cyo byari bivuze. Ibyo gusa byari ikibazo cy'umutima-nama, keretse igithe ibyo byabaga bisitaza mwene Data w'umunyanterge nke, kuri we ibantu nk'ibyo ntibyari byemewe. Ikindi kandi, uko guhishurirwa ko mu Byahishuwe kurabwira abantu b'abanyamahanga kandi batari Abayuda, kubera ko ari amatorero y'abanyamahanga.

Mbona ibi kimwe n'uko mbona amagambo y'Umwami yavuze, ati: "Nimutarya umubiri wange, ntimunywe n'amaraso yange, nta bugingo mufite muri mwe. Umuntu ntazatungwa n'umutsima gusa, ahubwo azatungwa n'Ijambo ryose riva mu kanwa k'Imana." Murabona ko kurya, mu bigaragara, ari: "ukugira uruhare mu kintu runaka", mu mvugo y'Umwuka. Ku bw'ibyo, igithe abo bantu bubararaga imbere y'ibishushanyo, igithe bacanaga za buji nini, babaga bizihiza iminsi mikuru ya gipagani, baturiraga abantu ibyaha byabo babyihana (ibyo bintu byose ni iby'idini ya Satani), bari bafatanije na Satani, ntibari bafatanije n'Umwami. Baribari mu myizerere yo gusenga ibigirwamana, baba bashaka kubyemera cyangwa batabishaka. Bavugaga rwose ko ibicaniro n'imibavu biri aho kugira ngo bibibutse amasengesho y'Umwami gusa, cyangwa icyo ari cyo cyose bashobora gutekereza ko ibyo bisobanura; kandi bakavuga ko gusenga bari imbere y'igishushanyo, gusa ari ukugira ngo bahe uburemere bwinshi isengesho ryabo, kandi igithe baturira ibyaha umukuru w'idinibihana, mu by'ukuri ni imana baba baturira ibyaha bayihanaho mu mutima wabo; kandi igithe bavuze ko umukuru w'idini abababariye, baba bavuga ko abikora rwose mu Izina ry'Umwami; bavuga rwose ibyo bashaka, ariko baba bafite uruhare mu idini izwi neza yakomotse i Babuloni, iyo dini ya Satani; bifatanije n'ibigirwamana, kandi bakoze ubusambanyi bwo mu buryo bw'Umwuka, ari byo bisobanura urupfu. Barapfuye.

Kubera ibyo, itorero na Leta byari byarabaye umwe. Itorero ryari ryarifatanyije n'ibigirwamana. Uhereye icyo gihe babifashijwemo n'imbaraga za Leta, batekerezaga ko noneho, "Ubwami bwari bwaje, kandi ko ubushake bw'Imana bwari bugaragajwe ku isi". Ntibitangaje ko Kiliziya gatorika y'i Roma idategereje kugaruka k'Umwami Yesu. Ntibizera ubwami bw'imyaka igihumbi; ubu bafite ubwami bwabo bw'imyaka igihumbi hano, papa ubu yamaze kwima ingoma, kandi Imana iri ku ngoma muri we. Kuri bo rero igithe Azaza, bizaba ari igithe Ijuru rishya n'isi nshya bizaba byateguwe. Nyamara baribeshya. Papa ni umutware w'itorero ry'ikinyoma, kandi hazabaho ubwami bw'imyaka igihumbi; ariko mama ntazaba ari aho. Azaba ari ahandi.

UMUBURO

Iyahishuwe 2.16:

"Nuko wihane kuko nutihana nzaza aho uri vuba, abo mbarwanye mbatikure inkota yo mu kanwa kange."

Ni iki kindi Ibasha kuvuga? Imana ishobora kureka guhana icyaha cy'abatwariye ubusa Izina ryayo? Hariho uburyo bumwe gusa bwo kugirirwa ubuntu mu gihe k'icyaha : KWIHANA. Mukatura ko muri mu makosa. Ni muze ku Mana kugira ngo muhabwe imbabazi n'Umwuka w'Imana. Ni ryo tegeko Imana ibaha. Kutumvira, ni urupfu, kuko Imana ivuga iti : *"Nzabarwanya nkoreshoje inkota yo mu kanwa kange."* Inyamaswa yarwanyije abera, ariko Imana izarwanya inyamaswa. Abarwanyije Ijambo bazisanga umunsi umwe barwanywa n'Ijambo.

Ni ikintu kibi bikabije kugabanya cyangwa kongera ku Ijambo ry'Imana. Kuko abarihinduye, bakarigenza uko bishakiye, ni ayahe maherezo yandi bazagira usibye urupfu no kurimbuka? Nyamara, Ubuntu bw'Imana buracyatakamba bavuga buti : *"Nimwihane!"* Yoo! Mbega uburyo igitekerezo cyo kwihana kinejeje. Nta cyo mfite nakuzanira, ariko ku musaraba wawe ni ho nifuza kuguma. Nzanye agahinda kange. Nihannye icyo ndi cyo n'ibyo nakoze. None, ni Amaraso, nta kindi usibye Amaraso ya Yesu. Bizaba kwihana, bizaba kwihana cyangwa inkota y'urupfu? Guhitamo ni ukwanyu.

INGORORANO

Ibyahishuwe 2:17 :

"Ufite ugutwi niyumve ibyo Umwuka abwira amatorero: Unesha nzamuha kuri manu yahishwe, muhe n'ibuye ryera ryanditsweho izina rishya ritazwi n'umuntu wese keretse urihabwa."

Ubutumwa bubwirwa buri gisekuruza burimo ijambo rikomeza umwizerwa, kugira ngo rimukeburire kuba unesha, kandi ku bw'ibyo akagororerwa n'umwami. Muri iki gisekuruza, umwuka arasezeranya manu yahishwe n'izina rishya ryanditswe mu ibuye ryera.

Nyamara, nk'uko buri bumwe muri ubwo butumwa bubwirwa "marayika" (intumwa y'umuntu), uwo ni we ufite inshingano zikomeye, n'amahirwe adasanzwe. Imana iha amasezerano adasanzwe abo bantu, nk'uko yabikoreye intumwa cumi n'ebyiri zicaye ku ntebe z'ubwami cumi n'ebyiri kugira ngo bacire urubanza imiryango cumi n'ibiri ya Isirayeli. Na none kandi mwibuke ko Pawulo yahawe isezerano ridasanzwe: ryo kuzamurikira Yesu abantu bari mu mugeni bo mu gihe ke.

II Abakorinto 11:2:

"Kuko mbafuhira ifuhe ryo mu buryo bw'Imana, kuko nabakwereye umugabo umwe ari We Kristo, ngo mubashyingire mumeze nk'umwari utunganye."

Ni ko bizamera ku ntumwa zizaba zarabaye abiringirwa ku Ijambo ry'igihe cyabo n'iry'igisekuru cyabo. Ni uko bizamera ku munsi wa nyuma. Izaba ari ingororano imwe nk'iyari yarabikiwe Pawulo. Ndatekereza ko benshi muri mwe mwibuka ko navugaga ko nahoraga igihe cyose mfite ubwoba bw'urupfu, ntinya guhura n'Umwami mu gihe yajyaga kuba andakariye kubera ko nari naramutengushye inshuro zitabarika. Rwose, nari ndimo gutekereza kuri ibyo, igitondo kimwe ndi mu buriri ku gitanda, icyo gihe ako kanya narazamuwe ntwarwa mu iyerekwa rwose ridasanzwe. Niba mvuze ko ritari risanzwe, ni uko nagize amayerekwa ibihumbi, ariko ni ukubera ko ryasaga naho ritari ryarigeze na rimwe rimvamo. Ariko icyo gihe, narazamuwe ndatwarwa, narahindukiye kugira ngo ndebe umufasha wange, kandi nabonye umubiri wange urambaraye aho, iruhande rwe. Hanyuma, nisanze ndi ahantu heza cyane bihebuje kurusha aho naba narigeze kubona hose. Yari Paradizo. Nabonaga imbagya y'abantu benshi banezerewe kandi beza cyane kurusha abo naba narigeze kubona bose. Bose bagaragaraga nk'abakiri bato—mu myaka za 18 kugeza kuri 21. Nta musatsi n'umwe w'imvi wari uhari, nta munkanyari n'umwe, habe n'inenge n'imwe muri bo. Abakobwa b'inkumi bose bari bafite imisatsi ibagwa mu bitugu ikabagera mu rukenyerero, n'abasore bari beza ku buryo bugaragara kandi bafite imbaraga. Yoo! Mbega ukuntu banyakiriye! Barampoberaga, banyitaga mwene Se w'agaciro gakomeye, kandi ntibahwemaga kumbwira ukuntu bari bishimiye kumbona. Mu gihe narimo nibaza abo bantu bose abo ari bo, umuntu ku ruhande arambwira ati: "Abo ni abawe."

Mu gutangara ndibaza nti: "Abo bantu bose ni aba Branham?"

Aransubiza ati: "Oya, ni abahindutse ku bwa we." Hanyuma anyereka umudamu kandi arambwira ati: "Urabona uyu mukobwa w'inkumi watangariraga mu kanya? Yari afite imyaka 90 igihe wamuzanye ku Mwami."

Ndavuga nti: "Oh! Ra ra! Kandi kuvuga ko ibyo ari ukuri ibyo ni byo byanteraga ubwoba.

Uwo mugabo arambwira ati: "Turuhukiye aha dutegereje Ukugaruka k'Umwami."

Ndasubiza nti: "Ndifuza kumubona."

Aravuga ati: « Ntushobora kumubona ubu, ariko Araje bidatinze, kandi igihe Azazira, ni wowe Azazaho bwa mbere, Akagucira urubanza Akurikije Ubutumwa bwiza wabwirije, kandi tuzaba turi abagaragu bawe. »

Ndavuga nti: "Ushatse kuvuga ko ari nge uzabazwa bariya bantu bose?"

Aransubiza ati: "Buri wese muri bo. Wavukiye kugira ngo ube umuyobozi."

Ndamubaza nti: "Mbese buri wese afite abo azabazwa? Na Pawulo wera?"

Aransubiza ati: "Azabazwa abo mu gihe ke."

Rwose, ni ko navuze nti: "Nabwirije Ubutumwa bwiza nk'ubwa Pawulo." Nuko imbagya y'abantu itera hejurun'ijwi rirenga igira iti: "Ibyo ni byo twizigiye."

Ni byo, ndabona ko Imana igiye gutanga ingororano idasanzwe ku ntumwa zayo zashohoje inshingano Yazihaye. Niba zarahawwe uguhishurirwa Ijambo ry'Icyo gisekuru, zikaba zararibwirije ku buryo buzira amakemwa mu gihe cyazo kandi zikaba zarabaye mu byo zabwirije, zizahabwa ingororano ikomeye.

Mu gihe mugikomeje kugira iki gitekerezo mu bitekerezo, mwongere murebe uyu murongo ugira uti: "Nzamuha manu yahishwe." Twese tuzi ko manu yari ibyo kurya by'abamarayika. Byari ibyo Imana yamanuriraga Abisirayeli mu byatsi mu gihe bari inzererezi. Byari ibyo kurya byuzuye. Ni ibuntu bitangaje kubona utwo tubumbe duto tw'ibiryo twarabatungaga bagakomeza kugira ubuzima bwiza buzira umuze. Nta muntu n'umwe warwaraga. Ibyo ni byo bari bakeneye gusa. Mu gihe cyo gukora isanduku y'isezerano, bayishyizemo kuri iyo manu nkeya. Hanyuma, isanduku ishyirwa inyuma y'umwenda wakingirizaga, kandi umutambyi mukuru wenyine ni we watinyukaga kuhegera, kandi icyo gihe, byamusabaga kuba afite amaraso y'igitambo. Umugati waturutse mu Ijuru, ushushanya manu, umunsi umwe wamanutse uvuye mu Ijuru kandi wahindutse Ubugingo ku bamwizera bose.

Yaravuze:Yohana 6: 48, 51:

"Ni nge mugati w'Ubugingo.

Ni nge mugati w'Ubugingo wamanutse uvuye mu Ijuru. Uwo ari we wese uzarya uwo mugati azabaho iteka ryose."

Igihe yagiye, yadusigiye Ijambo Rye: Matayo 44:4:

"Umuntu ntazatungwa n'umugati gusa, ahubwo azatungwa n'Ijambo ryose rituruka mu kanwa k'Imana."

Ijambo Rye ryari umugati. Yari manu yuzuye itunganye, kandi umuntu wese ubeshwaho na yo ntazapfa iteka ryose. Arikoi ige basogokuruza ba mbere bari batakiriho, nta muntu n'umwe wasaga n'ukimenza ukuri nyirizina, kandi byasaga naho mu gihe gito abantu bari barahishwe iyo manu. Arikoi muri buri gisekuru, Imana yatangiye kugarura ibyari byarahishwe ikoreshheje uguhishurirwa, kugeza kuri uyu munsi wa nyuma, ku buryo buhura n'Ibyahishuwe 10:7, aho umuhanuzi aza agahishura ubwiru bwose, nyuma yaho Umwami akabona kuza.

Rero, muri buri gisekuru, ni ko mvuga, intumwa zahawe ukuri guhishwe. Arikoi nta bwo baguhawe gusa ku bwa bo, ni kimwe n'igihe abigishwa bashingwaga umurimo wo kugaburira imigati n'amafi imbagya y'abantu: Yesu yabaherezaga ibyokurya byamanyaguwe, arikoi bo, icyo bakoraga gusa, cyari uguhereza abantu. Imana iha manu yayo yahishwe uwanesheje. Nta kundi bibasha kugenda. Ntiyajyaga gukingurira ubutunzi bwayo bw'agaciro gakomeye abigizayo ibyamaze guhishurwa.

Icyo navuze ku byerekeye intumwa ya buri gisekuruza, ihabwa n'Imana igice cy'ukuri k'umwimerere wa Pantekote, kiri mu ishusho y'igishushanyo cy'urugero rw'ibyabayeho mu Isezerano rya Kera, ige Mose yahawе itegeko ryo gefata uturobe dutatu n'igice twa manu akazishyira mu rwabya rw'izahabu akazishyira inyuma y'umwenda ukingiriza ahera cyane. Aho, umutambyi mukuru wa buri gisekuru yashoboraga kwinjira, yitwaje amaraso y'igitambo. Hanyuma yashoboraga gefata agace gato cyane kuri iyo manu (kuko itagagaga ngo yangirike) yabaga ari ya manu y'umwimerere, maze akakarya.

Nyamara, muri buri gisekuru, intumwa yatumwe n'Umwami y'icyo gisekuru yahabwaga uguhishurirwa guturutse ku Mana kw'icyo gihe irimo. Igihe intumwa ibonye umucyo ku bw'ukuri, yagezaga uko kuri ku bantu. Kandi ababaga barafunguwe amatwi n'Umwaka bumvaga uko kuri, barakwizeraga kandi bakakugenderamo.

Kandi na none hari igitekerezo cy'uko tuzagira umugabane kuri manu yahishwe mu gihe kizaza. Ndatekereza ko bizaba ari ukugira umugabane uhoraho iteka ryose ku guhishurirwa kwa Yesu Kristo mu bihe bihoraho iteka ryose bizaza. Atari ibyo, ni buryo ki twabasha gutangira kumenya ubutunzi butagira akagero bwo Kubaho Kwe? Ibyo twifuje kumenya byose, ibibazo byacu byose bitabonewe igisubizo, ibyo byose bizahishurwa. Tuzabihabwa biturutse kuri Kristo, ni we buringo bwacu. Yoo! Rimwe na rimwe, twibwira ka dutahuraho bike biturutse kuri We no ku Ijambo Rye hano ku isi, kandi ibyo biranezeza cyane, turabinezererwa; arikoi umunsi umwe, ige umubiri wacu uzahindurwa iri Jambo na We bazahinduka Icyo tutazigera na rimwe turota.

Hano na none biravugwa ko Azaha uwanesheje ibuye ryera, kandi muri (atari kuri) ivo buye hazaba harimo izina rishya, urihabwa ni we wenyine uzarimenya. Igitekerezo k'izina rishya ubu kiramenyerewe: Aburamu yahindutse Aburahamu, Sarayi yahindutse Sara, Yakobo yahindutse Isirayeli, Simoni yahindutse Petero, na Sawuli yahindutse Pawulo. Ayo mazina yatumye habaho impinduka, cyangwa se yatanze kubera impinduka yari yabayeho. Mu gihe Umwami yari amaze guhindura izina rya Aburamu na Sarayi ni bwo batangiye kwitegura umwana uzavuka. Ku byerekeye Yakobo, uyu ni we wabashije kunesha, hanyuma yitwa igikomangoma. Ku byerekeye Simoni na Sawuli, uguhinduka kwabayeho ige bari bakiriye Umwami.

Na n'uyu munsi, buri wese muri twe, abizera nyakuri, yahinduye izina. Turi abakristu. Ni izina twitwa twese. Arikoi umunsi umwe, tuzongera duhinduke bundi bushya: Nta gushidikanya, tuzahabwa izina rishya. Ivo zina rishobora kuzaba ari ryo zina ryacu nyakuri rya mbere ry'umwimere ryanditswe mu Gitabo cy'Ubugingo cy'Umwana w'Intama kuva isi yashyirwaho urufatiro. Azi ivo zina, arikoi twe ntiturizi.

Umunsi umwe, ku bw'ubushake Bwe, natwe, tuzarimenya.

Ibuye ryera. Mbega ukuntu ari byiza! Iyi ni yo shusho y'uvera uhabwa ingororano iturutse mu kiganza k'Imana ku bw'ibigeragezo yihanganiye ku isi. Muzi neza ko nyuma ya Constantin, itorero ry'ikinyoma ryabashije gukura ubutunzi mu kigega k'imari cya Leta, kandi ku bw'ibyo bubaka inyubako nziza zuzuye amashusho meza. Ayo mashusho, yari yaratunganijwe muri marijani yera, yari mu by'ukuri ibigirwamana by'Abaroma bari barahaye amazina y'abera. Za kilizya n'ibikoresho byari bizirimo byari bifite ubwiza bw'agatangaza, nk'uko tubasha kubibona uyu munsi. Ariko Imana ntiyari kumwe na bo.

Imana yari iri he? Yari iri kumwe n'abera bayo, mu nyubako yoroheje, mu buvumo, ahantu h'amashyamba mu misozi, aho bihishaga kure y'abayoboke b'itorero ry'ikinyoma. Nta bwo bari bafite inyubako nziza, amakorali yambaye imyambaro yo guserukana, nta n'imyambaro myiza bagiraga cyangwa se ibindi bikurura by'isi. Ariko noneho, muri iryo sezerano ridasanzwe Imana yahaye abizera nyakuri bo mu bisekuruza byose, Imana yavuze ko yajyaga kubaha ingororano zifite ubwiza buhebuje kandi zihoraho iteka ryose.

Abakire nibakomeze barebe abakene bibereye mu nzego zo hejuru babasuzuguye. Nibakomeze bahe Itorero umubare w'amafaranga utabarika kugira ngo na ryo rihindukire rihe icyubahiro umuterankunga rishyiraho icyapa gikozwe muri marijani cyangwa se ishusho y'abanyabugeni kugira ngo babahe ikuzo, Umunsi umwe, Imana ireba kandi izi byose, izongera ivuge ibigwi by'umupfakazi wahize abandi watanze ibyo yari afite byose, nubwo yari amasenge abiri gusa yonyine, kandi Izatanga ingororano Yo ubwayo ikoresho ubutunzi bwo mu Ijuru.

Ni byo, manu yahishwe, n'izina rishya riri mu ibuye ryera. Mbega ukuntu Umwami ari mwiza ku bwo kuduha ingororano ku buryo buhebuje, twebwe abantu badakwiriye rwose. Yoo! Ndifuza guhora niteguye igihe cyose gukora ubushake Bwe, no gukomeza kwibikira ubutunzi mu Ijuru.



Ibibwiriza bya
William Marrion Branham
"...mu minsi y'ijwi ..." Ibyah. 10:7